

جريدہ عدلیہ

۲۹ رمضان ۱۳۲۸ بازار ایرتسی ۲۰ ایلول ۱۳۲۶

نومرو ۲۰

برنجی سنہ

قِسْمَتِ عَزِيزِی

توجہات عدلیہ

قونیہ ولایتی استیناف مدعیٰ عمومیلکنہ ولایت مذکورہ بدایت محکمہ سی حقوق دائرہ سی رئیس،
مصطفیٰ عاصم افندینک، قسطنطنیہ ولایتی استیناف مدعیٰ عمومیلکنہ خداوندکار ولایتی مرکز بدایت
محکمہ سی حقوق دائرہ سی رئیس احمد فائق افندینک، خداوندکار ولایتی مرکز بدایت محکمہ سی جزا
دائرہ سی ریاستہ انقرہ ولایتی مرکز بدایت مدعیٰ عمومیس کامل افندینک، انقرہ ولایتی مرکز بدایت
محکمہ سی مدعیٰ عمومیلکنہ تحویل طلبندہ بولسان بتلیس مرکز بدایت مدعیٰ عمومیس نامق افندینک،
سیواس ولایتی مرکز بدایت محکمہ سی جزا دائرہ سی ریاستہ ولایت مذکورہ مرکز بدایت مدعیٰ عمومیس
بکر صدق افندینک، سیواس ولایتی مرکز بدایت محکمہ سی مدعیٰ عمومیلکنہ آٹنه ولایتی مرکز بدایت
مدعیٰ عمومیس مصطفیٰ نوری افندینک، آٹنه ولایتی مرکز بدایت محکمہ سی مدعیٰ عمومیلکنہ بغداد
ولایتی مرکز بدایت مدعیٰ عمومیس اسحق توفیق افندینک، بغداد ولایتی مرکز بدایت محکمہ سی مدعیٰ
عمومیلکنہ بغداد ولایتی استیناف محکمہ سی اعضاسندن فواد افندینک، معمورہ العزیز ولایتی استیناف



محکمه‌سی اعضا لگنه موصل استیناف محکمه‌سی اعضا سندن بودوساکی افندینک ، مجدداً تشکیل اولان سیواس ولایتی استیناف مدعی عمومی معاونلکنه مکتب حقوقک علی الاعلی درجه ده مأذونلرندن عبدالکریم افندینک ، مجدداً تشکیل اولان سیواس ولایتی مرکز بدایت محکمه‌سی مدعی عمومی معاونلکنه مکتب حقوقک علی الاعلی درجه ده مأذونلرندن قره کین سرجانیان افندینک ، قسطنیونی استیناف معاونلکنه قومانوه قضاسی بدایت محکمه‌سی جزا دأره‌سی رئیس نجمی افندینک ، معموره العزیز استیناف اعضا ملازمکنه ولایت مذکوره مقاولات محرری حسین افندینک ، قسطنیونی ولایتی مرکز بدایت محکمه‌سی اعضا لگنه رخصتنامه لی دعوی وکیللرندن یواناکی قوزمه افندینک ، تشکیلات جدیده جمله سندن اوله رق بصره ولایتی محکمه استینافیه‌سی ریاسته قسطنیونی ولایتی استیناف مدعی عمومی عمر لطفی بکک ، تشکیلات جدیده جمله سندن اوله رق بصره ولایتی محکمه استیناف مدعی عمومی میلکنه سیواس ولایتی مرکز بدایت محکمه‌سی جزا دأره‌سی رئیس محمد علی افندینک ، تشکیلات جمله سندن اوله رق بصره ولایتی محکمه استینافیه‌سی اعضا سندن صالح افندینک ، تشکیلات جدیده جمله سندن اوله رق بصره ولایتی محکمه استیناف اعضا لگنه بغداد استیناف محکمه‌سی اعضا سندن علام الدین ، موصل محکمه استینافیه‌سی اعضا سندن عبده ناصر الدین ، بغداد استیناف محکمه‌سی اعضا سندن عزرا غزاله افندیلرک ، تشکیلات جدیده جمله سندن اوله رق بصره ولایتی محکمه استیناف اعضا ملازمکنه بغداد استیناف محکمه‌سی اعضا ملازمی آغوب افندینک ، بغداد محکمه استینافیه‌سی اعضا ملازمکنه موصل ولایتی استیناف محکمه‌سی باش کاتبلرندن محمود افندینک ، خمس سنجانی بدایت محکمه‌سی ریاسته کرک سنجانی بدایت محکمه‌سی مدعی عمومی معاونی کامل افندینک ، جبل غربی بدایت محکمه‌سی ریاسته موصل ولایتی محکمه استینافیه‌سی اعضا سندن مصطفی افندینک ، تشکیلات جدیده جمله سندن اوله رق بنگازی سنجانی بدایت محکمه‌سی اعضا لگنه خداوندکار مرکز بدایت محکمه‌سی مستنطقلرندن خلوصی ، لواء مذکور اجرا مأموری احمد عارف ، قولونیا قضاسی بدایت محکمه‌سی مستنطق عثمان نوری ، طرابلس غرب ولایتی ملقا تجارت محکمه‌سی باش کاتبی محمد افندیلرک نقل و انتخابلرینه و بغداد ولایتی محکمه استینافیه‌سی اعضا سندن احمد و ناجی و آرتین ستهان و داوید سامرا افندیلرله استیناف محکمه‌سی اعضا ملازملرندن سلیم بکک و موصل ولایتی استیناف محکمه‌سی اعضا سندن عبدالعزیز و حامد و عبدالمسیح و حنا و محکمه مذکوره اعضا ملازمی سلیمان افندیلرک مأموریت حاضرلرنده ابقالرینه و بغداد استیناف اعضا سندن قالوص افندینک دخی محل استخدامی بولنماسنه مبنی آچیغه چیقارلمسنه قصبه قضاسی بدایت محکمه‌سی مدعی عمومی معاونلکنه استرومجه قضاسی بدایت محکمه‌سی مدعی عمومی معاون سابق محمد و فقی افندینک ، کشان قضاسی بدایت محکمه‌سی جزا دأره‌سی ریاسته حیفایا بدایت محکمه‌سی جزا دأره‌سی رئیس یوسف کنعان بکک ، مجدداً تشکیل اولان مديات قضاسی مدعی عمومی معاونلکنه قره کایسا مدعی عمومی معاونی الیاس وصفی افندینک ، مجدداً تشکیل اولان دیوریکي قضاسی بدایت

محکمه‌سی ریاسته طوز قضاسی بدایت محکمه‌سی مدعی عمومی معاونی عبدالرحمن درویش افندینک ، ارضروم ولایتی استیناف محکمه‌سی جزا دأره‌سی ریاسته بغداد استیناف محکمه‌سی مدعی عمومی موسی محمد نظیف افندینک ، بغداد استیناف محکمه‌سی مدعی عمومی میلکنه سوریه ولایتی مرکز تجارت محکمه‌سی رئیس و اصف افندینک ، سوریه مرکز تجارت محکمه‌سی ریاسته آیدین ولایتی مرکز مدعی عمومی سابق صادق افندینک ، قدس شریف سنجانی بدایت محکمه‌سی اعضا لگنه سوریه محکمه‌سی ضبط کتابتده خدمتی مسبق و ولایت مذکوره اعضا منتخبه سابقه سندن اسعد ابوشعر افندینک ، ایلصان سنجانی بدایت محکمه‌سی اعضا لگنه بکلین قضاسی بدایت محکمه‌سی اعضا سندن سعد الدین افندینک ، ایچ ایل سنجانی بدایت محکمه‌سی جزا دأره‌سی ریاسته زور سنجانی بدایت محکمه‌سی جزا دأره‌سی ریاستندن مستعفی جمال افندینک ، آچیق اولان دکرلی سنجانی بدایت محکمه‌سی جزا دأره‌سی ریاسته طاشلیجه سنجانی بدایت محکمه‌سی جزا دأره‌سی رئیس راسم بکک ، طاشلیجه سنجانی بدایت محکمه‌سی جزا دأره‌سی ریاسته موش سنجانی مدعی عمومی معاونلکندن مستعفی و مکتب حقوقدن مأذون محمد نصرت افندینک ، آچیق اولان لازستان سنجانی بدایت محکمه‌سی جزا دأره‌سی ریاسته دراج سنجانی مدعی عمومی معاون سابق وصفی بکک ، آچیق اولان ارضروم ولایتی مرکز بدایت محکمه‌سی مدعی عمومی معاونلکنه ولایت مذکوره محکمه استینافیه‌سی باش کاتبی ابراهیم افندینک ، آنقره ولایتی استیناف محکمه‌سی اعضا لگنه کنغری سنجانی بدایت محکمه‌سی مدعی عمومی معاون سابق مصطفی عاشر بکک ، آچیق اولان آنقره مرکز بدایت محکمه‌سی اعضا لگنه قترین قضاسی بدایت محکمه‌سی اعضا سندن جوهریان جودت افندینک ، جزایر بحر سفید ولایتی مرکز بدایت محکمه‌سی جزا دأره‌سی ریاسته در سعادت بدایت محکمه‌سی اعضا ملازمکی و مدعی عمومی معاونلکنده خدمتی مسبق مکتب حقوق مأذونلرندن حسن آصف بکک ، ارضروم ولایتی مرکز تجارت محکمه‌سی ریاسته آنقره ولایتی مرکز تجارت محکمه‌سی ریاستندن مأموریتک الغاسنه مبنی آچیقده قالان عبده بکک ، نقل و انتخابلرینه و کیوه قضاسی بدایت محکمه‌سی جزا دأره‌سی رئیس اولوب اهالی محلیه ایله یینلرنده ظهور ایدن ضدیت و منافرتک جالب دقت برحاله کلسی حسبیلله تبدیلی ایجاب ایدن نشأت افندی ایله تحویل طابنده بولنان زونقولداق قضاسی بدایت محکمه‌سی رئیس منیر افندینک بجایش مأموریتلرینه ، بصره ولایتی مرکز بدایت محکمه‌سی ریاسته ابقاء محکمه مذکوره جزا دأره‌سی رئیس نعیم افندینک ، بصره ولایتی مرکز بدایت مدعی عمومی میلکنه ولایت مذکوره تجارت محکمه‌سی رئیس شعبان زهدی افندینک ، بصره ولایتی مرکز بدایت اعضا لگنه وان ولایتی مرکز بدایت محکمه‌سی سر مستنطق سابق علی ارسلان افندینک ، وان ولایتی استیناف مدعی عمومی معاونلکنه بصره ولایتی مرکز بدایت محکمه‌سی مدعی عمومی معاونی یهودا نعیم افندینک ، بر دأره‌یه قصر اولسان بغداد ولایتی استیناف محکمه‌سی ریاسته ولایت مذکوره عدلیه مدیریتی کاکان عهده سنده قانلق اوزره احسان بکک ، بتلیس ولایتی مرکز بدایت محکمه‌سی مدعی عمومی میلکنه برات

سنجانی بدایت محکمه سی جزا دائره سی رئیس عزیزی افندینک، برات سنجانی بدایت محکمه سی جزا دائره سی ریاسته قهره سی سنجانی بدایت محکمه سی مدعی عمومی معاون سابق عبدالرحیم علوی افندینک، مجدداً تشکیل اولنان درسم سنجانی بدایت محکمه سی ریاسته ادره استیناف اعضای سابقه سندن عمر مدحت افندینک، مجدداً تشکیل اولنان طرابلس غرب ولایتی استیناف محکمه سی اعضا لگنه بیروت ولایتی مرکز بدایت محکمه سی اجرا مأموری عبدالغنی بدران، مکتب حقوقدن مأذون عبدالرحمن افندیلرک، مجدداً تشکیل اولنان طرابلس غرب ولایتی استیناف اعضا ملازم لگنه ولایت مذکوره دعوی وکیلانردن صلحون، طرابلس شام دعوی وکیلانردن محمد جمیل افندیلرک، قسطنطونی ولایتی استیناف محکمه سی اعضا لگنه دیاربکر استیناف محکمه سی اعضا سندن آطناش افندینک، حیفای قضای بدایت محکمه سی جزا دائره سی ریاسته یافه بدایت محکمه سی جزا دائره سی ریاستدن مستعفی محمد نوری افندینک، اسکندون بدایت محکمه سی جزا دائره سی ریاسته پره وزه تجارت محکمه سی رئیس سابق حسین حسنی افندینک، سیروز سنجانی بدایت محکمه سی مدعی عمومی معاون لگنه قواله قضای بدایت محکمه سی جزا دائره سی رئیس اسماعیل حق افندینک، مجدداً تشکیل اولنان قسطنطونی مرکز بدایت محکمه سی اعضا لگنه مکتب حقوقدن مأذون درسم عادت بدایت محکمه سی برنجی جزا دائره سی کتبه سندن مصطفی افندینک، مجدداً تشکیل اولنان ادره مرکز بدایت محکمه سی مدعی عمومی معاون لگنه مکتب حقوقدن مأذون محکمه تمیز جزا دائره سی کتبه سندن صبری افندینک، مجدداً تشکیل اولنان طرابلس شام سنجانی بدایت محکمه سی اعضا لگنه مکتب حقوقدن مأذون محمد صلاح، محکمه مذکور اعضا ملازمی احمد مقدم، حلب بدایت محکمه سی اعضا ملازم سابق میخائل شامی افندیلرک، منلک قضای بدایت محکمه سی مدعی عمومی معاون لگنه مکتب حقوقدن مأذون درسم عادت استیناف مدعی عمومی ملک قلمی کتبه سندن شکری افندینک، جانیک سنجانی بدایت محکمه سی اعضا لگنه طربزون تجارت محکمه سی باش کاتب سابق محمد تمل افندینک، نقل و تعیین لگنه و بعلبک قضای بدایت محکمه سی جزا دائره سی رئیس بدرالدین افندی ایل سوریه ولایتی استیناف محکمه سی اعضا ملازمی عبدالعزیز افندینک، حاسنجانی بدایت محکمه سی اعضا سندن اسکندر شحلاوی افندی ایل ده سوریه ولایتی مرکز بدایت محکمه سی اعضا سندن نیقولا افندینک بجایش مأموریتلرینک اجراسی و معلقه قضای بدایت محکمه سی مدعی عمومی معاون اولوب تحت محاکمه ایلان کمال الدین افندینک اسباب محاکمه سنده دائر امور جزائی مدیرینک اولبا بدیه کی مذکور سنده تعداد اولنان احوالی نتیجه محاکمه سنده قدر دوام مأموریتی مانع بولندینی جهتله عزلی و بغداد ولایتی استیناف محکمه سنک بردائره قهریه بناء محل استخدامی قالیان جزا دائره سی رئیس محمود رمزی افندینک اول بول انحلال ایده جک بر استیناف ریاسته انتخاب ایدلک اوزره آچینه چیقارلمی، مجدداً تشکیل اولنان رشادیه سنجانی بدایت محکمه سی جزا دائره سی ریاسته سنجیه سنجانی بدایت محکمه سی جزا دائره سی رئیس ذکریا افندینک، مجدداً تشکیل اولنان رشادیه سنجانی بدایت محکمه سی مدعی عمومی

معاون لگنه اشقودره استیناف محکمه سی باش کاتبی ابراهیم بکک، طرابلس غرب ولایتی مرکز بدایت محکمه سی مدعی عمومی معاون لگنه مکتب حقوق مأذونلردن اسماعیل حق افندینک، طرابلس غرب ولایتی مرکز بدایت محکمه سی اعضا لگنه طرابلس شام سنجانی اعضای منتخبه سابقه سندن اسماعیل حافظ افندینک، طرابلس غرب ولایتی مرکز بدایت محکمه سی اعضا لگنه ولایت مذکوره استیناف اعضای منتخبه سابقه سندن محمد یوصری افندینک، قسطنطونی ولایتی مرکز بدایت محکمه سی اعضا لگنه اسکیشهر تجارت محکمه سی باش کاتب سابق آرتین افندینک، قومانوه قضای بدایت محکمه سی جزا دائره سی ریاسته مکتب حقوق مأذونلردن و درسم عادت ایکنجی تجارت محکمه سی کتبه سندن عثمان موفق بکک، مجدداً تشکیل اولنان وزیر کویری قضای بدایت محکمه سی مدعی عمومی معاون لگنه مکتب حقوق مأذونلردن و جنایت محکمه سی کتبه سندن نوری افندینک، مجدداً تشکیل اولنان صو شهری قضای بدایت محکمه سی ریاسته بیغا قضای بدایت محکمه سی مدعی عمومی معاون سابق الیاس شکری افندینک نقل و تعیین لری و میلاس و مکرری قضالری بدایت محاکمی مدعی عمومی معاون لری احسان و مدوح افندیلرک بجایش مأموریتلرینک اجراسی خصوصه اراده سنیه حضرت پادشاهی شرف تعلق بیورلش و محلف اولیانلرک تحلیف لری در دست اجرا بولمشدر.

قوانین و نظامات

۹ رمضان سنه ۳۲۸ و ۳۱ اغستوس سنه ۳۲۶ تاریخلی تذکره سامیه صورتیدر :

قولرادن مصاب و وفیات ظهور ایدن اما کنه قارشی اتخاذ اولنه جق تدابیره مخالفت ایدنلر ایچون قانون جزانک طقسان طقوزنجی ماده سنیه تذیلاً نظارت جلیله لرنجه قلمه آلنسان لایحه قانونیه نک مجلس عمومینک حین اجتماعنده قانونیتی تکلیف اولنق اوزره قانون موقت اوله رق شمیدین مرعیتی خصوصه مجلس مخصوص وکلا قرار یله بالاسنیدان اراده سنیه جناب پادشاهی شرف صدور بیوریله رق قانون مذکورک دیوان هایون قلمندن مصدق صورتی لفا اسرا و داخلیه نظارت جلیله سنده تبلیغات ایفا قلمغله ایجابنک ایفاسنه همت بیورلمی سیاقنده تذکره ثنآوری ترقیم قانندی اقدام

قانون جزائك طقسان طقوزنجي ماده سنه ذيل اولق اوزره قلمه النان ماده قانونيه لايحه سي صورتيدر .

هر کيم اولورسه اولسون قولرا وسائر امراض ساريه دن مصاب ويا وفات ظهور ايدن خانه وسائر محللرک قوردون البته النسنه دائر جانب حکومتدن وقوعبولان اوامر واجرا آته فعلاً مخالفت ايدرسه حرکتنک درجه سنه کوره بر آيدن ايکي سنه يه قدر حبس ايله مجازات اولنور .

ل ۶ رمضان سنه ۳۲۸ و ل ۲۸ اغستوس سنه ۳۲۶ .

تليغات عثمانيه

عدليه نظارت جليله سندن تسطير بيوريان ۸ ايلول سنه ۳۲۶ تاريخي تحريرات عموميه صورتيدر :

« حديد سنجاي داخلنده ابو عريش قضاسنک عسير سنجاغنه ربط والحاق اولديغنه دائر »

حديده سنجاي مضافتندن ابو عريش قضاسنک قرب ومناسبتي جهتيه عيسر سنجاغنه ربط والحاق خصوصه داخليله نظارت جليله سنک اشعاري اوزرينه شوراي دولت ومجلس مخصوص وكلا قرار ليله بالاستيدان اراده سنه جناب پادشاهي شرف تعلق بيورلديغي باندکره ساميه تبليغ اولمغه بيان معلومات اولنور .

عدليه نظارت جليله سندن تسطير بيوريان ۸ ايلول سنه ۳۲۶ تاريخي تحريرات عموميه صورتيدر :

« شجاع الدين قضاي مراکينک اولوقشله يه نقليله نامنک اولوقشله يه تحويل اولديغنه دائر »

ارکينک بلغورلي موقعنده بوسنه انشاسنه باشلانيلان بغداد خط کيري نيکده سنجاي داخلنده واقع شجاع الدين قضاسنه تابع اولوقشله قريه سي جوارنده کچمکده اولسنه وقضاتک مرکزنده کائن مذکور قريه نك پک مهم وقديم مؤسسات ايله برکاريان سراي محتوي وهر صورته عمران وترقي يه قابليت موقعيه يي حائز بولمسنه بناء مرکز قضاتک بوجه اشعار محلي اورايه نقليله نامنک اولوقشله يه تحويل خصوصه داخليله نظارت

جليله سنک اشعاري اوزرينه بالاستيدان اراده سنه جناب خلافتيناهي شرف متعلق بيورلمش اولديغي باندکره ساميه بيلديلمش اولمغه تبليغ کيفيت اولنور .

عدليه نظارت جليله سندن تسطير بيوريان ۸ ايلول سنه ۳۲۶ تاريخي تحريرات عموميه صورتيدر :

« مهاجرينک حجاز تيوريولي اعانه سنه مخصوص قيمتي نومرو پوصله سي اخندن معفو طولمسنه دائر »

مهاجرين طرفندن ويرلمکده اولان استعدانامه لر ايله سنداتک پول رسمندن مستثنا اولسنه نظراً ايشلري تعقيب ايدمک اولان مهاجرينک حجاز تيور يولي اعانه سنه مخصوص قيمتي نومرو پوصله سي اخندن معفو طولمسي ۱۵ تموز سنه ۳۲۶ تاريخي بيورلدي سامي ايله تبليغ قلنان شوراي دولت قراري مقتضاسندن اولديغي ماليه نظارت جليله سندن بيلديلمش اولمغه تبليغ کيفيت اولنور .

عدليه نظارت جليله سندن تسطير بيوريان ۱۹ اغستوس سنه ۳۲۶ تاريخي تحريرات عموميه صورتيدر :

« منقول وغير منقول حقنده کي اعلامات عليه اعتراض واستيناف وغير منقولاته متعلق اولان اعلامات عليه تميز ايدليکنه دائر عائد اولدقلى محکمه لک علم وخبرلي ابراز اولندقه آروجه تأخير اجرا علم وخبري ابرازينه لزوم اولاديغنه دائر »

منقول وغير منقول حقنده کي اعلامات عليه اعتراض واستيناف وغير منقولاته متعلق اولان اعلامات عليه تميز ايدليکنه دائر عائد اولدقلى محکمه لک علم وخبرلي ابراز اولندقه آروجه تأخير اجرا علم وخبري ابرازينه لزوم قالميه رق محضا بحکم القانون معامله اجراييه نك تأخيري لازم کله چکي اجرا قانونک يکرمي بش واصول حقوقيه نك ايکيوز يکرمي دردنجي ماده لري صراحت ليله مبرهن اولديغي کي کذلک اصول محاکمه حقوقيه نك سالف الذکر ايکيوز يکرمي دردنجي ماده سنک احکام صريحه سي اقتضاسنجه اچه واموال منقوله تحصيلي حقنده کي اعلام عليه تميز ايدليکني ميان محکمه سنک علم وخبري ابراز ايدلمسکله برابر مستدعينک عندالتميز حتمز چيقديني تقديرده محکوم بهي ادا وتسليم ايدمکنه دائر کفالت قويه کوستردیکني ويا خود محکوم اولان نقود واشياني برموقع رسمي يه ديپوزيتو ايتديکني ويا خصمي طرفندن املاک واموالي حيز اولنش ويا تحت توقيفه النش بولنديغني اجرا مأمورينه قارشو اوراق ثبوتيه رسميه ايله اثبات ايتديکي تقديرده مأمور مومي اليهک آروجه تأخير اجرا علم وخبري طلب ايتمه لک ينه حکم قانون ايله

الجراني تأخير مجبور وصلاحيته دار بولنديني واحوال ساثرده موقع اجرايه وضع اولنان بر اعلامك تأخير
الجراسي بر محكمه دن اصول ونظامنه توفيقاً صادر اولمش قرارك دائره اجرايه ابرازينه متوقف اولديني
خصوصاتك اطراد معاملات تاميناتممينه لزوم حس ايدلمش ودائره مأموريتلري داخلنده كي محاكم و دوايره
لاجل التوزيع اشيو تحريراتك نسخ مطوعه كافيه سي لفاً ارسال قلمشدر .

محكمه تحرير مقراني

محكمه تمیز هیئت عمومی سندن صادر اولان ۱۹ اغستوس سنه ۳۲۶ تاریخی و نومرولی
اعلام صورتیدر :

« حکم انجمنك استملاك قانونك يكرمي طقوزنجي ماده سي موجبجه قابل استيناف
اوليان قراري بر ملكك بدلنك دون ويازياده اولديغنه دائر اتخاذ اولنان قرارندن
عبارت اولوب بوندن ماعدا بعض خصوصات دهاطلب ودعوى ايدليكي تقديرده
بوابده اتخاذ اولنان مقررانك قابل استيناف اولديغنه دائر »

در سعادت صو شرکتی ایله قوسقهده استانبول آغا چشمه سی قربنده آصف پاشانك قوناغنده ساکن
خدمه حصه شاهانه دن متقاعد عبدالحلیم افندی بیننده متکون دعاویه دائر در سعادت استیناف حقوق محکمه سندن
۲۳ حزیران سنه ۳۲۶ تاریخی و یوز اون آتی عددیله ویریلوب شرکت مذکوره طرفندن تمیز ایدیلان
اعلام حکمنك قرار سابق منقوضنده ثبات واصراری متضمن اولديني اتفاقله قرار کیر اولدقدنصکره اعلام
طرفينك اعتراض وجواب لایحه لریله برابر هیئت عمومیجه بالمطالعه تدقیقات تمیزیه اجراسنه ابتدار قلندی .
اعلام مذکورك خلاصه مندرجاتی مزبور عبدالحلیم افندی نك فری کوینده ساقزاجی جاده سنده متصرف
اولديني معلوم الحدود تربیعاً بیک زراع مقداری صرف ملک برقطعه بغچه نك شرکت مذکوره طرفندن
صولك جمعنه مخصوص اولمق اوزره حوض حالنه افراغ اولنمندن ناشی محل مذکورك استملاکنه دائر
اتخاذ قلنان قرار اوزرینه اولبابده اعطا قلنان راپورده مدعی طرفندن ویریلان ویرکو نظر اعتباره آلهرق
بیک آرشون مقدارنده اولان مذکور بغچه نك قیمتی بیک بشیوز لیرا وشرکتك مبدأ اشغالندن شیمدی به
دکین وقوعی طبیعی اولان ضرر وزیان ایله ویرکو داخل اولديني حالد بیک لیرا که جمعاً ایکی بیک بشیوز
لیرا تقدیر اولمش اولديغنه بناءً مذکور ایکی بیک بشیوز لیرانك شرکت مذکوره دن مع فائض تحصیلنه دائر

بك اوغلی بدایت محكمه سی ایکنجی حقوق دائره سندن استحصال ایدلیکی اعلامك عندالتمیز اسباب قانونیه
مبنی نقض ایدلمسی اوزرینه محكمه مذکوره جه تکرار جریان ایدن محاکمه و تدقیقات نتیجه سنده تشکیل ایدن
حکم انجمنی جانبندن ویریلان و موافق قانون کوریلان مضبوطه منازغ فیه محله تقدیر ایدیلان آلتیوز لیرا
قیمته اساس دعوی عرفی عالی تاریخی اولان اوچیوز یکریمی سنه سی نیسانك التیسندن اوچیوز یکریمی بش
سنه سی تشرین ثانینك اون سکزینه دکین ایشله مش اولان آلتش یدی آی اون ایکی کون ایچون شهر یوزده
اوتوز پاره دن حساب ایدیلان اوچیوز اوچ عثمانلی لیراسیله اوتوز غروش گذشته نك ضمیله بالغ اولديني طقوز
یوز اوچ عثمانلی لیراسی و اوتوز غروش التون اچهنك مذکور قومپانیا نامه شرکت دیرکتور لکندن بالتحصیل
مدعی عبدالحلیم افندی به اعطاسنه ومثلنی تجاوز ایتامك اوزره آیروجه فائض یوریدلمسینه وحکم انجمنك
تعیینی محكمه نك تقدیرینه متوقف اولديني بیان ایتدیکی ضرروزیانك تعقیبندن شمدیلک واز کچدیکی مدعینك
بیان ایتش اولمسینه بناءً محكمه جه بوجهتک مذاکره وضعنه محل اولديغنه ومذکور محکمک اشغالی اولان
بیک ایکیوز طقسان سکز تاریخندن اعتباراً ویرکولرک شرکت مذکوره نامه دیرکتور لکنه عأدیتنه دائر
ویریلان اعلام شرکت مذکوره وکیلی طرفندن استیناف اولمش ایسهده ذات دعوی مستأنف علیه عبدالحلیم
افندی نك تحت تصرفده اولوب مستأنف صو شرکتی طرفندن ضبط واشتغال اولمش اولان عرصه قیمتك
تشکیل اولنه حق انجمن معرفتیه بالتقدير مع فائض شرکت مذکوره دن تحصیل قضیه سندن عبارت اولوب
درجه اولی محكمه سنجه استملاك املاك قرارنامه سنج یکریمی برنجی ماده سی موجبجه تشکیل اولنان حکم
انجمنی طرفندن مذکور عرصه نك قیمتی تقدیر و نظامنامه مذکورك یکریمی یدنجی ماده سی حکمنه توفیقاً
مضبوطه سی تنظیم قلمش اولديني جهتله محكمه مذکوره جه دخی ماده مذکوره نك فقره اخیره سی حکمنجه اعلام
مستأنف به اعطا اولمش اولديغنه و حکم انجمنی قرارینك قابل استیناف اولمادیني نظامنامه مذکورك یکریمی
طقوزنجی و اعلام حکمنه راضی اولیان اصحاب املاکک تبلیغ تاریخندن اعتباراً اون بش گونه قدر تمیز
استدعاسنه حق اوله جنی اوتوزنجی ماده لرنده محرر بولنديغنه واصحاب املاکه حق استیناف بخش ایدلماش
اولمسینه کوره بالطبع املاك استملاك ایده جك اولان شرکت مذکوره نك دخی بو حقدن استفاده ایدمه چکی
طبیعی اولوب شو حالد اعلام مستأنف به مذکور قابل استیناف اولمادیغندن مستأنف صو شرکتی وکیلنك بوابده کی
استیناف استدعا نامه سنجک ردینه دائر ویریلان اعلام شرکت مذکوره وکیلنك مراجعت واقع سنه مبنی
محكمه تمیز حقوق دائره سنج لای التدقیق استملاك نظامنامه سنجک برنجی ماده سی موجبجه معاملات
استملاکیه استملاك اولنه جق عقارک بدل مثلنك تقدیرینه انحصار ایتدیکی وایکنجی ماده سی حکمنجه
قبل الاستملاك شورای دولته لزوم استملاکه قرار ویرلدکدنصکره اراده سنیه استحصال قلمق لازمکله چکی
واوچنجی ماده سی مقتضاسنج عقارک صاحبك یدندن نزعندن اول بدلاک تماماً اعطاسی لایه اولديني و دردنجی

مادہ سندنہ ایسہ عندالدعوی معاملاتن اشبو قانونه موافق صورتده جریان ایتدیکی ثابت اولدقجه برملکک استملاکنه محکمہ حکم ایدهمیه جکی مسطور اولدینی حالده دعوی واقعه نی مستلزم بولنان حادثه ده تمامیه استملاک نظامنامه سنه توفیق معاملہ ایدلدیکی وتوفیق ایدلک زمانی دخی مرور ایتکله بوکا امکان قالدینی کی یکریمی برنجی ماده سی حکمنجه حکم انجمنک وظیفه سی برملکک بدلی دون ویا زیاده اولدیغنه دائر اولان دعویاه اختصاص ایتسی لازمکلوب بوصورته یکریمی طقوزنجی ماده سندنہ حکم انجمنک قراری قابل استیناف دکلدر دینلمسی انجمنک تمامیه وظیفه داخلنده وقانونه موافق صورتده تقدیر ایتش اولدینی بدل حقنده کی مقرراته انحصار ایلسی ایجاب ایدرکن دعوی واقعه ده کی نزاع تقدیر بدله مقصور اولیوب بوندن بشقه محکمہ جه مستقلاً ویرکو وفائض دخی تحت حکمه آلتش وبونلر ایسہ انجمنک مقرراتی اولیوب صرف محکمہ یه عائد ومحکمہ جه اتخاذ وحل اولنه جق مقرراتدن بولنش اولدینی جهتله اصول محاکمه جه قابل استیناف دعاویدن بولنش اولدینی حالده استملاک قانونک یکریمی طقوزنجی ماده سنه بناء قابل استیناف اولدیغنه قرار ویرلمسی یولسز ومغایر قانون کورلدیکنه بناء نقض واعاده اولنسی اوزرینه بتکرار جریان ایدن محاکمه وتدقیقات استینافیه نتیجه سندنہ قرارمنقوض استینافیده ثبات واصرار اولنسنه حکمدن ومستدعی تمیز شرکت مذکورہ وکیلک اشبو حکم علیهنده لایحه سندنہ مندرج باشلوجه اعتراضی محکمہ استینافیه جه اعلام منقوض اوزرینه بنای حکم ایدلمسی لازمکلورکن قرار سابق استینافیده ثبات واصرار اولنسی مغایر قانون اولدیغندن وافادات سائرہ دن بختله اعلام مذکورک نقضی استدعاسندن ولایحه جوابیه مفادیده غیروارد اولان اعتراضات مذکورہ نک ردیله موافق اصول وقانون اعلامک تصدیق طلبندن عبارتدر .

ایجابی مذاکرہ اولدقده هرنقدر کیفیت محکمہ جه بروجہ بالا حکم واعلامه ربط اولنش ایسده عندالتمیز استملاک نظامنامه سنک برنجی ماده سی موجبجه معاملہ استملاکیه استملاک اولنه جق عقارک بدل مثلی تقدیر ایدله جکنه انحصار ایتدیکی وایکنجی ماده سی حکمنجه قبل الاستملاک شورای دولتجه لزوم استملاک قرار ویریلهرک ارادہ سنیه استحصال قلمق لازم کله جکی واوچنجی ماده سی مقضاینجه عقار صاحبک یدندن نزعدن اول بدلک تماماً اعطاسی لابد اولدینی ودردنجی ماده سی ایسہ عندالدعوی معاملاتن اشبو قانونه موافق صورتده جریان ایتدیکی ثابت اولدقجه برملکک استملاکنه محکمہ حکم ایدهمیه جکی مسطور اولدینی حالده دعوی واقعه نی مستلزم بولنان حادثه ده تمامیه استملاک نظامنامه سنه توفیق معاملہ ایدلدیکی کی یکریمی برنجی ماده سی حکمنجه حکم انجمنک وظیفه سی برملکک بدلی دون ویا زیاده اولدیغنه دائر اولان دعویاه اختصاص ایتسی لازمکلوب بوصورته یکریمی طقوزنجی ماده سندنہ حکم انجمنک قراری قابل استیناف دکلدر دینلمسی ایله انجمنک تمامیه وظیفه داخلنده وقانونه موافق صورتده تقدیر ایتش اولدینی بدل حقنده کی مقرراته انحصار تدقیقات ایلسی ایجاب ایدرکن دعوی واقعه ده کی نزاع یالکز تقدیر بدله اقتصار ایتیوب بوندن بشقه محکمہ جه مستقلاً ویرکو وفائض دخی تحت حکمه آلتش وبونلر

ایسہ انجمنک مقرراتی جمله سندن اولایوب صرف محکمہ یه عائد ومحکمہ جه اتخاذ اولنان مقرراتدن اولدینی جهتله هرایکی جهت یعنی هم تقدیر بدله همدہ جهات تالییه دائر اولان مدعیات اصول محاکمه جه قابل استیناف دعاویدن ایکن استملاک قانونک یکریمی طقوزنجی ماده سنه بناء قابل استیناف اولدینی حقنده اتخاذ ایدیلان قرارک مغایرت قانونیه سی یولنده کی سبب قانونی موافق قانون ولارم الاتباع ایکن محکمہ استینافیه جه بوجہتلر تأمل اولنقسزین قرار سابق منقوضده ثبات واصرار ایدلمسی یولسز واصول وقانونه مغایرکلورمش اولدیغندن اصول محاکمه حقوقیه قانونک ایکوز اوتوز ایکنجی ماده سی موجبجه اعلام مذکورک جهت اولادن دولای اکثریت وجهاد سائرہ دنناشی اتفاق ایله نقضیه قانون مذکورک ایکوز قرق طقوزنجی ماده سی حکمنه توفیقاً کیفیتک بالرؤیه اعلام ربطی ضمنتده محکمہ مذکورہ اعاده سنه وزیرده مفرداتی مرقم اولوب اولجه مستدعی تمیز اداره مذکورہ طرفندن ویریلان یوز یتش بش غروشله بوکرہ طرفندن ایفا اولنان یوز التمش اوچ غروشکه جمعاً اوچیوز اوتوز سکیز غروش مصارف تمیزیه نک ایلروده حقسنز حقیقه جق طرفه عائد اولسنه ۱۹ اغستوس سنه ۳۲۶ تاریخنده هیئت عمومیه جه قرار ویرلدی .

محکمہ تمیز هیئت عمومیه سندن صادر اولان ۵ اغستوس سنه ۳۲۶ تاریخی ۳۰۰۱ نومرولو اعلام صورتیدر:

« بر محاکمه نک مبادیستدن منتهاسنه قدر اتخوذ اولنه جق مقرراتک هیئت حاکمه نک امضاسیله مصدق اولسی وقراره مخالف اولانلرک شرح مخالفتلرنک تحریریله زیرینک امضا ایدلمسی لازم اولدیغنه دائر »

درسعادت جنایت محکمہ سندن تنظیم واعطا قلنان ۸ مارت سنه ۳۲۶ تاریخی واون یدی نومرولو اعلام ایله اوراق متفرعه سی باش مدعی عمومیلک مأموریت علیهنسک ۲۵ مایس سنه ۳۲۶ تاریخی ویک یدیوز ایکی نومرولو تبلیغنامه سیله محکمہ تمیز جزا دائره سنه کوندرلمش وعائدتی جهتیه هیئت عمومیه جه بالتدقیق اصراری محتوی اولدینی متفقاً تحت قراره آلتش اولمله کافه اوراق دعوی مطالعه وتدقیق اولندی .

اعلام مذکورک مالی قلب آچه اعمال ایتدیکی ادعاسیله جنایتله اتهام اولنان بوستان باشنده یکی یولده ساکن یونان دولتی تبعه سندن مانول دانیس ایله مذکور اچقلری سوریحیاکجه اجتسار ایلنسندنطولای کذلک مهم اولان تئودور مانولدنیک قانون جزانک یوز قرق اوچنجی ماده سنه توفیقاً اوز سنه مدتله کورکه قونلارینه دائر تئودورک وجاهنده ومانولک غیابنده اولهرق مقدما صادر اولان اعلامک حکم وجاهی جهتی عندالتمیز برنجی وایکنجی جلسهلرده هیئت حاکمدن بریسنک امضاسی نقصان اولسی مخالف اصولک اولدیغندن ناشی نقض ایله اوراقنک اعاده قلمسی اوزرینه اخیراً جریان ایدن محاکمه نتیجه سندنہ اصول محاکمت جزائیہ قانونک اوچیوز آلتجی ماده سندنہ کی صراحتہ نظراً ضبطنامه نک یالکز رئیس ایله ضبط کاتبی طرفندن امضاوتصدیق

ایدلمسی مقتضی اولوب تکمیل هیئت حاکمه جانبندن امضا ایدلمسی فائده زائده اولمق اوزره اتخاذ ایدلمش بر معامله دن عبارت بولمسنه وضوابط مذکوره مندرجاتی طرفینجه تصدیق و آندنصکره کی قرارلرک زیری هیئت حاکمه طرفندن تماماً امضا اولمش اولمسنه بناءً نقض واقع شایان قبول کوربله مدیکسندن حکم سابقه اصرار ایدلیدیکسندن عبارتدر .

تبلیغنامه ده دخی نقض واقع دائره سنده ایفای معامله ایدلمک مقتضی ایکن حکم سابقه اصرار ایدلمسی مخالف قانون کورلدیکسندن اعلام مذکورک هیئت عمومیه جه بالتدقیق نقضی طلب اولمشدر .

بالجمله اوراق دعوانک مطالعه سندن صکره تدقیقات تمیزیه اجرا اولندقدده محکمه جنایتک سالف الذکر قرارنده استناد ایتدیکی اوچیوز التنجی ماده قانونیه دن مقصد تفهیم حکمی متعاقب اصول محاکمه جه مقتضی معاملاتک ایفا ایدلیدیککی تصدیقاً یازیله جک شرحک رئیس محکمه ایله ضبط کاتبی طرفندن امضا ایدلمسندن عبارت اولدینی وبرمحاکمه نک مبادیسندن متهاسنه قدر اتخاذ اولنه جق مقرراتک هیئت حاکمه نک امضاسیله مصدق اولمسی اعتباریله مندرجاتنه محقق نظریله باقیلوب یوقسه مقررات واقعه نک هیئت حاکمه دن بعضیسنک امضاسندن عاری بولمسی محاکمه جاریه ایله مقررات واقعه نک درجه وثوق و اعتبارینی سلب ایده جکی کی اتخاذ اولنان قراره مخالف بولنانلرک شرح مخالفتلرینک تحریریه زیرینک امضا ایدلمسی لزوم قانونیه نه مخالف دوشه جکی جهته ماده مذکوره یه یا کاش معنی ویرلمک صورتیله اصرار قراری اعطاسی یولسز و مخالف قانون بولندیغندن نقض سابق دائره سنده ایفای معامله اولمق اوزره اصول محاکمات جزایه قانونک اوچیوز اون دردنجی ماده سنه توفیقاً اعلام اخیر مذکورک دخی بوسیدیلطولای نقضیه اوراقنک محکمه سنه اعاده سنه وایکی یوز غروش اعلام خرجنک ایلروده حقسز چیه جق طرفدن تحصیلنه ۱ تموز سنه ۱۳۲۶ تاریخنده اکثریتله قرار ویرلدی .

محکمه تمیز استدعا دائره سندن صادر اولان ۷ اغستوس سنه ۳۲۶ تاریخی و ۱۶۲۲ نومرولی اعلام صورتیدر

« حکم ابتدائینک فسخی موجب اولان احوال و اسبابک صورت واضحه ده تعیین و ایضاحی واستیناف استدعاسنک محکمه قلمنه قیدی و حکم مستأنف بهک تهیمی تاریخلرینک اعلامه درجی مقتضی اولدینه دائر »

سوریه ولایتی مرکز بدایت محکمه سی جزا دائره سندن تنظیم واعطا قلنان ۱۶ حزران سنه ۳۲۶ تاریخ و یوز طقسان درت نومرولی اعلام استینافینک تمیزاً تدقیق طلبنی حاوی محکمه مذکوره مدعی عمومیلکی جانبندن معطی استدعا نامه و اوراق متفرعه سی باش مدعی عمومیلک مأموریت بهیه سندن باتبایغنامه محکمه تمیز استدعا دائره سنه تودیع اولمقله ولدی التدقیق مذکور استدعا نامه نک مدت معینه قانونیه سی طرفنده ویرلدیکی آکلاشملغه بالقبول تدقیقات تمیزیه اجرا سنه ابتدار ایدلدی .

اعلام مذکورک زبده مالی عمر بن امینک کیفیت ضربندن طولانی مظنون علیهما اولان قنطره قضاسی مال مدیر سابقی ابوالخیر افندی ایله اوغلی فوزی افندینک برر هفته حبس لرینه دائر لاحق اولان حکم ابتدائی اعلامی محکومی علیهما طرفلرندن استیناف ایدلمسی اوزرینه اسباب قانونیه به بناءً فسخیه جریان ایدن محاکمه و تدقیقات استینافیه نتیجه سنده فعل ضربه اجتناسارلری حقنده ادله قانونیه غیر موجود ایدوکنندن بالبحث هر ایکسینک ده برائت لرینه قرار ویرلدیککی متضمندر .

لایحه تمیزیه ده یونس و عبدالعالیه تکریر شهادت ایتدیرلیه رک بدایت ضبط نامه سنده محرر افاده لرینه موافق شهادتده بولندقلری عباره سنک درجیه اکثفا اولمش و شهود مستمعه دن سلیمان و شهاده افندیلر مظنونلرک عمری ضرب ایدرکن کوردکلرینی مع القسم اخبار ایتدکلری حاده شهود سائر نک بولنددرجه سنده بیان معلومات ایلیه مدکاری سرشده سیله نظر اعتباره الخیه رق برائت لری جهته کیدلمش اولمسی مخالف اصول و قانون اولدیغندن و افادات سائرده دن بحثله مذکور اعلامک نقضی طلب قلندیکی کی تبلیغنامه ده دخی اعلام ابتدائینک عندالاستیناف فسخ اولمسی اوزرینه اساس دعوی حقنده مستأنفلر دن ابوالخیر افندینک استجواب اولنامسی و شاهدلر دن یونس و شهاده افندیلرک اعلام ابتدائیه مضبوط اخباراتی نه دن عبارت اولدیغنک ذکر و درجه شهاداتی عن محاکمه استفسار و شهاده افندینک اخبار سابق رؤیته مستند اولدینی اعلام ابتدائیه صراحة مندرج ایکن بوجهت کدوسنه اخطارله محکمه حضورنده کی شهادتندن رجوعنک اسباب موجب سنک تعمیق واستیضاح متعدد جلسله لر زیرینک قیماً هیئت حاکمه طرفندن امضا اولنامسی یولسز و لایحه مندرجاتی بو طریقله وارد کورلدیکی بیانیله نقضی لزومی مرقم بولمشدر .

ایجابی لدی المذاکره مندرجات اعلامدن منقهم اولدینی اوزره مظنون ابوالخیر و مخدومی فوزی افندیلرک تحدید جزاسنی متضمن اولان حکم ابتدائیدن طولانی اعطا ایتدکلری استیناف استدعا نامه سی اوزرینه تشکیل طرفینی متعاقب مذکور استدعا نامه نک محکمه قلمنه قیدی و حکم مستأنف بهک تهیمی تاریخلری بالتدقیق مدت قانونیه سی طرفنده ویرلدیکی تعین ایدلیدی تقدیرده شو جهتک مذکور تاریخلرک ارائه سی صورتیله اعلامه درجی مقتضی ایکن اعلام استینافیه ده ببولده ایضاحات غیر موجود اولوب علی الخصوص حکم ابتدائینک فسخی موجب اولان احوال و اسبابک صورت واضحه ده تعیین و ایضاحی لزوم قانونیه قارشو محکمه استینافیه جه برکونه اسباب موجبیه بیان وتوضیح ایدلمکسزین لایحه استینافیه ده درمیان ایدیلان و اکثریتی اسباب فسخیه دن معدود بولنن اعتراضاته بناءً حکم ابتدائی فسخ ایدیلهرک بعدالفسخ مستأنفلرک امر استجوابنک اجرا سندن ذهول ایدلمسی و شهود مرقومه دن یونس افندینک افادات واقعه سی بدایت محکمه سنده کی افاداتی دائره سنده اولدینی یولنده بالتلخیص دیگر شاهد عبدالعالمک صورت شهادتنک دخی تصریح قلنمامسی وینه شهود مستمعه دن شهاده افندینک بدایت محکمه سنجه مضبوط اولان و عندالاستیناف قرائت ایدیلان افاده سنک اعلامه تحریر اولنما قله برابر درجه اولی محکمه سنجه شاهد مومی الیه شهاده افندینک فعل ضرب حقنده مدار حکم

اتخاذ اولنان بيانات واقعه سندن عند الاستئناف نكول ايله عدم معلومات يولنده وقوع بولان بياناتى اوزرينه اشبو مبايت اسبابنك استفسارى صورتيله توسيع تحقيقات اولنامسى واعلام استينافى ضبطنامه سنك قسماً هيئت حاكمه نك امضاسندن عارى بولمى يولسز ومعاير اصول وقانون اولوب لايحه تميزيه محتوياتى تبليغنامه ده دى مرقم اولدينى وجهله بوصورتله وارد وبجا كوردنكندن اصول محاكمات جزائيه قانوننك اوچوزاون دردنجى واوچوزاون طقوزنجى ماده لرى منطوقنجه اعلام استينافى مذ كورك اسباب محرر دى ناشى تقضيله احكام قانونيه دائره سنده ايفاي معامله اولمق اوزره اوراق متعلقه سنك محكمه محليه اعاده سنه وايكى يوز غروش اعلام خرچنك تعرفه وتعليمات مخصوصه توفيقاً ايلروده حقسز چيقه جق طرفدن استيفاسنه ۷ اغستوس سنه ۳۲۶ تاريخنده متفقاً قرار ويرلدى .

محكمه تميز استندا دائره سندن صادر اولان ۷ اغستوس سنه ۳۲۶ تاريخلى ۱۶۲۹ نومرولى اعلام صورتيدر:

« مظلونك حركت واقعه سى جزا قانوننك ۱۷۸ نجى ماده سنده بيان اولنان افعال وحرركات جله سندن اولدينى حالده ماده مذ كوره توفيقاً تحدد جزاسنه وطلب اولمادى حالده ايام معطله اجرتنك تحصيلنه دائر اتخاذ قرار اولمى نقص حكيمى مستلزمدر »

آيدىن ولايتى استيناف محكمه سى جنحه دائره سندن تنظيم واعطا قلنان ۵ حزينان سنه ۳۲۶ تاريخ و ۴۱۷ نومرولى اعلامك تميزاً تدقيقى طلبنى حاوى قصاب اوغلى على جانبدن معطى استدعانا مه واوراق متفرعه سى باش مدعى عموميك مأموريت بهيه سندن با تبليغنامه ۴ اغستوس سنه ۳۲۶ تاريخنده محكمه تميز استندا دائره سنه توديع اولمش ولدى التدقيق مذ كور استدعانا مه نك مدت معينه قانونيه سى ظرفنده اعطا وشرايط لازمه سائر سندن دى ايفا قلندينى اكلاشلمش اولغله بالقبول تدقيقات تميزيه اجراسنه ابتدار ايدلدى . اعلام مذ كورك خلاصه مالى بينلرنده تحدث ايدىن واله جق ماده سندن طولاني بالمنازعه ارضروملى صالح اوغلى على قاقق ويره دوشورمك صورتيله پارمغنى ايختهرك اوتوز سكرز كون ايشندن محروميته سببت ويرديكى مدعينك حصر ادعاسى وطيب راپورى واخبارات ايله ثابت اولان مستدعى قصاب اوغلى علينك حبس وتضمنات ايله محكوميته دائر بدايه ويريلان اعلام محكوم مرقوم جانبدن استيناف ايدلمكله نقصان تحقيقاتن طولاني اعلام مذ كورك فسجيله اولبابده اجرا قلنان محاكمه وتدقيقات استينافيه نتيجه سنده مجروح صالح اوغلى علينك خدمته مقابل مظلوندىن طلب ايدلىكى پاره ماده سندن طولاني بينلرنده تحدث ايدىن منازعه نتيجه سنده مظلون مرقومك مدعى يى قولندن طوتوب چكمسيله يره دوشوروب پارمغندن مجروح اولدينى حصر ادعاسى واخبارات وطيب راپورى مندرجاتيله ثابت اولديغندن بئله قانون جزانك يوز تيمش سكرزنجى ماده سى حكمنه توفيقاً ايكي ماه مدته حبسنه ومجروحك اوتوز سكرز كونلك ايام معطله سى مثلى اولوب

درجه اولى محكمه سنجه تقدير ايديلان بش غروشندن يوز طقسان غروشك كندوسندن بالاخذ مدعى به اعطاسنه قرار ويرلديكى متضمندر .

لايحه تميزيه ده مدعى مرقومى دفع منازعه مقصديه قولندن طوتوب قهوه خانه دن طيشارى چيقارمش ايسه ده اوآنده بركونه ضرب ويره اثرى مشاهده ايدليوب بالاخره مفتى افنديك ترلاسنده چفت سورركن پارمغنك بره لنوب خسته خانه به مراجعت ايدلىكى اسملرني ضبط ايتديرديكى مدافعه شاهدلرينك بدايه اقامه ايدلمش اولدقلرندن بئله استماع اولناملرى وحقوق عموميه شاهدلرندن دعوت واقعه به اجابت ايمه ين حسنك افاده استطاقه سنك قرائت اولمى ووقعه دن برقاچ ماه صوكره تنظيم اولنوب كندوسنك ضارب ايدوكنه دلالت ايمه ين طيب راپورينك حكمنه اساس اتخاذ اولمى معاير قانون ايدوكندن بئله اعلام استينافينك تقضى استندا اولمش تبليغنامه ده دى استماع اولنان شهودك شهاداتى طرفينك اله جق مسئله سندن طولاني لساناً منازعه ايتدكارى ائنده مظلون عليمك مدعى شخصى يى طيشارو چيقارمق اوزره قالق بورادن ديو قولندن چكمسى اوزرينه مدعى مرقومك دوشديكى متضمن و افاده ايتكمده و بنا برين فعل واقع قصداً ايقاع ايديلان ضرب وجرح افعالندن معدود اولمايوب آنجق مجروحيته سببت ويرمك درجه سنده كورنمكده اولسنه كوره يوز تيمش سكرزنجى ماده جزائيه حكمنه توفيقاً حكم اعطاسنده اصابت كوريله ماش اولدينى كى حكم ابتدائى اسباب اصوليه دن طولاني بالفسخ اساس دعوانك بالرؤيه حل وحسمى درعه ده ايدلمش اولدينى جهته حقوق شخصيه حقه تدقيقات وتدقيقات لازمه بالاجرا استحصال ايديله جك نتيجه به نظراً تعيين وتقدير كيفيت اولمق مقتضى بولمش ايكن منوال مشروح دائره سنده معامله ايفا ايدلمه نك درجه اولى محكمه سنجه تقدير اولنوب اعلام مفسوخده مندرج مبلغك تحت حكمنه آلمش اولمى دى معاير اصول وتقضى مستلزم اسبابدن ايدوكى بيانيله اعلام مذ كورك تقضى لزومى كوسترلمشدر .

ايجابى لى المذاكره مظلون قصاب اوغلى علينك تحديد جزاسنى متضمن لاحق اولان حكم ابتدائينك عند الاستيناف اسباب قانونيه دن طولاني فسجيله اجرا ايديلان محاكمه نتيجه سنده مرقومك ايكي ماه مدته حبسنه ومجروح علينك ايام معطله اجر مثلى اولان يوز طقسان غروشك كندوسندن تحصيلنه قرار ويرلمش ايسه ده مظلون مرقومك عند المحاكمه مرتبه ثبوتده كوريلان وتفصيلاتى اعلامده محكى بولنان حركت مسروده سى تحديد جزا امرنده تطبيق ايديلان قانون جزانك يوز سكرزنجى ماده سنده تعريف وبيان اولنان افعال وحرركات جمله سندن معدود اولمدينى كى مشتكى صفتنده بولنان مرقوم علينك اوراق مياننده موجود دعوى عرضالى حقوق شخصيه سندن طولاني بركونه طلب وادعاى متضمن اولمدينى وماده مذ كوره ده محرر مصارف جراحيه ايله اجرت ايام معطله نك تحت حكمنه آلمى اساساً حكمنه سبق دعوانك مشروطيتى قاعده قانونيه سنه بناءً مدعى شخصى طرفندن طلب ودعوى وقوعه متوقف اولدينى حالده استيناف محكمه سنجه سالف البيان يوز تيمش سكرزنجى ماده قانونيه به توفيقاً مرقوم علينك تحديد جزاسنه وبركونا

طلب وادعایه مقارن اولمقسزین ایام معطله اجرتنک تحصیله دائر اتخاذ قرار اولمسی یولسز و مغایر اصول وقانون اولوب لایحه تمیزیه محتویاتی تبلیغنامه ده دخی مرقم اولدینی وجهله بوصورتله وارد و بجا کورندیکندن اصول محاکمات جزائییه قانوننک اوچیوز اون دردنجی و اوچیوز اون طقوزنجی مادهلری منظوقنجه اعلام استینافینک اسباب محرره دن ناشی تقضیه احکام قانونیه دائره سنده ایفای معامله ایدلک اوزره اوراق متلقه سنک محکمه مذکوره یه اعاده سنه وایکیوز غروش اعلام خرجنک تعرفه و عملیات مخصوصه سنه توفیقاً ایلروده حقسز حقیقه جق طرفدن استیفاسنه ۷ اغستوس سنه ۳۲۶ تاریخنده متفقاً قرار ویرلدی .

محکمه تمیز استعدا دائره سندن صادر اولان ۱۶ اغستوس سنه ۳۲۶ تاریخی و ۱۶۲۸ نومرولی اعلام صورتیدر:

« مظلون مجاوبه دن امتناع ایتسی اوزرینه استنطاق دائره سنجه مضبوط افاده سنک قرائت اولنماسی و ساخته سندی استعمال ایدوب ایتهدیکنک تدقیق و عندالایجاب مرجعندن استفسار ایدلامسی و محاکمه یوم آخره تعلیق اولدینی حالده یوم مذکورده تشکیل طرفین ایدیلوب ایدلکی اعلامده کوسترلماش اولسی و تدقیقانتک کافی اولدیغه قرار ویرلدکن سوکره طرفینک بشقه بر دیه جکلری اولوب اولمادینی سؤال و مدعی عمومیلک مقامنک مطالعه سی استفسار ایدلامسی نقض حکمی مستلزمدر »

جزایر بحر سفید ولایتی مرکز بدایت محکمه سی جزا دائره سندن تنظیم واعطا قلنان ۲۱ مایس سنه ۳۲۶ تاریخ و یوزاون نومرولی اعلام استینافینک تمیزاً تدقیق طلبی حاوی تاجر قسطنطی میخال پالویانیدی جانبندن معطی استعدانامه واوراق متفرعه سی باش مدعی عمومیلک مأمورین بهیه سندن با تبلیغنامه ۹ اغستوس سنه ۳۲۶ تاریخنده محکمه تمیز استعدا دائره سنه تودیع اولمش ولدی التدقیق مذکور استعدانامه نک مدت معینه قانونیه سی طرفنده اعطا و شرائط لازمه سائر سنک دخی ایفا قلندی ا کلا شلمش اولمغه بالقبول تدقیقات تمیزیه اجراسنه ابتدار ایدلدی .

اعلام مذکورک خلاصه مالی سونکر صید و تجارتی ماده سندن طولایی تاجر صوتیری اغا پیطیدینک مغازه سندن سونکر مبايعه ایدن یورکی فوندویانینک پولیچه سی بدلک تسویه سنه تعلیقاً مستدعی مرقوم قسطنطی یه ویرمش اولدینی درت بیک بشیوز غروشی ناطق سندده محرر و شرائط عقددن اولان « آقویله رونی » یعنی تسویه اولندیقی تقدیرده قیدینی خذف و الغا وسند مندرجاتی تحریف و تغییر ایتک املیه مرکب دوکرک یازیلری اوقونه میه جق بر حاله افراغ و شو صورتله ساخته کارلغه اجتسار ایدلکی مذکور سنک لکدن عاری اوله رق کنديسنه تسلیم ایدلکی سنک اخبار اولمسی و هیئت فیه و ارباب وقوف راپورلری مندرجاتی دلالتیه ثابت اولدیغندن بجهله مرقوم قسطنطینک قانون جزانک یوز الی بشنجی ماده سی موجبجه

برسنه حبسنه و هیئت فیه و ارباب وقوفه ویریلن سکر مجیدییه نک مرقومه عائدیتنه دائر بدایه ویریلان اعلام محکوم مرقوم جانبندن استیناف ایدلکله اول بایده اجرا قلنان محاکمه و تدقیقات استینافیه نتیجه سنده اعتراضات واقعنک ردیه مصیب و موافق قانون بولندیقی بالیان حکم ابدائی نک تصدیقه قرار ویرلدیکنی متضمندر .

لایحه تمیزیه ده طرفینک و شاهدلرک لسان ترکی به آشنا اولمادقلری حالده ترجمان تعیین ایدلکسزین اجرای محاکمه و اعطای حکم ایدلش و طرفندن خذف ایدلکی ادعا اولنان افویله رونی تمیزینک متن سنده قطعاً تعلق و ارتباطی اولدیغنک نظر دقه آتلماش اولدینی کبی مدعا به لکدنک سنک حین تنظیمنده مدعینک اوغلی طرفندن مرکب دوکیله رک ایفای ایدلکی اخبار اولمش و فن راپوری دخی مذکور لکدنک مرکبی سنک حین تحریرنده استعمال اولنان مرکب عینی اولدینی کوسترلش ایکن تدقیقات لازمه اجرا ایدلکسزین محکومیتنه دائر بدایه ویریلان اعلامک تصدیقه قرار ویرلمسی مغایر قانون ایدوکندن بجهله اعلام استینافینک نقضی استعدا اولمش تبلیغنامه ده دخی مدعی عمومی معاوفی ایله مستأنف وکیل طرفندن حکم ابتدائینک فسخی مستلزم خطیات و نواقصدن اولق اوزره اسباب عدیده و اعتراضات مفصله درمیان ایدلکی حالده بونلرک یکان یکان بالتدقیق اسباب ردیه لرینک ارأه ایدلمش اولسی مغایر اصول و نقضی مستلزم اسبابدن بولندیقی بیانیله اعلام مذکورک نقضی لزومی کوسترلشدر .

ایجابی لدی المذاکره مندرجات اعلامدن منقهم اولدینی اوزره تجارندن صوتیری یانی پیطیدینک ویرمش اولدینی سنده ساخته کارلده بولندیقی ادعا قلنان قسطنطی پالویانیدینک برسنه حبسنه دائر بدایه ویریلن حکمک عندالاستیناف تصدیقه قرار ویرمش ایسه ده اثنای محاکمه ابتدائیه ده مظلون قسطنطینک مجاوبه دن امتناع ایتسی اوزرینه استنطاق دائره سنجه مضبوط افاده سی قرائت اولمق و مذکور سندی استعمال ایدوب ایدوب ایتهدیکنک تدقیقه برابر عندالایجاب مرجعندن استفسار ایدلک مقتضی اولدینی حالده درجه اولی محکمه سنجه شو صورتله مقتضی معاملاتک عدم ایفاسندن ناشی اعلام ابتدائینک فسخیه نواقص مذکورنک اکالی لازم کورکن محکمه استینافیه جه بورلری نظر اعتباره آلمادیکی کبی مظلون مرقومک استجوابندن دخی ذهول اولمش و طرفین وکیللرینک اعتراضات و مدافعاتی اوزرینه ایشده شایان تدقیق بر جهت قالب اولدیغنک تعیینی ضمنتده محاکمه یوم آخره تعلیق اولندیقی حالده یوم مذکورده علی الاصول تشکیل طرفین ایدیلوب ایدلکی اعلامده کوسترلش مش اولسی و تدقیقات واقعنک کافی اولدیغه قرار ویرلدکن سوکره طرفینک بوباده بشقه بر دیه جکلری اولوب اولمادینی سؤال و مدعی عمومیلک مقامنک مطالعه سی استفسار اولمقسزین ختام محاکمه یی بالتفهیم بوجه تحریر اتخاذ قرار اولمسی یولسز و اصول وقانونه مغایر اولوب تبلیغنامه محتویاتی ایله لایحه تمیزیه مؤداسی بوصورتله وارد و بجا کورندیکندن اصول محاکمات جزائییه قانوننک اوچیوز اون دردنجی و اوچیوز اون طقوزنجی مادهلری منظوقنجه اعلام استینافی مذکورک اسباب محرره دن ناشی تقضیه احکام قانونیه دائره سنده ایفای معامله اولمق اوزره اوراق متعلقه نک محکمه مذکوره یه تمیز جزای نقدیسی اوله رق محلی مال صندوقه تسلیم ایدلش اولان

باش ليرانك دخي اصول مذكورك اوچيوز قرق اوچنجي ماده سي موجبنجه مستدعي تميز قسطنطيه اعاده سنده وايكي يوز غروش اعلام خرنجك تعرفه و تعاليات مخصوصه سنده توفيقاً ايلروده حقسز چيقه جق طرفدن استيفاسنه ۱۶ اغستوس سنه ۳۲۶ تاريخنده متفقاً قرار ويرلدي .

محكمة تميز استدعا دائره سندن صادر اولان ۷ اغستوس سنه ۳۲۶ تاريخي و ۱۶۰۸ نومرولي اعلام صورتيدر:

« اجتماع جرائم وقوعنده بونلردن قغييسنك جزاسي آغير ايسه ديكرينك سبب شدت عدليه جزاسي آغير اولان فعله مترتب جزانك تعين وتحيدي مقيضي اولديغنه دائر »

صاروخان سنجاني بدايت محكمه سي جزا دائره سندن تنظيم واعطا قلنان ۲۶ حزيران سنه ۳۲۶ تاريخ و اوچيوز آلتش درت نومرولي اعلام استينافينك تميزاً تدقيقي طلبني حاوي كرد صادق اوغلي عادل جانبندن معطى استدعانا مه و اوراق متفرعه سي باش مدعي عموميلك مأموريت بهيه سندن بابتليغنامه ۳ اغستوس سنه ۳۲۶ تاريخنده محكمه تميز استدعا دائره سنده توديع اولمش ولدي التدقيق مذكور استدعانا مه نك مدت معينه قانونيه سي ظرفنده اعطا وشرايط لازمه سائر سندن دخي ايضا قلنديني آكلاشامش اولمغه بالقبول تدقيقات تميزيه اجراسنه ابتدار قلندي .

اعلام مذكورك خلاصه مالى عشاقلي حسينك باركيري ايله عايشه نك مركبي طولانديرديني ومنزوره عايشه يي ضرب ايلديكي ادعا اولنان مستدعي عادل اون طقوز مجيدي يه مدعي حسينك برراس باركيري ني صانون آلق دسيسه سيله ائمانني ويرميه رك وبرطاقم حيله استعماليله مرقومي طولانديرديني حصر ادعا ايلديسي ومظنونك اقرار مؤلى واحوال سائر دلالتلري ومنزوره عايشه يي ضرب ايلديكي دخي طيب راپوري مندرجاتي ومنارعه نك وقوعي ايله مرتبه ثبوت واصل اولمش ايدوكندن بحثله ثروتي بر باركيردن عبارت اولان فقير واختيار بر آدمك حيواني طولانديره رق سقاتنه سببيت ويرمش اولسي وضرب جهتي اسباب مشدده اولمق اوزره اعظم جرم دن طولاني قانون جزانك ايكي يوز اتوز اوچنجي ماده سي حكمه توفيقاً ايكي سنه مدته حبسه ور ايرا جزاي نقدي اخذينه وطولانديرمش اولديني اون طقوز مجيديه نك كندوسندن تحصيلنه ومدعي مرقومه اعطاسنه وعائشه يي ضرب ايلسندن طولاني دخي ايكي ليرا آلته رق منزوره اعطاسنه ومنزوره نك مركبي طولانديرديني آكلاشيله ماديعندن اوجهندن برائته دائر بدايه ويريلن اعلام محكوم مرقوم جانبندن استيناف ايدلمكه اولبايده اجرا قلنان محاكمه وتدقيقات استينافيه نتيجه سنده اعتراضات مسروده مندرجات اعلامه نظراً فسح حكمي استلزام ايدجك خطيئات ونقايس قانونيه دن معدود اولماديني واعلام ابتداينك صور تنظيميه وتطبيقه سي موافق اصول وقانون ايدوكي بيانيله اعلام مذكورك تصديقه قرار ويرلديكني متضمندر .

لايحه تميز يده عايشه نك ضرب ايلديكنه دائر راپوردن بشقه اخبار اولماديني ومنزوره يي المقتدر استكشاف ايلسي وديكر مدعي حسينك دخي منزوره يه قرابتى بولنسي حسييله هرايكيسنك دخي مغبر اوله رق حقدنه طولاندير بحيلق دعواسي تصنيع واسناد ايلدككري ومرقوم حسينك باركيري ائمانني تأديه ايدوب اخذو اعطادن منبعث اولان دعواي واقعنه نك صرف حقوق عايدنه دن اولديني اجلدن مدعينك حقوق محكمه سنده مراجعت ايلسي لازم كلورك كن محكوميته قرار ويرلسي مغاير قانون ايدوكندن بحثله اعلام استينافينك نقضي استدعا اولمش تبليغنامه دخي اعتراضات مذكوره نك مندرجات اعلامه نظراً بجا كوريله ممش ايدوكي بيانيله تميز استدعا نامه سنك رد يي لزومي مرقم اولمشدر .

ايجابي ليدى المذاكره مندرجات اعلامدن منقهم اولديني اوزره مدعي شخصي حسين جانبندن اقامه اولنان دعوانك اون طقوز سيم مجيدي ثمن مقابلنده بيع ايتديكي باركير بدلنك عدم تسويه سندن عبارت اولسنه نظراً ذات ماده اخذ واعطادن متولد ومواد حقوقه دن اولديني حالده بونك امنيتي سوء استعمال نوعندن عديله تدقيق ورؤيته ابتدار اولنسي يولسز اولديني كبي اجتماع جرائم وقوعنده بونلردن قغييسنك جزاسي آغير ايسه ديكرينك سبب شدت عدليه جزاسي آغير اولان فعله مترتب جزانك تعين وتحيدي مقيضي بولمش ودرجه اولي محكمه سنج شواصول وقاعده قانونيه يه توفيقاً مظنون منزورك حركات مسروده سندن ضرب فعلنك سبب شدت عدليه امنيتي سوء استعمال مسئله سندن طولاني ايكي سنه حبسه وكندوسندن بر ليراي عثماني جزاي نقدي اخذينه قرار ويرلمكه جزاي معينك حد اتهاسي حكم ايدلمش اولديني حالده عايشه نك كيفيت جر خندن طولاني منزوره يه ويرلمك اوزره آيروجه ايكي ليرا استيفاسي يولنده اتخاذ قرار اولنسي خصوصاتك مرتبه بدهنده اوله رق تشكيل ايلديكي خطيئات قانونيونك موجوديته قارشو حكم ابتداينك عند الاستيناف موافقت قانونيه سندن بحثله تصديقي جهتنه كيدلسي يولسز ومغاير قانون اولوب لايحه تميزيه محتوياتي بوصورته وارد وبجا كورنديكندن اصول محاكمات جزائيه قانونك اوچيوز اون دردنجي و اوچيوز اون طقوزنجي ماده لري منظوقنجه اعلام استينافينك اسباب محرره دن ناشي نقضيله احكام قانونيه دائره سنده ايفاي معامله اولمق اوزره اوراق متعلقه سنك محكمه مذكوره اعاده سنده وايكي يوز غروش اعلام خرنجك تعرفه وتعاليات مخصوصه سنده توفيقاً ايلروده حقسز چيقه جق طرفدن استيفاسنه ۷ اغستوس سنه ۳۲۶ تاريخنده متفقاً قرار ويرلدي .

محكمة تميز استدعا دائره سندن صادر اولان ۹ اغستوس سنه ۳۲۶ تاريخي و ۱۶۱۹ نومرولي اعلام صورتيدر:

« رزي اداره سي مشترك المنفعه آنويم بر شركت اولسي اعتباريله مأمورين ومستخدمينك قانوناً مأمورين ملكبه دن معدود اولميه جفته بناء رؤيت دعوانك مجلس اداره يه عايدتي يولنده اتخاذ قرار اولنسي نقض حكمي مستلزمدر »

خداوندكار ولايتي مركز بدايت محكمه سي جزا دائره سندن تنظيم واعطا و ۸ ميس سنه ۳۲۶ تاريخنده

امر تفهیمی اجرا قلنان ۶ تموز سنه ۳۲۶ تاریخ و قرق سکر نومرولی اعلام استینافینک تمیزاً تدقیق طلبی حاوی محکمه مذکور مدعی عمومی معاونتکی جانبندن معطی استدعایه و اوراق متفرعه سی باش مدعی عمومیک مأموریت بهیه سندن باتبلیغنامه ۲۷ تموز سنه ۳۲۶ تاریخده محکمه تمیز استدعا دائره سنه تودیع قلمش ولدی التدقیق مذکور استدعایه نک مدت معینه قانونیه سی ظرفنده ویرلدیکی آ کلاشلمش اولغله بالقبول تدقیقات تمیزیه اجرا سنه ابتدار اولندی .

اعلام مذکورک خلاصه مالی زراعدن کویلی ابراهیم ایله معلوم الاسامی رفقاسنک توتونلرینک و حین وزنده حیل و دسائس اعمالیه اضراعه تصدی ایلدکری ادعا اولنان رژی مأموری شوکت بکله مخن عباس آغانک فعل مذکور جرأتلری شهود مستمعنک افاداتی و مظنون مرقومانک یکدیگرینه عطف جرم ایله افادات مؤلده بولملری و مدعی شخصیلرک حصر ادعاری دلائله ثابت اولدیغندن بحثله جزا قانوننک ایکی یوز قرقچی ماده سنک اوچنچی و دردنجی فقره لری احکامنه توفیقاً آلتشر ماه حبسلرینه وایکی یوز الیشرغروش جزای نقدی ایله محکومیتلرینه دائر بدایه ویریلان اعلام مرقومان طرفلرندن استیناف ایدلمکله اول بایده اجرا اولنان محاکمه و تدقیقات استینافیه نتیجه سنده ۹ کانون ثانی ۳۰۶ تاریخی تحریرات عمومیه موجبنجه رژی مأمورلرینک امور مأموره لرندن دولای اجرای محاکم لری محاکم عدلیه نک وظیفه صلاحیتی خارجنده اولوب مجلس اداره یه عائد وظائفندن بولندینی بیانیله وظیفه نقطه سندن اعلام مستأنف بک فسخنه قرار ویرلدیکی متضمندر .

لایحه تمیزیه ده آنونیم بر شرکت عثمانیه دن عبارت اولان رژی اداره سی مأمور و مستخدمینک مأمورین ملکیده دن معدود اوله جغه دائر برصراحت قانونیه موجود اولمادینی و شورای دولت مقررانیله محررات سامیه احکامنه محاکمک تبلیغه مجبوری بولندینی حلاله بر منوال محرر اعطای قرار اولنسی مخالف قانون ایدوکنندن بحثله اعلام استینافینک قضی طلب ایدلدیکی کبی تبلیغنامه ده دخی استناد ایدیلن سالف الذکر تحریرات عمومیه نک مبلغ اولدینی شورای دولت قرارینک قانون حکم و قوتی حائر اوله مایه جفی جهتله مومی الیه مانک محاکمه لرینه محاکمه لرینه محاکم عمومیه صلاحیتدار ایکن بوجهتک نظر دقتیه آلتادیغه دائر سرد ایدیلن اعتراضات وارد و بجا ایدوکی بیانیله اعلام مذکورک قضی لزومی کوسترلمشدر .

ایجابی لدی المذاکره رژی اداره سنک مشترک المنفعه آنونیم بر شرکت اولسی اعتباریه مأمورین و مستخدمینک قانوناً مأمورین ملکیده دن معدود اوله مایه جفی کبی موضوع بحث اولان شورای دولت قرارینک دخی حکم قانونه قارشو حائر تأثیر اوله مایه جفی درکار بولندیغندن مظنون رژی مأموری شوکت افندی ایله مخن عباس آغانک مدعی شخصیلری اضرا ایتکدن عبارت اولان افعال و حرکاتنک امور مأموره لرندن منبعث اولدینی مطالعه سنه بناء ول بایده کی حکم ابتدائینک عندالاستیناف فسخیه رؤیت دعوانک مجلس اداره یه طائدتی یولنده اتخاذ قرار اولنسی تبلیغنامه ده دخی مرقم اولدینی وجهله یولسز و مغایر اصول و قانون

اولوب لایحه تمیزیه محتویاتی بوصورتله وارد و بجا کوروندیکندن اصول محاکمات جزائییه قانوننک اوچپوز اون دردنجی و اوچپوز اون طقوزنجی ماده لری احکامنه توفیقاً اعلام استینافینک اسباب محرره دن باشی نقضیه احکام قانونیه دائره سنده ایفای معامله اولنقی اوزره اوراق متعلقه سنک محکمه مذکوریه اعاده سنه وایکی یوز غروش اعلام خرجنک تعرفه و تعلیمات مخصوصه سی منطقجه بالاخره حقسز چیه جق طرفدن استیفاسنه ۹ اغستوس سنه ۳۲۶ تاریخده متفقاً قرار ویرلدی .

محکمه تمیز حقوق دائره سندن صادر اولان ۱۹ تموز سنه ۳۲۶ تاریخی نومرولو اعلام صورتیدر :

« انشی عقد بیعده بیان ایدیلان شرط ، شرط تعلیق اولوب بیعک امرکائه تعلیق جائز و تعلیق مذکور تنجیز حکمنده بولندیغندن دولای مقاولنک معتبر اولدیغه دائر »

یاقوه قصبه سنک حاجی عمر محله سی اها لیسندن شا کرین خلیل سپاهی ایله امین بن آدم میانه سنده متکون دعویاه دائر یاقوه بدایت محکمه سی حقوق قسمندن ۷ کانون ثانی سنه ۳۲۵ تاریخی و قرق یدی عددیه ویریلان اعلام مرقوم شا کر طرفندن تمیز ایدلمش و اوراق تمیزیه صورتلری دیگر طرفه تبلیغ اولندی حلاله جواب لایحه سی ویرلماش اولغله لایحه اعتراضیه ایله بالمطالعه تدقیقات تمیزیه اجرا سنه ابتدار اولندی . مذکور اعلامک خلاصه مندرجاتی مرقوم شا کر مزبور امینک بر شخصدن صاتون آله رق متصرف اولدینی بر باب خانی صاتمغه تشبث ایدرک ظهور ایدن مشتری مراد نام کسنه ایله بازارلق ایتدکری ائنده مشتری مرقومک بایع مزبوره میبعی تفرغ ایتدیکی قرق ایکی لیرا فیئات اوزرندن طالب اولدینی افاده ایتسی اوزرینه بایعک میبعی الی لیرایه تفرغ ایتدیکنی و بونک خلاقی ثابت اولدینی تقدیرده فضله سی اولان سکر لیرایه اعاده ایده جکنی تعهد و کندوسنی کفیل ارئه ایدرک مذکور الی لیرای مشتری مرقومدن اخذ و قبض ایش و مؤخرأ بایع مرقومک میبعی صاحب اولندن قرق ایکی لیرا بدل مقابلنده تفرغ ایتدیکی تحق ایتسنه مینی کندوسی مزبور سکر لیرای بحسب الکفاله مشتری مرقومه رد و اعاده ایش اولدیغندن بحثله اشبو مبلغک بایع مرقومدن تحصیلنی طلب و دعوی و مدعی علیه دخی مراد آغا ایله بویه بر عقدک وقوعنی بیه مدیکنی و منذ کور خانی نعمان بن بیرام آلتش لیرایه صاتمش اولدینی افاده و انبا ایللری اوزرینه جریان ایدن محاکمه و تدقیقات نتیجه سنده طائب مومی الیه مراد آغا ایله مدعی علیه امین یینلرنده عقد اولنان بیع مذکور محله نک یوز سکساسان طقوزنجی ماده سی موجبنجه معتبر ایه ده سکر لیرا حقنده وقوعبولان شرط فاسد بولنسنه بناء مبلغ مزبور ایچون مدعی وکیلنک مدعی علیه مرقوم بوجه معارضه دن منعه حکمدن واشبو حکم علیه نه مستدعی تمیزک لایحه سنده مندرج اعتراضاتنک باشلوجه سی بحسب الکفاله تأدیه ایتدیکی بر مبلغدن دولای

حق رجوعی اسقاط ایدر اسباب مشروعه کوسترلمکسزین برمنوال محرر حکم اولنسی مغایر قانون اولدیغندن وافادات سائرندن بختله اعلام مذکورک نقضی استدعاسندن عبارتدر .

ایجابی مذاکره اولدوقده دعوی واقعه هر نه قدر بوجه مشروع حکم و قراره ربط اولنش ایسهده مدعینک دعواسنه کوره انشای عقد بیعده بیان ایدیلان شرط شرط تعلیق اولوب بیعک امرکائنه تعلیق جائز و تعلیق مذکور تنجیز حکمنده اولسندن طولانی مقاوله واقعه معتبر و کفیلک کفالتی و بحسب الکفاله تأدییه ایتدیکنک ثبوتی تقدیرنده مدعی علیک مبلغ مکفول به ایله محکوم ایدلسی لازم کلور ایکن بوجه مشروح قرار ویرلسی یولسز و قانونه مغایر بولنش اولدیغندن اصول محاکمه حقوقیه قانوننک ایکی یوز اوتوز ایکنجی مادهسی موجبجه اعلام مذکورک تقضیه قانون مزبورک ایکی یوز قرق دردنچی مادهسنه توقیفاً کیفیتک بالرویه اعلامه ربطی ضمننده محکمه مذکوریه اعادهسنه وزیرده مفرداتی مرقم اولوب اولجه مستدعی تمیز طرفندن ویریلان و بکره فلان طرفندن ایفا اولان غروش که جمعاً غروش مصارف تمیزیته نک ایلروده حقسنر چیقه جق طرفه عائد اولسنه ۱۹ تموز سنه ۳۲۶ تاریخنده متفقاً قرار ویرلدی .

محکمه تمیز حقوق دائره سندن صادر اولان ۱۷ نیسان سنه ۳۲۶ تاریخی و نومرولی اعلام صورتیدر :

« هبهده تسلیم و قبض شرط ایدوکنه دایر »

ساقز سنجاغنه تابع زقیا قریه سنده مقیمان حاجی استمطی ولد ارکیری اسپانودی ایله دیمتری ولده حاجی یورکی اسپانودی بیننده متکون دعویایه دائر لوای مذکور بادت محکمه سندن ۱۹ ایلول سنه ۳۲۵ تاریخی و طقسان بش عددی ایله ویریلان اعلام مرقوم حاجی استمطی طرفندن مدت قانونیهسی طرفنده تمیز اولمغله طرفینک اعتراض و جواب لایحه لرله بالمطالعه تدقیقات تمیزیته اجراسنه ابتدار اولندی .

اعلام مذکورک خلاصه مالی مزبور حاجی استمطینک قریه مذکور نوتر خانه سندن مصدق برقطعه جهازنامه موجبجه وفاتنه قدر کندوسنی بسلمک ویرلکده اقامت ایتک شرطیه مرقوم دیمتری به هبه ایلدیکی بر باب خانه ایله چند قطعه ترلارینی مرقومک شرط مذکور رعایت ایتدیکندن بر موجب جهازنامه مذکور خانه و ترلار ایله التیوز غروش قیمتنده بر رأس مرکب و بش لیرا قیمتنده جویردن معمول بر عدد صندیق و سکز کله خنطه و قرق قیه زیتون یاغنک طرفنه تسلیمینی و اوله مدینی صورتنده انفاقه و اعاشه سیچون بر معاش تخصیص و تعیین ایتدیرلسنی طلب و دعوی و مدعی علیه دخی بر موجب شرط کندوسنه باقدینی و بعدما باقعهده مهیا بولندیغنی مرقومک ایسه اوغلی طرفندن جبراً خانه دن چیقاریلوب کتورلدیکنی و محصولات مفروغ به هبه جمله سندن اولدیغندن بونی دعویایه حق اولیه جققی و مع مافیه بوکی جهازدن متولد دعاوینک فصل و جسمی متره پولیدخانه به عائد محکمه نک وظیفه سندن خارج اولمغله دعوی واقعه نک ردی لزومی افاده وادعا ایلیری اوزرینه مدعی عمومی حضوریه وظیفه محکمه حقنده در میان اولان اعتراضک ردینه قرار

ویرلکد نکره جریان ایدن محاکمه و تدقیقات نتیجه سنده مدعی علیه مرقوم دیمترینک مدعی بی درت سنه مدتله بسلدیکی حالده مؤخر آ مدعی علیک نزدندن بلا سبب صاوشدینی اولبایده استماع اولنسان شهودک شهادتیه ثابت اولدیغندن مجله نک بیک آلتیوز اوتوز ایکنجی مادهسی موجبجه مدعینک مدعی علیه قارشو وقوعبولان معارضه نک منعه حکمدن و مستدعی تمیزک اشبو حکم علینده لایحه سنده محرر باشلوجه اعتراضاتی کندوسی مذکور خانه و ترلاری بسلمک شرطیه هبه ایتدیکنی حالده مرقومک شرط مذکور رعایت ایتدیکنی تواتراً اثباته حاضر ایکن محکمه جه اشبو ادعاسنک نظر اعتباره آلتامسی و استماع اولنسان شهودک کندوسنک خانه دن نه ایچون چیقیدیغنی بیلمدکیری افاده ایتدکیری حالده شهادتیرینک قبول ایدلسی و مذکور خانه نک تحتانی قسمی کندوسنک وفاتنه قدر تحت تصرفنده قالدجینی مذکور جهاز نامهده محرر ایکن بوراسنک دخی تأمل اولمیرق برمنوال محرر حکم اولنسی مغایر قانون اولدیغندن بختله اعلامک نقضی استدعاسندن ولایحه جوابیه مؤداسی دخی اعتراضات مذکور نک غیر وادر اولدیغنی بیانیله ردی و موافق اصول و قانون اولان اعلامک تصدیقی طابندن عبارت بولنشدر .

ایجابی لدی المذاکره اعلام مذکور مألندن منفهم اولدیغنی اوزره کیفیت مدعا بوجه محرر حکم و اعلامه ربط اولنش ایسهده مدعینک کندوسنی بسلمک شرطیه جهاز یعنی هبه اوله رق مدعی علیه ویردیکی عقارات معلومه نک مرقوم کندیسنی بسلمدیکنی جهتله استدعایینی دعوی و مدعی علیک دخی ایکی سنه بسلدیکنی و آلان بسلمک مهیا بولندیغنی افاده وادعا ایتکده اولمیرینه و شو حالده دعوی واقعه مجله نک سکز یوز الی بشنچی ماده سنده مذکور بولنان هبه بشرط العوضه متعلق اولوب مجله نک سکز یوز اوتوز یدنجی مادهسی موجبجه هبهده تسلیم و قبض شرط ایدوکنه کوره اول امرده مال موهوب موهوب ایله تسامیم ایدیلوب ایلدیکی بالتدقیق تسلیمی ثابت اولمیدی صورتده مدعی به رد ایله حکم اولنق لازم کلهجکی کی تسلیم و قبض واقع اولدیغنک تحقیق تقدیرده مدعی علیک مدت مذکوردهه بسلدیکنی بولنده کی دفعی اثبات ضمننده اقامه ایلدیکی شاهدلر ایکی سنه صکره مدعینک مدعی علیک خانه سندن چیقیدیغنی و فقط نه سببه مبنی چیقیدیغنی بیلمدکیری بیان ایلدکیری جهتله شو بیاناته نظراً مدعی علیک دفع مذکور ثابت اولمادیغنی و عقارات مدعایه مایانده بولنان تحتانی خانه نک مذکور جهاز نامهیه کوره مدعی علیک حین وفاتنه قدر مدعینک عهده سنده قالمسی مشروط اولوب بوايسه هبه نک بطلائی موجب اولدیغنی و مدعی علیک مذکور خانهده هیچ رحتی بولندیغنی حالده بو نقاطک نظر دفته آلتامسی یولسز و قانونه مغایر بولنش اولدیغندن اصول محاکمه حقوقیه قانوننک ایکیوز اوتوز ایکنجی مادهسی موجبجه اعلام مذکورک تقضیه قانون مذکورک ایکیوز قرق دردنچی مادهسی حکمنه توقیفاً کیفیتک تکرار بالرویه اعلام ربطی ضمننده محکمه مذکوریه اعاده سنه وزیرده مفرداتی مرقم اولوب اول و آخر مستدعی تمیز طرفندن ویریلان درتیوز قرق اوچ غروش مصارف تمیزیته نک ایلروده حقسنر چیقه جق طرفه عائد اولسنه ۱۷ نیسان سنه ۱۳۲۶ تاریخنده متفقاً قرار ویرلدی .

محكمة تميز حقوق دائره سندن صادر اولان ۲۷ تموز سنه ۳۲۶ تاريخي و . . . نومرولي اعلام صورتيدر :

« اراضى اميريه ده متوفانك اوغلى اولدينى حالده زوجنهك بر حصه قانونيه سى اوليه جفته بناء منورهك اوغلرينه وصايت ويا وكالتى اولمادىنى تقديرده دعوانك ردى اقتضا ايدر ايكن بو بولده اجرلى معامله ايدلامسى وحق قانونيسى اولمادىنى اراضينك منوره به تسليم ايله حكم اولمى نقض حكى مستلزمدر »

ارطغرل سنجاغنه تابع بازار جق ناحيه سنك حوطانلى نام ديكر فيق قريه سنده مقيم منلا خليل افندى ايله ناحيه مذكوره نك دره قريه سى اهالى سندن بكر اوغلى محمد زوجيه سى امينه بننده متكون دعوايه دائر لوى مذكور بدايت محكمه سندن ۱۵ نيسان سنه ۳۲۶ تاريخي واون اوج عدليه ويريلوب مرقوم منلا خليل افندى طرفندن تميزى استدعا قلنان اعلام طرفينك اعتراض وجواب لايحه ليله بالمطالعه تدقيقات تميز به اجرا سنه ابتدار اولدى .

اعلام مذكور خلاصه مندرجاتى حوطانلى قريه سى جوارنده وقره جه صو اياغى موقعنده معلوم الحدود زوجنك وفاتيله كنديسيله ايكي اوغلنه منتقل بر قطعه ترلانك ايكوز غروش قيمتلى ايكي دوئم محلى مرقوم منلا خليل افندى فضولا ضبط ومداخله ايتديكندن مرقومك جليله بالحكمه منع مداخله سنى منوره امينه طلب ودعوى وبرقطعه طابو سندن ابراز واعطا ومدعى عليه دخى مذكور ترلايى يكرمى سنه مقدم اراضى خاليه دن آچوب ترلا حاله افراغ ايتكله عهده تصرفنده اولدينى وكندوسى مهاجريندن اولغله يكرمى بش سنه اول اوراده اسكان اولنه رق محل مذكورى كشاد واعمار ايله ترلايه قلب ايدرك بعضاً زراعتله محصولاتندن وبعضاده چاير حالنده بر اهرق اوتندن انتفاع ايتكله بولنديغى ويدنده تصرفى ناطق طابو سندن اولديغى ومدعيه دخى محل منازع فيه كندى يدنده بولنان طابو سندنده محرر حدود داخنده ايكن مدعى عليهك فضولا ضبط ايلديكنى ومدعى عليهك واضع اليد بولنديغى اثبات ايدجكنى ومدعى عليه دخى ذى اليد بولنديغى درميان ايللى اوزرينه دفتر خاقانى مأمورى حضوريله جريان ايدن محاكمه وكشف وتدقيقات نتيجه سنده مدعيه منوره دعواسنى سرأ وعلناً اجرا قلنان تزكيه لرنده عدل ومقبول الشهاده اولدقلى تحقق ايدن شاهد لك شهادت ليله اثبات ايتش اولديغندن مجله نك بيك سكر يوز اون سكرنجى ماده سى موجبجه مدعى عليه خليل افندينك منازع فيه محلدن كف يديله مداخله واقعه سنك منعه حكمدن ومستدعى تميزك اشبو حكم علينده لايحه سنده محرر خلاصه اعتراضاتى ايلك محاكمه نك ماعداسنده دفتر خاقانى مأمورينك بولنديرلامسى ومدعيه منوره امينه نك ايكي نفر اولادى واراىكن محل منازع فيه كنديسنه انتقال ايتيه جكندن دعواسنك ردى لازم كلور ايكن قبول وحكم اولمى مغاير اصول وقانون اولديغندن بحثله اعلام مذكور نقضى استدعاسندن ولايحه جوابيه مؤداسى دخى سرد اولنان اعتراضات غير وارد اولديغندن رديله موافق اصول وقانون اولان اعلامك تصديق طلبندن عبارتدر .

ايجابى مذاكره اولندقدن كيفيت هر نه قدر بروج به بالا حكم واعلامه ربط اولنش ايسده مدعيه نك صورت اداسنه كوره زوج متوفانك ايكي اوغلى موجود اولدينى آكلا شلمسبه وشو صورتله منازع فيه ترلانك تماماً اوغلرينه انتقال ايتسى لازم كلوب منوره نك مذكور ترلايه بر حصه قانونيه سى اوليه جفته بناء منوره نك اوغلرينه وصايت ويا وكالتى اولمدينى تقديرده دعواسنك ردى اقتضا ايدر ايكن بو بولده اجرلى معامله ايدلامسى وحق قانونيسى اولمدينى اراضينك منوره به تسليم ايله حكم اولمى يولسز اصول وقانونه مغاير اولديغندن اصول محاكمه حقوقيه قانوننك ايكوز اوتوز ايكنجى ماده سى موجبجه اعلام مذكورك نقضيله قانون منوروك ايكوز قرق دردنجى ماده سنه توفيقاً تكرار بالرؤيه اعلامه ربطى ضمننده محكمه مذكوره به اعاده سوزيرده مفرداتى مرقم اولوب اولجه مستدعى تميز طرفندن ويريلان . . . غروش كه جمعا . . . غروش مصارف تميز نك ايلروده حق سز چيقه جق طرفه عائد اولمى ۲۷ تموز سنه ۳۲۶ تاريخنده متفقاً قرار ویرلدى .

محكمة تميز حقوق دائره سندن صادر اولان ۴ اغستوس سنه ۳۲۶ تاريخي و . . . نومرولي اعلام صورتيدر :

« استعمالك املاك نظامنامه سى موجبجه املاك كن منبعث دطاویده اجنيلر حقنده تبعه عثمانيه مثلاً معامله اولنه جفندن ترچانك حضورينه لزوم اولمادىنى حالده ترچان بولنديراسى واجاره نك اقتضاسنده مستأجر ك وظيفه سى رفع يد ايدرك مأجورى استعمال ايتامك اولوب يوقسه مأجورك اناختارنى موجهه ويا خود محكمه نك ذهباى كى ديكر محله تسليم اولمادىنى جهتله محكمه جه بونك تخليه ايديلوب ايدلديكى تدقيق ايدلك لازم كلور ايكن بلا تدقيق مدعى عليهك محكوم ايدلمى نقض حكى مستلزمدر . . »

حلبك اسكى كمر ك خانى آرقه سنده واقع مغازه سنده مقيم سيد عبدالرحمن جاسر ايله حلبك قرابين خاننده ساكن آلمانيا دولت فخيমে سى تبعه سندن هرمان لورنس بننده متكون دعوايه دائر حلب بدايت محكمه سندن ۱ مائس سنه ۳۲۶ تاريخي و آلتش يدى عددى ايله ويريلان اعلام منوروك سيد عبدالرحمن طرفندن مدت قانونيه سى طرفنده تميز ايدلكه طرفينك اعتراض وجواب لايحه ليله بالمطالعه تدقيقات تميز به اجرا سنه ابتدار قلندى . اعلام مذكور خلاصه مندرجاتى منوروك هرمان لورنسك حلبك حبيب اسعد الله محله سنده واقع بر باب مغازه يى بر سنه مدتله مرقوم سيد عبدالرحمنه باقونطوراتو ايجار ايلديكى حالده مرقوم ختام مدتده مذكور مغازه يى بالتخليه طرفنه تسليم ايتديكندن بر موجب قونطوراتو بهر كون يوز غروشندن يكرمى بش كونك طوتارى اولان ايكي بيك بشيوز غروشله جام واناختار بهاسى اوله رق آلتش ومقاولات محررلىكى معرفتيله جزاى نقدى وسائر اوله رق آلنان ايكوز اللى غروشكه جمعا ايكي بيك سكر يوز آلتش غروشك اولبابده كشيده ايلديكى پروتستو موجبجه مع فائض ومصارف محاكمه منوروك سيد عبدالرحمندن تحصيلنى طلب ودعوى وبرقطعه قونطوراتو ايله پروتستونك تبليغى ناطق بر قطعه علم وخبر وبرقطعه شهادتنامه ابراز واعطا

و مدعی علیہ سید عبدالرحمن دخی مأجوری جام و نااختار کبی قریق و ضایع بر شئی اولمادی حالده انقضای مدتدن بش کون مقدم ترك و تسایم ایتمک ایسته مش ایسه ده مومی الیه مغازه کبی دیگرینه ایجار ایتدیکندن آناختارک آکا تسلیمی کندوسنه اخطار اولندیغنی و مدعینک اذن و اجازتیه باصامق طاشی و قیو تعمیری و نجره دهیری مثللو مصارفندن کندوسنک ده مدعی بشیوز یکر می ایکی غروش آلاجنی اولدیغنی و سنه لکی یکر می بش لیرایه ایجار اولنان بر مغازه نك ینه او نسبتده اجر مثلی لازم کله جکنی بیان و ادعا ایلمری اوزرینه ترجمان حضوریه جریان ایدن محاکمه و تدقیقات نتیجه سنده مدعینک جام و نااختار بدلی حقنده کی طلبنک مستند بهی اولماسنه و ایجار قوتطور اتوسنه قارشو و برمش اولدیغنی جزای نقدیه کلنجه موجرک تأمین حقوقی مؤدی اولان بر حقک عدم اجر اسندن شخص آخرک مسئول اولمیه جغه بناء مدعینک بواکی جهت حقنده کی ادعاسنک ردینه و نااختارک بالذات موجره و یاخود مستأجر لاحقه تسلیم اولنسی حقنده کی مدعینک امری سند رسمی به قارشو مسموع اولمیه جغندن مدعی مومی الیهک عدم قبولی حالده بلدیہ دائره سی ایله مقالات محرر لکنه بالمراجعه آناختاری تسلیم و قانوناً پروتسو کشیده سی لازم کلور ایکن بو جهتی مدعی علیک ایضا ایتدیکی و مقالات محرر لکندن تبلیغ اخطاری حاوی علم و خبر زیرنده محرر افاداتی ده بوجهتی مکذب بولندیغنی جهته مدعی علیک بو جهت حقنده کی ادعاسنک ردینه و مبرز مقاوله نامه ده ختام مدت اجاره ده تخلیه مأجور ایدلمدیکی حالده بهر کون ایچون یوز غروش بدل ایجار شرط قلندیغنی محرر اولدیغنی و نااختارک تبلیغات قانونیه نك ایفاسندن صکره تسایم ایدلمدیکی دخی مبرز شهادتنامه مندرجاتیه تحقق ایتسیله مجله نك بشیوز طقسان برنجی و بیک یدیوز اوتوز آلتنجی و اصول محاکمه حقوقیه قانوننک طقساننجی ماده لری احکامنه توفیقاً مدعا به ایکی بیک بشیوز غروشه مقالات محرر لکی مصارف اوله رق و یریلان خرجک مدعی علیہ سید عبدالرحمندن مع اجرای موقت تحصیانه و مدعی علیک تعمیرات بدلندن طولانی مدعی به قارشو آیروجه اقامه دعواده مختار اولدیغنه حکمدن و مستدعی تمیزک اشبو حکم علینده لایحه سنده محرر خلاصه اعتراضاتی ختام مدت اجاره ده مأجوری تخلیه ایدوب بر صورتله انتفاع ایدلمدیکی شهود شخصیه ایله اثباته حاضر اولدیغنی حالده محکمه جه بو جهتک نظر دفته آلمیه رق بر منوال محرر حکم اولنسی مغایر قانون اولدیغندن بحثله اعلامک نقضی استدعاسندن و لایحه جوابیه مؤداسی دخی غیر وارد اولان اعتراض مذکورک ردیه موافق اصول و قانون اولان اعلامک تصدیق طلبندن عبارت بولمشد.

ایجابی لدی المذاکره خصوص مدعا هر نه قدر بر منوال محرر حکم و اعلامه ربط اولنمش ایسه ده دعوی املا کدن منبعث اولوب موجر اجنبی دخی اولسه اجانبک استملاک املاک دأر اولان نظامنامه نك ۲ نجی ماده سنده کوسترلدیکی اوزره تبعه دولت علیه مثللو رؤیتی لازم کلان دعوی مذکورک انشای رؤیتده ترجمانک حضورینه لزوم اولدیغنی حالده ترجمان بولندیرلمی و مجله نك ۵۹۱ نجی ماده سی موجبجه اجاره نك انقضاسنده مستأجرک وظیفه سی رفع ید ایدره ک مأجوری استعمال ایتماک اولوب یوقسه مأجورک نااختاری

موجره و یاخود محکمه نك ذهابی کبی دیگر محله تسلیم اولمادیغنی جهته محکمه جه بونک تخلیه ایدیلوب ایدلمدیکی تدقیق ایدلمک لازم کلور ایکن اسباب غیر قانونیه بیانیله بلا تدقیق مدعی علیک محکوم ایدلمی یولسز اصول و قانونه مغایر کورلمش اولدیغنه بناء اصول محاکمه حقوقیه قانوننک ایکیوز اوتوز ایکنجی و ایکی یوز قرق برنجی ماده لری موجبجه اعلام مذکورک نقضیه قانون مذکورک ایکیوز قرق دردنجی ماده سنک فقره اولاسی حکمنه توفیقاً کیفیتک تکرار بالرؤیه اعلامه راطی ضمننده محکمه مذکوریه اعاده سنه و زیرده مفرداتی مرقم اولوب اولجه مسدعی سید عبدالرحمن طرفندن ایفا اولنان . . . غروشکه بوکره میزعلیه طرفندن مع پول جواب لایحه سی قیدیه سی اولمق اوزره و یریلان یدی غروشکه جمعاً درتیوز قرق غروش مصارف تمیزیه نك ایلروده حقسنر حقیقه جق طرفه عائد اولسنه ۴ اغستوس سنه ۳۲۶ تاریخنده متفقاً قرار ویرلدی .

محکمه تمیز جزا دائره سنندن صادر اولان ۲۱ اغستوس سنه ۳۲۶ تاریخی و ۳۲۸۷ نومرولو اعلام صورتیدر :
« محاکمه ضبطنامه سنده کی چیقندیلی عباره لک و چیزیلان سطرلرک قانون دائره سنده
تصدیق ایدلامش اولسی نقض حکمی مستلزمدر »

بولی سنجاغی بدایت محکمه سی جزا دائره سنندن تنظیم واعطا اولنان ۱۱ ربیع الاول سنه ۳۲۸ و ۹ مارت سنه ۳۲۶ تاریخی والی نومرولی اعلام ایله اوراق متفرعه سی باش مدعی عمومیلک مأموریت علیه سنندن نقض طلبنی متضمن ۱۵ شعبان سنه ۳۲۸ و ۷ اغستوس سنه ۳۲۶ تاریخی و اوچ بیک الی اوچ نومرولی تبایغنامه ایله محکمه تمیز جزا دائره سنه اعطا اولنمشدر .

اعلام مذکورک خلاصه مالی دورک قضاسنک دده اوغلی قریه سنندن خطیب اوغلی مصطفی چاوشی قتل ایدلمدیکی ادعا قلنمسنندن دولایی جنایتله اتهام اولنان قریه مذکورده دن قوجه باش اوغلی مصطفانک اجرا قلنان محاکمه علیه سی نتیجه سنده متهم مرقومک فعل مذکور مجاسرتی اولبابده مع القسم استماع اولنان شهودک شهاداتی وضبط ورقه سی و طیب راپوری مندرجاتیه ثابت اولدیغندن مجرمیتنه و حرکتیه تطابق ایدن قانون جزانک یوز یمش دردنجی ماده سنک فقره اولاسنه توفیقاً بعدالتشهر اون بش سنه مدته کوره که قولسنه و جرم مذکور ۱۰ تموز سنه ۳۲۴ تاریخندن مقدم ایقاع اولندیغندن قانون اخیر حکمنجه مدت محکومه سنک نصفه تنزیله حکم اولندیغندن عبارتدر .

کافه اوراق دعوی مطالعه اولندقدن صکره تدقیقات تمیزیه اجرا اولندقدن تبلیغنامه ده دخی بیان اولندیغنی و جهله محاکمه ضبطنامه سنده کی چیقندیلی عباره لک و چیزیلان سطرلرک قانون دائره سنده تصدیق ایدلامش اولسی یولسز و مخالف قانون و نقضی مستلزم احوال دن اولمقله اصول محاکمات جزائییه قانوننک اوچوز اون دردنجی ماده سی حکمنه توفیقاً اعلام مذکورک بر موجب طلب نقضیه احکام قانونیه دائره سننده ایضای معامله اولمق اوزره اوراقنک محله اعاده سنه و ایکیوز غروش اعلام خرجنک ایلروده حقسنر حقیقه جق طرفندن تحصیله ۱۶ اغستوس سنه ۳۲۶ تاریخنده قرار ویرلدی .

محکمه تمیز جزا دأرہ سندن صادر اولان ۳۰ اغستوس سنہ ۳۲۶ تاریخی و ۳۳۶۹ نومرولی اعلام صورتیدر:

« متہم اقرار و اعتراف حقندہ مقتضی تحقیقاتک توسیعندن ذہول ابدائی و شہودک

افاداتی بینندہ کی مہایتک تدقیق وحل اولمامسی نقض حکمی مستلزمدر »

سوریہ ولایتی - ائتلاف محکمہ سی جزا دأرہ سندن تنظیم واعطا قلنان ۲ رجب سنہ ۳۲۸ و ۲۶ حزیران سنہ ۳۲۶ تاریخ وایکیوز یکرمی نومرولی اعلام ایله اوراق متفرعہ سی باش مدعی عمومیک مأموریت علیہ سندن نقض طلبنی شامل ۱ شعبان سنہ ۳۲۸ و ۲۴ تموز سنہ ۳۲۶ تاریخ وایکی بیک یدیوز اون یدی نومرولی تبلیغنامہ ایله محکمہ تمیز جزا دأرہ سنہ اعطا قلمشدر .

اعلام مذکورک خلاصہ مالی اوچیوز یکرمی بش سنہ سی حزیرانک یکرمی اوچنجی کونی قیطرہ قصبہ سندن ابراہیم بن ظریف الداغستانک کیفیت قتلندن طولای جنایتلہ اہام اولنان قضای مذکورک منصورہ قریہ سندن ایوب بن حاجی عثمان و برادری فراری احمدک جنجہ مظنونی حسین بن موسی ایله برلکدہ و جاہاً و غیباً اجرا قلنان محاکمہ علیہ لری نتیجہ سندنہ بونلردن احمدک من غیر تعمہ قتل مذکورہ جرأتی وایوبک دہ مرقومہ معاونت ایلدیکی محلفاً وعلی الدرجات واقع اولان شہادات و سائر دلائل و امارات ایله ثابت اولدیغندن مجرمیتلرینہ و احمدک حرکتہ توافق ایدن قانون جزانک یوز یتیمش دردنجی مادہ سنہ تطبیقاً اون بش سنہ وایوبک حرکتہ تطابق ایدن قانون مذکورک یوز یتیمش بشنجی مادہ سنہ توفیقاً اوچ سنہ مدتلرہ کورکہ قونلرینہ و جنجہ مظنونی حسینک دخی برائتہ حکم اولندیغندن عبارتدر .

تبایغنامہ مفادی دخی شہودک افاداتی بینندہ کی مہایت حل و تدقیق اولمامش و مجرمیت قرارنامہ سندنہ قیطرہ قائم مقامی ایله مستطقلنی طرفلرندن اجرا قلنان تحقیقات اولیہ دہ فراری احمد ایله متہم حضر ایوبک اقرار و اعترافلری اسباب حکمک باشلوجہ لرندن اولمق اوزرہ ذکر و ایراد ایلدیکی حالہ اشبو اعترافک شکل و ماہیتی نەدن عبارت ایدوکی عندالمحاکمہ قرائتہ ضبط و اعلام درج ایدلماش اولمق اعتبارلہ آکلاشیلہ مامش و شہودک صورت اخباراتنہ کورہ مذکور اقرار و اعتراف کیفیتی حقندہ لازم کلان کسانک جلب و استماعی و بوبادہ مقتضی تحقیقاتک توسیعیلہ تحصیل ایدہ جک حالہ کورہ قرار اعطاسندن ذہول ایدلمش اولدینی بیانیلہ اعلام مذکورک نقضی طلب اولمشدر .

بالجملہ اوراق دعوی بعدالمطالعہ حکم و جاہی جنائی حقندہ تدقیقات تمیزہ اجرا اولندقدہ متہمک تحقیقات اولیہ دہ مضبوط اولان افادہ سی اعلامدہ مندرج اولغلہ بونک عندالمحاکمہ قرائت و ضبط و اعلامہ درج اولندیغنے دائر تبایغنامہ دہ سرد ایدیلان اعتراض غیروارد ایسہ دہ حکمہ مداراتخاذ اولنان اقرار واقعک ماہیتی و درجہ قوتی مجرمیت قرارندہ ایضاح قلمنامش اولدینی کی شہودک افاداتی بینندہ کی مہایتک تدقیق و حل اولندیغنے و متہمک اقرار و اعترافی حقندہ مقتضی تحقیقاتک توسیعندن ذہول ایدلکینہ دائر درمیان اولنان اعتراضات سائر مندرجات اعلامہ نظراً وارد و بجائو نقضی مستلزم بولندیغندن اصول محاکمات جزائیہ

قانونک اوچیوزاون دردنجی مادہ سنہ توفیقاً حکم مذکورک نقضیلہ احکام قانونیہ دأرہ سندنہ ایفای معاملہ اولمق اوزرہ اوراقک محلہ اعادہ سنہ وایکیوز غروش اعلام خرجنک ایلرودہ حقسنر چیقہ جق طرفدن تحصیلہ ۱۶ اغستوس سنہ ۳۲۶ تاریخندہ قرار ویرلدی .

محکمه تمیز جزا دأرہ سندن صادر اولان ۲۱ اغستوس سنہ ۳۲۶ تاریخی و ۳۲۹۱ نومرولی اعلام صورتیدر:

« تعین اولنان نوع جرم ایله جہت تطبیقہ دہ اصابت قانونیہ کوریلہ مدیکندن نقض اولندیغنے دائر »

خداوندکار ولایتی استیناف محکمہ سی جزا دأرہ سندن تنظیم واعطا قلنان ۱۲ رجب سنہ ۳۲۸ و ۶ تموز سنہ ۳۲۶ تاریخی وایکیوز قرق بر نومرولی اعلام مع اوراق متفرعہ باش مدعی عمومیک مأموریت علیہ سندن تصدیق طلبنی حاوی ۱۳ شعبان سنہ ۳۲۸ و اغستوس سنہ ۳۲۶ تاریخی و اوچیک یکرمی بر نومرولی تبلیغنامہ ایله محکمہ تمیز جزا دأرہ سنہ تودیع اولمشدر .

اعلام مذکورک خلاصہ مالی اوچیوز یکرمی بش سنہ سی طرفندہ بروسہ نک حسن آغا قریہ سندن مختار خلیل آغای قتل قصدیلہ جرح و کرماسیتی قرہ بت و طاقفور و بغوص و محرم ویناقونک آشنای راہدہ اوکلرینہ چیقوب معاملہ جبر و شدت اجراسیلہ نقود و اشیای موجودہ لرینی اخذ و غصب و بوبادہ یتاقلق ایتک مادہ لرندن دولای جنایتلہ اہام اولنان قاضی حسین اوغلی صالح و امام صاری عثمان اوغلی خلیل و حسین چاوش اوغلی عثمان و ابراہیم و استراپی و ادیس اوغلی خلیل ایله و فراری دلی خلیلک و جاہاً و غیباً اجرا قلنان محاکمہ علیہ لری نتیجہ سندنہ بونلردن صالح و صاری عثمان اوغلی خلیل و فراری دلی خلیلک قانون جزانک آئمش ایکنجی مادہ سی علاوہ سنک فقرہ اولاسنہ و عثمانک دہ ایکیوز یکرمی برنجی مادہ سنہ تطبیقاً صالح و صاری عثمان اوغلی خلیل و عثمانک اوچر و فراری دلی خلیلک دخی جرح فعملنک حقندہ سبب شدت عدلیہ بش سنہ مدتلرہ کورکہ قونلرینہ و دیگر لرینک برائتیرینہ حکم اولندیغنی متضمندر .

کافہ اوراق دعوی بعدالمطالعہ حکم غیبی و جاہیدن دولای تدقیقات تمیزہ اجرا اولندقدہ کرچہ تبلیغنامہ دہ ذکر اولنان اعلامک تصدیق طلب اولمش و مرقوموندن عثمان طرفندن ویریلوب اوراق میانندہ موجود بولنان لایحہ تمیزیدہ نقصانی تحقیقات و تدقیقاتہ دائر سردایدیلان اعتراضات اعلام مذکور مندرجاتنہ نظراً غیر وارد بولنش ایسہ دہ موقوف متہمک طاغلرہ و قیرلردہ مسلح اولدقلری حالہ کزہ رک راست کلککری یوجیلری طوتوب صویمق صورتیلہ سرقت فعلی ایقاع ایتمش اولدقلرینک اسباب ثبوتیہ سی مجرمیت قرارنامہ سندنہ کوسترلماش و بناء علیہ تعین اولنان نوع جرم ایله جہت تطبیقہ دہ اصابت قانونیہ کوریلہ مامش اولدیغندن اصول محاکمات جزائیہ قانونک اوچیوز اون دردنجی مادہ سنہ توفیقاً حکم مذکورک نقضنہ و احکام قانونیہ دأرہ سندنہ ایفای معاملہ اولمق اوزرہ اوراقک محلہ اعادہ سنہ وایکیوز غروش خرج اعلامک ایلرودہ حقسنر چیقہ جق طرفدن تحصیلہ ۱۶ اغستوس سنہ ۳۲۶ تاریخندہ قرار ویرلدی .

مسائل انتباه

سروج قضاسی نأبی و بدایت محکمه سی رئیس محمدتوفیق افندی ایله محکمه مذکورہ اعضاسندن مستطوق یوسف و معاون عثمان و باشکاتب احمد افندیلر مواد معینده و وظیفه مأموریتلری سوء استعمال ایتدکلری امور جزائیہ دائره سنجه تدقیق اولنان تحقیقات اوراقندن نمایان اولسنه و حرکت واقعہ لری مسئولیت قانونیه یی مستلزم بولنسنه بناءً مومی الیهمک محاکمه آلتنه آنلرینه عدلیه نظارت جلیله سندن امر مآذونیت اعطا اولنمشدر .

* *

نعلو خان نأبی و بدایت محکمه سی رئیس عبدالله افندی محکمه مذکور باشکاتبی اسماعیل افندی یی ضرب و تحقیر و وظیفه مأموریت یی سوء استعمال ایتدیکی امور جزائیہ دائره سنجه تدقیق اولنان اوراق تحقیقیه سندن اکلا شلمسنه و حرکت واقعہ سی مسئولیت قانونیه یی مستلزم بولنسنه بناءً مومی الیهمک محاکمه آلتنه آنلرینه عدلیه نظارت جلیله سندن امر مآذونیت اعطا ایدلمشدر .

* *

قاشوط قضاسی مدعی عمومی معاونی وکیلی پولیس عبدالمنان افندی قلیزلق جرمندنطولای مضمون علیه اولان کریدلی معلم اندونک فرارینی تسهیل ایتدیکی امور جزائیہ دائره سنجه تدقیق اولنان تحقیقات اوراقندن مستبان اولسنه و حرکت واقعہ سی مسئولیت قانونیه یی مستلزم بولنسنه بناءً مومی الیهمک محاکمه آلتنه آنلرینه عدلیه نظارت جلیله سندن امر مآذونیت اعطا ایدلمشدر .

* *

اینه بولی بدایت محکمه سی اعضاسندن دانیل افندی بر دعوای جزائیله التزام و حمایتله وظیفه مأموریت یی سوء استعمال ایتدیکی امور جزائیہ دائره سنجه تدقیق اولنان تحقیقات اوراقندن نمایان اولسنه و حرکت واقعہ سی مسئولیت قانونیه یی مستلزم بولنسنه بناءً مومی الیهمک محاکمه یی آنلرینه عدلیه نظارت جلیله سندن امر مآذونیت اعطا اولنمشدر .



قسط غیر رسمی

اصول استماع دعوی

— اون طافوزنجی نسخه دن مابعد —

مدعیهک وجوه معلومیتی :

مدعیه اولاً اشارت ایله معلوم اولور .

شویله که مدعیه عین منقول اولنجه مجلس محاکمه یی احضار ایتدیریلوب مدعی ایله ایشته شومال بنمدر دیه دعوی ایتسه مدعیه معلوم و دعوی صحیح اولور .

اشارت ایله تعریف هر نوع مدعیله اولور . یعنی مدعیه کرک منقول و کرک عقار اولسون .

بوصورتده مدعی بر عقاره اشارت ایدرک حاکمک یا نأشک حضورنده بوعقار بنم ایکن مدعی علیه تجاوز ایله کندی حدودی داخلنده ادخال ایتدی دیه دعوی ایتسه صحیح اولور .

ثانیاً مجلس محاکمه ده حاضر بولنمایان مدعیه وصف و تعریف و قیمت یی بیان ایله معلوم اولور .

ایمدی مدعیه موجود اولوبده مدعی ، آنک عیناً آلیورلسنی طلب ایدرسه مدعی آنی تعریف و توصیف ایله برابر قیمت یی دخی بیان ایتسی ایجاب ایدر .

لکن مدعیه مستهلک و قیمت یی اولوبده آنک قیمت یی طلب ایلرسه یا لکن ذکر قیمت کفایت ایدر . چونکه بوحالده دعوی عین دکلدر . حصراً دعوای دیندر .

مجلس محاکمه ده غیر حاضر هر نوع مدعیهک وصف و تعریف و بیان قیمت ایله اولان معلومیت صحت دعواده کافی دکلدر .

زیرا ایداعی دعوی کبی بعض دعالوی واردر که آنده مثلاً مکان ایداعک بیانی لازم کلیر . بناءً علیه تفصیلات آتیه نک اعطاسی لازم کادی .

قرض دعواسی : دعوای قرضده

۱ — مکان قرضک بیانی لازمدر . زیرا مال مقروضک مکان قرضده تأدییه ایدلمی لازم کلور .

بوجهتله برکیمسه دیگر کسنه دن استانبولده بهر کیله سی یکر میشر غروشه ایکن الی کیله بقضای استقراض

ایدوبده بعده اول کیمسه قونیه ده اوکمنه ملاق اولدیغنده اوکمنه اقراض ایتیش اولدیغی بغدادی اوکمنه دن طلب ایلدیکنده قونیه ده بغدادی کیله سی اوتوزر غروشه اولسه مقرض بغدادی بکا قونیه ده تأدیه ایت دیه جبر ایده من بلکه استانبولده تأدیه ایتدیریلور .

مکان قرضك لزوم بیانی مصارف ثقلیه به متوقف اولان مقروضانده در . اما مسکوکات کبی مصارف حمالیه به متوقف اولیان اموالده بیان مکان قرض لازم کلز .

۲ — مقروضك صفی بیان اولتیق ایجاب ایدر .

یعنی مثلاً مقروض بغدادی اعلا یا اوسط یا ادنی دیه توصیف اولتیق لازمدر .

زیرا مدیون استقراض ایتدیکی مالک جنساً وصفنه مساویسنی اعطایه مجبوردر .

خلاف جنسنی ویره میه جکی کبی انقص واردنی دخی ویرمه صلاحیتی یوقدر .

۳ — مقرض کنندی مالندن اقراض ایتدیکنی بیان ایتسی لازمدر .

زیرا جائز که مدعی وکیل بالاقراضدر . وکیل بالاقراض سفیر ومعبّر اولمغله آنک حق مطالبه سی یوقدر سوم شرا دعواسی :

سوم شرا دعواسنده شوقدر ثمن تسمیه سیله آتمشیدی دیه سوبلك شرطدر . مجله نك ۲۹۸ ماده سنه مراجعت اولنه .

بناءً علیه مدعی علیه شویله برمالی سوم شرا طریقله آتمشیدی موجود ایسه عیناً ومستهلک ایسه بدلاً ویرسین دیه دعوی ایتسه صحیح اولماز . مکرکه شوقدر غروش ثمن تسمیه سیله آلدی دیه .

اجازت بیع فضولی سبیله ثمن میبع دعواسی :

مدعی ، بومدعی علیه کندیسیله بینارنده شرکت ملک ایله مشترک فلان مالی شوقدر غروشه آخره صاندیغی وکندیسی دخی بیع مجیز اولدیغی جهتله ثمن میبعك نصفی ادعا ایتدکده ایضاحات آتیه یی ویرمی لازم کلیر .

۱ — بیع فضولی به اجازت ویرلدیکی ائنده میبعك ید مشتریده موجود اولدیغی ،

۲ — ثمن میبع مغشوش ایدیسه وقت اجازتده رائج بولندیغی ،

۳ — بایع فضولنك ثمن میبعی قبض ایتیش ایدوکنی ، سوبلك اقتضا ایدر . زیرا اجازت ابتداء توکیل کیدر . وکیل بالبیع ایسه ثمنی مشتریدن قبض ایتدکجه موکله اعطای ثمنه مجبور دکلدیر . مجله نك (۱۵۰۲) ماده سی .

لکن میبع مدعی ایله مدعی علیه آرسنده شرکت ملک ایله مشترک اولیوب بلکه شرکت عقد ایله مشترک اولدیغی صورتده میبعك وقت اجازتده قیامی شرط دکلدیر .

زیرا عقد بیع حال وقوعده نافذ اولمشدر . نفاذ اذن واجازته متوقف دکلدیر .

لکن قبض ثمن ینه شرطدر . تا که مدعی علیه نصف ثمن ایله مطالب اولتیق صحیح وجائز اولسون . شرا دعواسی :

واضع الیددن شرا ادعا ایدیلور ایسه یعنی بومال مدعی علیهك مالکی ایدی بکا صاتمیش ایکن تسلیم ایتیور دیه دعوی وقوع بولور ایسه بونده ثمن معجل ایسه کاملاً تأدیه اولندیغی بیان ایدلك لازم کلیر .

لکن دعوی شرا بایعك غیری علیه اقامه اولنور ایسه یعنی مدعی بومالی - مدعی علیهك غیری - فلان شخصدن شوقدره آلدیم ملک ایکن بومدعی علیه آکا بغیر حق وضع ید ایدیور دیه دعوی ایتدکده ثمن میبعك معجل یا مؤجل ایدوکنی بیان ایتسی لازم کلور .

معجل ایسه ثمن میبعی کاملاً بایعنه ویردیکنی یاخود بایع قبض میبعه کندیسنه اذن ویرمش اولدیغی بیان ایلسی اقتضا ایدر .

بوخالده دعواسی استماع ولدی الثبوت مدعا بهی مدعی به تسلیم ایتسیله امر اولنور .

فقط ثمن معجل اولدیغی حالده آنی بایعنه تأدیه ایتامش وبایع دخی قبض میبع ایچون مشتری به رخصت ویرمه مش اولنجه دعوی استماع اولمغله برابر مدعا بهك مدعی به تسلیم ایله امر اولنهماز . مجله نك ۲۷۸ ماده سنه مراجعت اولنه .

بو حالده استماع دعوانك فائده سی مدعا بهده مدعینك ثبوت ملکیتندن عبارت قالیر

سلم دعواسی :

جهت سلمدن شوقدر کیله بغدادی الاجق ادعا اولندقدده شرائط سلمك ذکر وبیانی لازمدر . ومثلاً حین عقد سلمده سلم فیهك هانکی مکانه تسلیمی شرط ایدلمش ایسه اوراسنك ایضاحی اقتضا ایدر . زیرا حاکم اوراده تسلیم ایله امر ایتسی لابددر .

بوصورتده مدعی سلم صحیحدن طولای شوقدر کیله بغدادی ایسترم دیه شرائط سلمی ذکر ایتیه رك دعوی ایتسه صحیح اولماز .

هرسبب که شرائط کثیره سی واردر اوشرائطك ایضاحی حین دعواده اقتضا ایدر .

لکن شرائطی قلیل اولان سببك شرائطی بیان ایتك لازم دکلدیر .

بناءً علیه مدعی مثلاً بینمزده جریان ایدن بیع صحیح سبیدن طولای شوقدر غروش الاجم واردردیه ادعا ایسه مسموع و صحیح اولور .

کفالت دعواسی :

جهت کفالتدن الاجق ادعا ایدلدکده مال مکفول به هانکی سبیدن نشئت ایتدیکنك ایضاحی لازمدر . زیرا کفالت بالدیته علاالعاقله کبی بعض امواله کفالت جائز اولدیغندن ادعا ایدیلان مال کفالت جائز اولان قسمندمی یوقسه جائز اولیان نوعندمیدر بوجهتك نزد حاکمه تعینی اقتضا ایدر .

فقط کفالت سببیه الاجاق دعواسنده مجلس عقد کفالتده مکفول اهلک کفالتی قبول ایلدیکنک بیانی عند ابی یوسف شرط دکلدر .

بونک سببی مجله نك ۶۲۱ ماده سی شرحنده یازدیغ ایضا حاکدن تملیک دعواسی :

تملیک دعواسنک صحتی ایچون تملیک مذکورک بعوض یا خود بغیر عوض اولدیغنک بیانی لازمدر .
فساد بیع سببیه استرداد دعواسی :

مدعیدن سبب فساد استفسار اولنق ایجاب ایدر . زیرا جائزکه مدعی بیع صحیحی فاسد ظن ایدیور .
ودیعه و امانت دعواسی :

بوکی و دیعه دعوالرنده مکان ایداعک بیانی لازمدر . و دیعه کرک حمل و مؤننه محتاج اولسون کرک اولسون . زیرا مجله نك ۷۹۷ نجی ماده سنده ذکر اولندیغی اوزره و دیعه نك اعاده سنده مکان ایداع معتبر اولمغه حاکم نرده اعاده سیله حکم ایده جکنک معلومیتی ضمننده بیان مکان ایداع ایجاب ایدر .

امانت هالکة دعواسی :

شویله براماتم مدعی علیه یدنده تلف اولمغه بدلنی ایسترم دیه دعوی ایتدکده یا مستودعک و امینک استهلاك ایتش اولدیغنی سولک لازم کلور . چونکه امانت بلا تعد تلف اولمش ایسه موجب ضمان اولدر . قلمری امین و مستودع استهلاك ایتیوبده افراد عاقله سنندن یا اجانبیدن بری جانبندن استهلاك ایدلمش اولور ایسه ضمان حصرا متلف و مستهلک لازم کلیر . بوندن طولانی امین و مستودعک مسئولیتی لازم کلز .
ویا خود مستودع و امین امانت و و دیعه یی انکار ایتدکدن صکره و دیعه ید مستودعه تلف اولمش اولدیغنی بیان ایتک لازم کلیر . چونکه انکار سببیه مستودع امین اولقدن چیقوب ضمین اولدیغندن بعد الانکار تلف بلا تعد اولسه بیله مستودع حقنده باعث ضمان اولور .

ودیعه یی مجهلا وفات دعواسی :

مودع فلان و دیعه اوله رق و یردیکم شویله برمالی مستودع مجهلا وفات ایتکله بدلنی ایسترم دیه ترکه علیه اقامه دعوی ایتدکده مستودعک وفاتی زماننده کی و دیعه نك قیمتک بیانی لازم کلور . زیرا و دیعه اوزمان مضمون اولق حالی اکتساب ایدر .

پموق دعواسی :

مدعی پموقی دعوی ایتدکده هانکی مملکت محصولی ایدوکنک بیانی لازمدر .

یعنی مثلا مصر یا آطنه یا از میر پموقیدر دیملیدر . اما پموقک مثلا برقیه سنندن شو قدر آتیش پموق چیقاردی کی تفصیلات زائده یه لزوم یوقدر .

غصب دعواسی :

ید غاصبه عیناً موجود اولان مغصوبک استردادی دعواسنده مکان غصبک بیانی لازم کلیر . اگر

مغصوب مصارف نقلیه و جمالیه یه محتاج ایسه . زیرا بو صورتده غاصب مال مغصوبی مکان غصبده رد و اعاده ایدرک اولوجهله مغصوب منه تسلیم ایله محکوم ایدیله جکنه مبنی محل غصبک تبینی لازم کلیر .

لکن مصارف نقلیه و جمالیه سی بولنمیان آلتون و کومش کی اموال مغصوبه دعواسنده مکان غصبک بیانی لازم دکلدر . زیرا بوکی اموال مغصوبه نك محل غصبده تسلیمی لازم کلیوب مغصوب نرده اولور ایسه تسلیم اولنه بیلور .

مغصوب منه تسلیمدن امتناع ایده مز .

بوصورتده مدعی ، بو آدم بندن یکریمی کیله بغدادی غصب ایلدی دیه دعوی ایدوب فقط مکان غصبی بیان ایده مز ایسه دعواسی مسموع اولماز .

مال مغصوب قیمیاتدن اولدیغنی حالده مدعی یوم غصبده مذکور مالک قیمتی بیان ایلمی ایجاب ایدر .
مغصوب هالکک بدلنی دعوی :

مغصوب هالکک بدلنی دعوی اولندقدن مثلیاتدن یا قیمیاتدن ایدوکنک بیانی یعنی مغصوب نه ایدوکنک ایضاحی اقتضا ایدر . چونکه مجله نك ۸۹۱ نجی ماده سی موجبجه مغصوب مثلیاتدن ایسه مثنک و قیمیاتدن ایسه یوم اخذ و غصبده کی قیمتک اعطاسیله حکم اولنق ایجاب ایدر .

غصب دعواسنده مدعی یوم اتلافده کی قیمتی بیان ایتمی لازم کلورمی یوقسه یوم اخذ و غصبده کی قیمتک بیانی کافیدر . یعنی غاصب برمالی غصب ایتدکدن برمدت صوکره آنی اتلاف ایتکله قیمتی دعوی ایدیله جک اولنجه یوم غصبده کی قیمتک بیانی کافیدر یوقسه یوم اتلافده کی بدلنی ایضاح ایلمی ایجاب ایدرمی ؟ بومسئله محتاج ایضاحدر .

مغصوب ید غاصبه ایکن آنده زیاده لک حاصل اولدقدن صوکره غاصب مال مغصوبی استهلاك ایتدکده تعمیر دیکرله وقت غصبده کی قیمت نقصان و وقت استهلاكده کی قیمت زیاده اولدقدن بونده بین العلما اختلاف اولنشددر .

عند الامام یالکز وقت غصبده کی قیمت لازم کلور . عند الامامین وقت استهلاكده کی بدل لازم کلور . شونی برمثال ایله ایضاح ایدلم : برکیه سنه نك غصب ایتدیکی قویونک وقت غصبده قیمتی ایکی آلتون ایکن برمدت یدنده دوروب سمیزلنرک قیمتی اوچ آلتون اولدقدن صوکره ذبح ایله استهلاك ایتدکده امام اعظمه کوره یوم غصبده کی قیمتی اولان ایکی آلتونی و یرمک و امامینه کوره یوم ذبح و استهلاكده کی قیمتی اولان اوچ آلتونی اعطا ایلک ایجاب ایدر .

بو صورتده امام اعظمه کوره یوم غصبده کی قیمتک بیانی لازم و بو بیسان کافی اولوب اما امامینه کوره مدعی یوم اتلافده کی قیمتی حین دعواده ایضاح ایتک صحت دعواده شرط اولور .

مجله نك ۸۹۱ نجی ماده سنک ظاهرندن آکلاشیلورکه مجله ده امام اعظم قولی اختیار اولنشددر .

مدعی ، مدعی علیه شو آتی بندن غصب ایتدی دیه دعوی ایتسه ملکمدر دیسه بیله دعواسی صحیح اولور . ولدی الثبوت یعنی مدعی علیه مدعیدن بو آتی غصب ایلدیکی بالینه ثابت اولدقده حاکم اوآت مدعینک مایکی ایدوکنه حکم ایدر . وکون غصبه شهادت ایدن شهود آت مدعینک ملکیدر دیمش اولسه لر بیله .

استهلاک اعیان دعواسی :

بودعواده اعیان مرقومه نهدن عبارت بولندی و موضع استهلاک ایله وقت استهلاکده کی قیمت نه ایدوکی بیان اولمق لازمدر . زیرا بعض اعیان قیمی و بعضی مثلی اولور . قیمی وقت استهلاکده کی قیمت ایله و مثلی دخی مثلیله مضمون اولور . بو صورتده بر متوفانک ورثه سی متوفای مرقومک دایندن متوفای مرقوم حیاتنده سکا شوقدر اشیا ایداع و تسلیم ایتدی بعده وفات ایتدکده دیوتی ادایه وصی نصب اولنان فلان کیسه مذکور اشیا لری متوفای مرقومک دخی مقابله سنده ثمن مللرندن نقصان فاحش ایله سکا صادی سن دخی استهلاک ایتدک ضامن اول دیه دعوی ایتدکارنده اول اشیا ناک انواعی واجتانی و اوصافی و حین بیعه اولان قیمتلری بیان ایده مسهلر دعوی مسموع اولماز .

اکراها بیع دعواسی :

مکرها بیع ایتدیکی بیایله میبعک استردادی دعواسنده مکرها بیع و مکرها تسلیم ایلدیکی و کندوسی ایچون ثابت اولان حق فسخ سببیه بیعی فسخ ایتدیکی بیان ایتدیر . زیرا مکرها بیعه مبیع طوعا تسلیم ایدلسه بیع صحیح و لازم اولور .

نته کم مدعی ثمن مبیعی قبض ایتش ایسه قبض ثمن دخی اکراها واقع اولدیگی ذکر ایدلک ایجاب ایدر . زیرا اکراها واقع اولان بیعه کی ثمنی بایع طوعا قبض ایدرایسه عقد بیعی فعلاً مجیز اولمش اولور . لکن مکرها بیع دعواسنده مجبر کیم اولدیگی ذکر ایتک لازم اولور .

مکره ، شومال ملکمدر بغیر حق ید مشتریده در دیسه صحیح اولماز . زیرا بیع مکره قبض اتصال ایتدکده میعه ملک ثابت اولور .

محکمه تمیز حقوق دائره سی رئیسی

علی صیبر

هیئت عدول حقهنده

اوروپا دول غربیه سی ممالکنده جنسایت دعوالرینی رؤیت ایتک وظیفه سیله مکلف و هیئت حاکمه ایله مترافق بر هیئت منتخبه موجود اولدیگی و بوکا فرانسزجه « ژوری » نامی ویرلمکده بولندیگی معلومدر .

فقط ترکیه یازلمش حقوق کتابلرنده بوبابده ایضاحات کافیه مندرج اولدیغندن بونک صورت تشکی ووظائفی حقهنده ارباب مراقبه معلومات مجمله اعطاسی فائده دن خالی اولیه جعی ظن ایدرم شویله که : هیئت عدوله فرانسزجه « ژوری » نامی ویرلمسی انی ترکیب ایدن اعضای منتخبه ناک ایشه باشلامزدن اول تحلیف اولملری قانون مخصوصی اقتضاسندن بولنش اولمسندن نشأت ایدیور حتی مصر اصول محاکمات جزایه سنده هیئت مذکوره یه « هیئت محلفین » تسمیه قلمشدرکه اصلنه تمامیه مطابق بر ترجمه در . بزرده مقدا باب عالی ترجمه اوطه سنده اقتضا ایتدکجه ژوری لفظی هیئت عدول ترکیب اضافیه ترجمه ایدلمش و ترکیب مذکور بووجهله زبازد اوله رق ژوری لفظنک مقابلی عد اولنش ایسه ده آنک معنای مطابقتی دکل بلکه معنای التزامیستی میندر . چونکه عدول عدلک جمعی اولدیگی جهته هیئت عدول عادل آدملردن مرکب بر هیئت دیمکدر . هیئت مذکوره ناک وجه تسمیه سی هر نه اولورسه اولسون بزه لازم اولان شیء انک ماهیتی ندن عبارت اولدیگی بیلیمکدر . لکن بونک ماهیتی ایجه بیلیمک ایچون اول امرده جنسایت محکمه لرینک صورت تشکله دائر بعض معلومات مجمله اعطاسی لازمکلور . برده محاکم جنسایت تشکیلاتی هر ملکته نسق واحد اوزره اولدیغندن ممالک غربیه تشکیل محاکم قانونلرندن هانکیستی اساس اتخاذا ایدرک هیئت عدول حقهنده معلومات ویردیگمزی تعیین ایتک اقتضا ایدر . ترکیا اصول محاکمه جزایه قانونی فرانسه اصول محاکمه جزایه قانونندن اقتباس اولنش اولدیغندن اشبو مقاله ده اول امرده فرانسه تشکیل محاکم و اصول محاکمات جزایه قانونلرینه توفیقاً بیان معلومات ایتکلکی وایلروده هیئت عدولک مهد ظهوری اولان انکلتزه قانوننه موافق اوله رق دیگر بر مقاله یازمقلقی مناسب عد ایتدم . شمدی موضوع بحثه نقل کلام ایدم : فرانسه ده محکمه جنسایت هیئت حاکمه ایله هیئت عدولدن مرکب اولمق اوزره ایکی جزؤدن تشکیل ایدر . هیئت عدول متهمک مجرمیت و عدم مجرمیته قرارویرر هیئت حاکمه دخی فعلک استلزام ایتدیکی جزایی ناطق اولان ماده قانونیه یی تطبیق ایدر محکمه مذکوره مجازات ترهیبیه و ترذیلیه یی مستلزم اولان بالجله افعالی و آنلرک نتایجندن بولنان تضمینات دعوالرینی رؤیت ایدر و آنک وظیفه اصلیه سی بودر فقط مستتی اوله رق جنحه درجه سنده کی مطبوعات جرائمیه جرائم سیاسیته ناک محاکمه سی دخی اکا محولدر . فرانسه ده محکمه جنسایت بزرده اولدیگی کبی دائمی بر محکمه اولیوب انجق هر اوچ آیده بر دفعه استیناف رئیس اولنک امریه ولایت مرکزنده اون بش کوندن زیاده دوام ایتساک اوزره اجتماع ایدر . ایشلرک کثرته نظراً استیناف رئیس اولنک امریه فوق العاده اوله رق اون بش کونی تجاوز ایتساک اوزره مذکور اوچ آی ظرفنده بر کره ده اجتماع ایده بیلور . فقط پارس محکمه جنسایتی هر اوچ آیده اون بشر کون دوام ایتک اوزره بش دفعه اجتماع ایتکده در . محکمه مذکوره یی تشکیل ایدن هیئت حاکمه استیناف اعضاسندن اولمق اوزره عدلیه ناظری طرفندن منتخب بر رئیس ایله مرکز استیناف اولان ولایتلرده استیناف اعضاسندن و مرکز

استیناف اولیان ولایت مرکزنده بدایت محکمه سی اعضاسندن اولق اوزره مدعی عمومی بعدالاستماع استیناف رئیس اولی جانبندن انتخاب اولمش ایکی اعضادن مرکبدر.

مرکز استیناف اولان بلدهده استیناف مدعی عمومی ویاخود معاونلرندن بری واستیناف مرکزی اولیان ولایت مرکزلرنده بدایت مدعی عمومی ویاخود معاونلرندن بری محکمه جنایتده مدعی عمومیک وظیفه سنی ایفا ایله مکلفدر هیئت عدول دخی اوچ ایلچون تنظیم اولمش اولان دفترده اسامیسی محرر عدول میانندن منتخب اون ایکی کشیدن عبارت اولوب هیئت حاکمه نك صول طرفنده مدعی عمومی به محاذی اوله رق اخذ موقع ایلر.

هیئت عدوله داخل اولق ایچون اولا فرانسه تابعیتده بولمق ثانیاً اوتوز یاشنی اکال ایتمش اولق وئالاً حقوق مدنی و سیاسیه دن محروم بولنماق شرطدر.

شرائط مذکورده بی جامع اولقله برابر اولا مجازات تهریه و ترضیه و یاخود یالکز مجازات ترضیه به محکوم اولان کمنهلر ثانیاً قانوناً جنایاتدن معدود اولان افعالن طولانی مجازات تأدیه به دوچار اولانلر نالاً ایقلرینه کله تعلیق و یاخود خدمات عمومی به محکوم اولان عسکرلر رابعاً لاقلاً اوچ آی مدته حبس جزاسنه محکوم ایدیلان کمنهلر خامساً سرق و طولاندریجیلق و امنیت سوء استعمال و اشیای امیریه محافظلری طرفندن ارتکاب ایدیلان اختلاس و مزاحجه جیلق فعللرندن و اخلاق عمومی و اصول دینی و اصول تملک و حقوق عائله به تجاوز و سرسریلک و یاخود تسئل جرملرندن طولانی مدتی قدر اولور ایسه اولسون علی الاطلاق حبس جزاسنه محکوم ایدیلان اشخاص و افعال جنایه ارتکاب ایتلرندن طولانی غیاباً اتهام و یاخود محکوم ایدیلان کسان سادساً مأموریتندن عزل ایدلمش اولان مقاولات محررلری ضبط کاتبلری و مباشرلر سابقاً کرک فرانسه محاکمی و کرک محاکم اجنبیه طرفندن اعلان افلاسنه قرار ویریلوب اعاده اعتبار ایتیان مفلسلر نامناً جزا قانونی احکامنجه هیئت عدوله داخل اولق صلاحیتی کندیلرندن ترع اولتان کمنهلر تاسعاً موقت و یا غیر موقت توقیف مذکورده سی موجبجه موقوف بولنان کسان عاشرأ برجرم سیاسی و یاخود مطبوعات جرایمندن معدود اولسه بیله هر هانکی برجرم ایچون اولور ایسه اولسون اندن طولانی اوچ آیدن اکسیک حبس جزاسنه محکوم اوله رق تاریخ حکمندن اعتباراً بش سنی اکال ایتماش اولان اشخاص و عادی عشر بالجله محجورین ایله آیلقلی خدمتکارلر هیئت عدوله داخل اولق صلاحیتی اصلاً حائز دکلدلر.

بولندن ماعدا بعض کمنهلر دخی حائز اولدقلری صفت رسمیه به نظراً عدول عدادینه داخل اوله مازلر ایسه ده خدمت و مأموریتلری ترک ایتدکلری حالده عدل اولق صلاحیتی احراز ایده بیلورلر. بنساء علیه مبعوثان و وکلا و شورای دولت و دیوان محاسبات اعضالریه مستشارلر و نظارت تحریرات مدیرلری و والی و متصرفلر و ولایت مکتوبجیلری و مجلس اداره اعضایی و محکمه تمیز و استیناف و بدایت رؤسا و اعضالری و صاحب حاکمیری و امنیت عمومی مدیری و پولیس قومیسرلری و دولتجه مصدق مذاهب پاپاسلری علی العموم

عسا کر موظفه کرک اورمان تاغراف مأمورلری و نواحی مکاتب ابتدائیه سی معلملری قاعده هیئت عدول دفترینه ادخال ایدیله منزل.

بولنلر بشفه برجرمک تحقیقات ابتدائیه سنی اجرا ایدن پولیس مأمورلری ایله بر دعواده شاهدلک و یاخود ترجمانلق ایدن و یا اهل خبره وظیفه سنی ایفا ایلان و یاخود مدعی شخصی و یا مشتکی صفته بولنان کمنهلر عین دعواده عدول صفته بولنه مازلر.

هیئت عدوله داخل اوله رق ایفای وظیفه ایده بیلیمک استطاعته محتاج اولدیغندن یتمش یاشنده بولنان کمنهلر ایله همیشه یومیه سنی کدیمیلر استحصا ایدنلر وسنه جاریه و یا سابقه طرفنده عدل خدمتی ایفا ایتمش اولانلر خدمت مذکورده دن معفو طوتیلورلر.

عدولک صورت انتخابه کلنجه هر ولایت ایچون بشوز نفوس ذکور و انانه مقابل بر عدل تعیین اولنور. شو قدرکه هر ولایتده عدد عدول درتیوزدن اکسیک و آلتیوزدن یوقاری اوله ماز. انجق پارس ولایتک عدد عدولی اوچ بیکدر اشبو عدد نفوس دفاتر رسمیه سنه نظراً و نسبت قاعده سنه توفیقاً قضا و لوالر اوزرینه توزیع اولنور و بوتوزیع هر سنه حیزراندن ولایتده قومیسون مخصوصک و پارسده ولایت مجلس عمومی دیوان ریاستک مطالعه سی استماع اولندقدن صکره والی و ولایتک امریه اجرا قیلینور. پارسده اشبو توزیع خصوصی دوائر بلدییه ایله محلات بیننده اجرا اولمقددر. والی و ولایت توزیع امرنامه سنی قضا صالح حاکمه ارسال ایتدیکی صروده سنه حالیه و سنه سابقه طرفنده اسملرینه قرعه اصابت ایتمش اولان عدولک اسامیسی دخی بیلدیرر. هر سنه طرفنده استخدام اولنه حق عدولک اسامیسی مین بردفتر تنظیمی جمله احکام قانونیه دن اولوب اشبو وظیفه نك ایفای ایکی قومیسونه تودیع اولمشدر. بواکی قومیسونندن برنجیسی مرکز قضاده اجتماع ایدرک بردفتر اعدادی تنظیم ایدر. ایکنجی قومیسون مرکز لواده اجتماع ایدرک مذکور دفتر اعدادی بی تدقیق و عدل اولق صلاحیتی حائز اولمیلان کمنهلری اخراج و شرائط لازمه بی جامع اولانلری قید ایدرک نصفیه ایتدکدن صکره دفتر قطعی بی تنظیم ایلر. مرکز قضاده اجتماع ایدن قومیسون صلح حاکمه ملازملرندن و داخل قضاده ایفای وظیفه ایدن بالجله نواحی مدیرلرندن مرکبدر. بوقومیسونک تنظیم ایتدیکی دفتر اعدادی قضانک عدد نفوسنه نسبتله تعیین اولتان عدد عدولک ایکی مثلی احتوا ایدر پارسده هر محله نك دفتر اعدادیسی دائرة بلدییه داخلنده کی صلح حاکمی و یاخود وکیل اولان اعضا ملازمنک تحت ریاستنده اولق اوزره دائرة بلدییه رئیس و یاخود معاونی و محله جه منتخب بلدییه اعضایی ایله بواوچ ذات طرفندن منتخب وسنه سابقه طرفنده اسامیسی دائرة نك دفتر عدوانه داخل و محله ده مقیم درت کمنه دن مرکب بر قومیسون طرفندن تنظیم اولنور.

لوا مرکزنده کی قومیسونلر بدایت محکمه سی رئیسک و یاخود اکا وکالت ایدن اعضانک تحت ریاستنده اولق اوزره هر قضانک صلح حاکمی ایله مجلس عمومی و ولایتک لواجه منتخب اعضاسندن متشکلدر.

پارسدہ مذکور قومیسین ہر دائرہ بلدیہ ایچون پارس بدایت محکمہ سی رئیسندن ویاخود طرفندن تعیین اولمش برحاکدن و دائرہ نک صلح حاکمیلہ ملازملرندن و بلدیہ رئیسیلہ بلدیہ اعضاسندن درت ذاتدن ترکیب ایدر .

لوا قومیسین بدایت محکمہ سی رئیس طرفندن وقوعبولان دعوت اوزرینہ مرکز محکمہ اولان بلدهده اجتماع ایدرک قضا قومیسینولرینک انتخابایتدیکی کسانک شرائط لازمہی جامع اولوب اولمادیغنی تدقیق وقضا قومیسینولری جانبندن اسامیسی دفتراعدادیہ ادخال ایدلماش اولان اشخاصی دفترقطعیہ ادخال ایدہیلور . شوقدرکہ اسامی مذکورہنک عددی قضا ایچون معین اولان عدد اسامینک ربعی تجاوز ایدمز . بوندن بشقہ اشبو قومیسین والی ولایت طرفندن ہرقضا ایچون عدد نفوسہ نسبتلہ تعیین اولنان مقداری تزیید بوتنقیص صلاحیتہ دخی مالک ایسہدہ تزیید وتنقیص خصوصلری مقدارمذکورک ربعی تجاوز ایدہمیہجکیکی لویاہ مخصوص اولان عدد عدولی دخی تعدیل ایدمز . قومیسینونک قرارلری اکثریت آرا ایلہ اتخاذاولنور تساوی وقوعندہ رئیسک رأی غلبہ ایدر .

برسنہیہ مخصوص اولمق اوزرہ تنظیم اولنان دفتر مذکوردن بشقہ محکمہ جنایتک محل اجتماعی اولان بلده اہالیسندن اولہرق ہرولایت ایچون الی وپارس ایچون اوچوز کشیلک بردہ علاوہدفتری تنظیم اولنور . وبونی محکمہ جنایتک محل اجتماعی اولان لوا قومیسینو ترتیب ایدر .

ہرولایت مرکزندہ محکمہ جنایت ہراوچ آیدہ بردفہ محکمہ استیناف رئیس اولنک امریلہ اجتماع ایتکدہ اولدیغندن انک اجتماعندن اون کون مقدم محکمہ استیناف رئیس اولی ویاخود استیناف محکمہ سی بولنمیان ولایتلردہ محکمہ بدایت رئیس اولی ہیئت محکمہ ومدعی عمومی وضبط کاتبی حاضر اولدقلری حالہ مذکور اوچ آی ظرفندہ ہیئت عدولہ داخل اولہیلہجک اوتوز الی ذاتک اسامیسی برسنبہیہ مخصوص دفتر قطعیدہ اسامیسی مندرج کمنہلردن اولمق اوزرہ صورت علینہدہ قرعہ کشیدہسیلہ تعیین ایلر . وبوندن بشقہ انفابیان اولنان علاوہ دفترندن درت کشینک اسامیسی ینہ قرعہ ایلہ تقریق ایدر . درت کشی عدول میانندہ معذرتلری وقوعہ کلانلرک یرینہ اقامہ اولمق ایچوندر .

اوتوز الی عدول ایلہ درت نفر عدول ملازملری شووجہلہ بالانتخاب دفترلری تنظیم اولندقدن صوکرہ محکمہ جنایتک عدولک احوالی تدقیق ایچون وقوعبولہجق اجتماعندن سکز کون اول یوم اجتماعدہ حاضر بولملری لزومی ناطق اولہرق کندیلرینہ ورقہ دعوتیہ تبلیغ اولنور . دعوتہ اجابت ایتیان عدولدن برنجی دفعہسندہ ایکیوز فراغندن بشیوز قرانغہقدر وایکنجی دفعہسندہ بیک فرائق واونجی دفعہسندہ بیک بشیوز فرائق جزای نقدی آلنور . وپردہا ہیئت عدولہ داخل اولمق حق کندیسندن رفع اولنور .

محکمہ جنایتک یوم اجتماعندہ اوتوز الی عدول ودرت نفر عدول ملازمی معین اولان ساعتدہ محکمہدہ حاضر بولنغہ مجبور اولوب ضبط کاتبی بولنلرک اسامیسی حاوی دفتری قرائت ایدرک برر برر محکمہ

حضورینہ چیقارلر . بولنلردن معفویت ومعذرت درمیان ایدنلرک اسباب معفویت ومعذرتلری تدقیق وکیانلر واریسہ حقلمندہ جزای نقدی حکم اولنور . بوندن بشقہ محکمہ سنہلک دفترندن وفات ایدن ویاخود عدل وظیفہسینی ایفایہ مانع اولہجق براموریت دائمہ ایفا ایتکدہ بولنان وقابل شفا اولیہجی تحقق ایدن برخستہلغہ گرفتار اولان اشخاصک اسامیسی ترقین ایدر . خستہلقلری ویاخود موانع سائرہسی موقت اولدیغنی اکلاشیلان اشخاصہ کلنجہ بولنلرک اسامیسی یالکیز اوچ آیلق دفترندن اخراج اولنور شوایکی نوع اشخاصک اسامیسی دفترندن اخراج اولنمسندن طولانی بالادہ بیان اولندیغنی اوزرہ قرعہ کشیدہسیلہ تعیین اولنان عدولک عددی اوتوزدن اشاغی تنزل ایتدیکی صورتدہ محکمہ عدل ملازملرندن ایجاب ایتدیکی قدر اشخاص دعوت اولنہرق عدد مذکورک اکال اولنمسنہ قرار ویرر . اگر بالجلہ عدل ملازملری دعوت اولندقدن صوکرہ عدد عدول ینہ اوتوزدن اکسیک قالور ایسہ عدد مذکورک اکال ایچون علاوہ دفترندہ اسامیسی محرر کمنہلردن اولمق اوزرہ یکیدن قرعہ کشیدہسیلہ بشقہ عدللر انتخاب وہراوچ آی ائناسندہ خستہلق وموانع سائرہ ظهورندن ناشی عدولک عددی اوتوزدن اشاغی تنزل ایتدیکی حالہ بوصورتلہ معاملہ اولنہرق عدولک مقداری عدد قانونیسنہ ابلاغ اولنور واکال عدد عدول ایچون بوصورتلہ جلب اولنان کمنہلر سنین سابقہدہ عدل خدمتی ایفا ایتمش اولدقلرندن بشلہ معفویت طلبندہ بولندقلری حالہ اشبو ادعالری مسموع اولماز .


مذکور اوچ آیلق دفتر بالادہ تعریف اولندیغنی وجہلہ تنظیم ومعاملات واقعہی مین ضبط ورقہسی رئیس ایلہ ضبط کاتبی طرفندن امضا اولندقدن صوکرہ ایجابندہ ہیئت حاکمہ مذاکرہ اوطنہسنہ ویاخود ہیئت عدولہ مخصوص اولان اوطنہ داخل اولدقدن ویاخود محاکمہ صالونندن سامعینی اخراج ایتدکدن صوکرہ محاکمہ اشتراک ایدہجک اولان اون ایکی نفر عدولک انتخابیلہ اشتغال ایدر بوندن بشقہ ہر برایش ایچون محاکمہنک کشادن اول رئیس محکمہ معذور ومعفو اولمیان عدول ایلہ متہم وکیل ومدعی عمومی ایلہ ضبط کاتبی حاضر اولدقلری حالہ بروجہ آتی معاملہ انتخابہ ایتدار ایلر . شویلہ کہ اول امردہ متہملرک ہوییتی تحقیق ایچون اسملرینی سؤل ایتدکدن صوکرہ ضبط کاتبی اوچ آیلق دفترندہ اسامیسی داخل بولنان عدللرک اسملرینی اوقویہرق برربرر چاغیرر وعدولدن ہر برینک یکان یکان ورودنی متعاقباً اسمی مقوادن یایامش اوفق برقارت اوزرینہ ویاخود تحتہدن معمول بریاض یوارلاق اوزرینہ تحریر اولنہرق مذکورقارت ویاخود یوارلاق رئیسک یدیلہ برقوانوز ایچروسنہ اتیلور . اشبو معاملہ اتمام اولندقدن ورئیس محکمہ طرفندن اسمنہ قرعہ اصابت ایدن عدولدن دردر نفرینی اسباب موجبہ بیان ایتکسزین رد ایتکہ صلاحیتلری اولدیغنی متہمہ ومدعی عمومیہ اخطار اولندقدن صوکرہ رئیس مومی ایلہ حکمہ مأمور اولہجق اون ایکی نفر عدولک اسامیسی حاوی قارتلری ویاخود یوارلاقلری یکان یکان قوانوزک ایچروسندن چکوب چیقاریر وعدولک اسامیسی قوانوزدن چیقندجہ متہم وکیل ومدعی عمومی انلری رد ایدہیلورلر . فقط متہم درت نفری تجاوز ایتماک اوزرہ قاچ عدل رد ایتمش ایسہ مدعی عمومی دخی اوقدر عدل رد ایدہیلور . مع ذلک اوچ آیلق

دفترده اسامیسی محرر عدولک عددی فردایسه متهمدی عمومیدن فضله اولهرق بر نقر عدل دهارد ایده بیلور . متهملر متعدد اولدقلری تقدیرده رد ایده جکلری عدول حقنده اتقاق ایده بیلورلر . ویاخوده بری ایری ایری ایستمدکلری عدولی رد ایده بیلورلر ایسهده رد ایده جکلری عدولک عددی هیچ بروقت یالکز برنقر متهملر ردایده بیلجکی مقداری تجاوز ایده مز . اگر متعدد متهملر عدولک ردی خصوصده اتقاق ایده مز لر ایسه رد عدول خصوصده رعایت ایده جکلری صره قرعه ایله تعیین اولنور و بو حالده متهملردن هر بری طرفندن رد اولنان عدل درت ویاخود بشه قدر دیگرلری طرفندن دخی مردود عد اولنور . و برده متهملر رد عدول صلاحیتک برقسمی اجرا خصوصده اتقاق و متبایسنی انفاً بیان اولدینی اوزره قرعه ایله رد ایده بیلورلر . مردود اولیان اون ایکی نفرک اسامیسی قوانوزدن چیقیدینی کی هیئت عدول تشکل ایتش عد اولنور . و اندن صکره رد عدول ادعاسی مسموع اولماز . اسمی قوانوزدن ایلك دفعه چیقتمش اولان عدل هیئت عدوله ریاست ایتک وظیفه سیله مکلف ایسهده عدول مرقومه ریاسته ایچلوندن دیگر برینی انتخاب ایتک حقی حائردرلر . بو باده اسمی قوانوزدن برنجی اولهرق چیقانک استحصال رضاسنه لزوم یوقدر . قرعه معامله سنک ختامی متعاقب ضبط کاتبی معاملات واقعینی مبین برقطعه ضبط ورقه سی تنظیم ایدر واشبو ضبط ورقه سی کندیسيله رئیس جانبندن امضا اولنور . ایشته هیئت عدول بالاده بیان اولنان صورتله تشکل ایدرک هیئت حاکمه نك صاغ طرفنده اخذ موقع ایلر و محاکمه نك اجراسی منحصرأ رئیس محکمه یه عائد اولوب هیئت عدول بوکا اصلا مداخله ایده مز . دول غربیه جنایت محکمه لرنده هیئت حاکمه ایله هیئت عدولک نه صورتله ایضای وظیفه ایتمکده اولدقلری بحثه کلنجه بو باده اعطاسی لازمکلان ایضاحات اشبو مقاله نك پک زیاده اوزامسنی ایجاب ایده جکسندن انی ایکنجی بر مقاله ده بیان ایتکلکی وعد ایله بو دفعه لق یالکز محکمه جنایتی ترکیب ایدن هیئت حاکمه ایله هیئت عدولک صورت تشکلنی بیان ایله اکتفا ایدیورم . یوقاریده کچن ایضاحاتدن اکلاشیلورکه هر برجنایت دعواسی حقنده حکم اعطاسی طرفینک اولجه بیلوب کوریشملری و حقارنده اعمال نفوذ و قوه مؤثره اجراسی قابل اوله میان وانجق محاکمه یه باشلامزدن بش ، اون دقیقه اول انتخاب اولنان اون ایکی کمنه یه تودیع اولنهرق اکثریا محاکمه برکون ظرفنده اجرا واکال لازم کلان حکم قانونی اعطا اولنور حالبوکه وقتيله ایش بو مرکزده دکل ایتش . (۱۹۷۳) تاریخنده فرانسه ده حکم فرما اولان حکومت مدهشه زماننده جنایتله متهمدون بر نفرک محکمه جنایتده لزوم محاکمه سنه قرار ویرلمش ایسهده حبسخانه مدیری بونلردن اون برنجیسنی حضور محکمه یه چیقارمقلنی اونوتمش اولدیغندن یالکز اون نفرک محاکمه سی اجرا اولنوب او تاریخلرده اک خفیف جزا عد اولنان اعدام جزاسنه محکوم ایدلمش لر مؤخرأ حبسخانه مدیری سهو واقعی اکلایهرق حاضر مده قالدیغنه کوره فوکه اسمنده کی مدعی عمومی یه ایشی اکلاتمش مدعی عمومی دخی مومی الیه خطاباً ادم سنده دوشوندیکک شیه باق انلرک اون بریده ذاتاً قبل المحاکمه اعدامه محکوم ایدی جمله سنی ده جلاده تسلیم ایت دیمش بناء علیه

دول غربیه ده انجق هیئت عدول تشکیله اجرای عدالت تأمین اولنه بیلمشدر . فقط هیئت عدول تشکیلی ایچون بر مملکت خلقنک محاکمه و حکم نه صورتله اجرا اولنه جقنی اکلایه جق قدر سویه عرفانی یوکسک اولمیدر . بویه اولمدینی حالده بو تشکیلاتدن موضوعنک نقیضی ظهوره کور .

محکمه تمیز جزا رئیس

عنه



اسباب نقضیه

— اون طقوزنجی نسخه دن مابعد —

۲۸۷نجی ماده احکام مندرجه سنه نظراً یازی یازمق بیلیمان صاغر و دلسز متهمدون وشاهد لر مبادله افکاره ووقعه جرمیه نك استفهام وافهامنه اک زیاده الفت و ملکه سی اولان بر مناسی رئیس طرفندن رأساً ترجمان افکار تعیین اولنور .

بو ترجمان لسانک صورت انتخابنده ماده سابقه موجبجه لازم اولان شرائط قانونیه صاغر و دلسزک ترجمانی حقنده دخی مرعیدر . بعض مؤلف لر انجق بونلره تعیین اولنه جق ترجمانک یکریمی بر یاشی اکال ایتش بولمنی مشروط اولیوب هر نه سنده اولور ایسه اولسون رموز و اشارات وایهامات مخصوصه ایله مبادله افکار ومقاصدا یله استحصال حقیقه مقتدر اولسنی ویا لکز یمین ایده جک برسند بولمنی کافی عدایدیورلر . اگر صاغر و دلسز اولدینی ظن اولنان متهمدون ارباب فن واختصاصک معاینه سیله دلسز و صاغر اولمدینی نین ایدرسه محاکمه نك شفاهاً جریانی محکمه طرفندن امر اولنه بیلور .

ابکم و اصم اولان متهمدون وشاهد لر حقنده ماده مشروحه ده تعیین اولنان شرائط ومعاملاتک عدم اجراسی محکمه تمیزک قرار یله نقض حکمی مستلزم اسباب قانونیه دندر .

اشبو ماده قانونیه موجبجه اصم و لال و ابکم اولان متهمدون وشاهد لر ایچون تعیینی مقتضی اولان ترجمانک ماده سابقه حکمنجه محکمه اعضاسیله شاهدلردن انتخابی حالنده موجب نقض اولورکه معاملات محاکمه کائن لم یکن عد اولنور .

۲۸۸نجی ماده ده مسطور اولان احکام قانونیه یه مغایر صورتده حرکت وقوع بولورسه ویریه جک حکمک نقض اولنه جغه دائر صراحت اولمادیغندن تهمت واقعه ده اک زیاده ذی مدخل اولان کیمسه اولوبده انک اول باول استجوابی حالنده حقیقت ماده نك ظاهره اخراجی آسان اولیه جغه رئیس محکمه ذاهب اولورسه اندن بدأ ایله اجرای استجوابه باشلامیوب ایستدیک صورتده تدویر محاکمه ایده بیلور . شوقدرکه محاکمات علنیه نك

تفريق جرائم وتقسيم مسائل قاعدة اساسيه سنه توفيقاً ترتيب وانتظام قانونیسی دائره سنده جریانی لازمه دندرکه اولبايده اصول محاکمه نی اخلاص واشکال ایده جک یولسز ونظامسز احوال وقوعی اسباب نقضیه دندر .

بناءً علیه برجرمدن طولانی اشخاص متعدده علیهنده تنظیم اولنان اتهامنامه لک برلشدرلمسی ومتمهلردن برینک ویا بر قاجنک اول باول محاکمه ایدلمسی حقننده ۲۶۱ نجی و ۲۶۲ نجی مواد قانونیه ده مدعی عمومی به ویریلان حق مطالبه نك اشبو ماده ده تنسیق محاکمه ده دائر بیان اولنان احوالده دخی لزوم استعمالی بدیهیدر .

۲۸۹ نجی ماده نك تصریحانندن مستبان اولورکه مدعی عمومی حقوق شخصیه مدعیسی کی متهمک شخصاً خصمی دکلدر انحق حقیقت حالک ظاهره أخراجی ضمننده حقوق عمومییه نك تمامی محافظه سنه واحکام قانونیه نك حسن جریاننه مأمور اولدیغندن واقع اوله جق ادعاسنك حقیقت حالدن سرمو انحراف ایتسی جائز اوله ماز .

مدعیات واقعیه نك اصول وقانونه استنادی لازمه دندر . مدعی عمومی نك ادعاسی استماع اولندقدن صکره رئیس محکمه لزوم کوررسه شاهدلردن استیضاح ماده ایده ییلور . ومدعی عمومی آنک اوزرینه ایسترسه تکرار ادعاده بولنور .

متهمک صوک دفعه اوله رق جواب ویرمک اوزره اشبو ماده موجبجه درکار اولان حتی یالکز ذات دعویه منحصر اولنیوب مسائل حادثه حقننده دخی صوک جواب کندوسنه عاڈدر . مدعی عمومی نك تهمت واقعیه نی تأیید ایده جک دلائلی تصریح وبوکا قارشى متهم و وکیلنک نه سوبلدکلری تعداد وتوضیح ایدلماش اولسی مستلزم نقضدر .

مدعی شخصی اثنای محاکمه ده بولندیرلمش اولدیغنی حالده حقوق شخصیه جهتی حقننده طلب وادعاسنک استماع قلمامسی منقوضیتی ایجاب ایدر .

چونکه مدعی شخصی طرفندن طلب ودعوا وقوع بولمادیغنی حالده حکمده سبق دعوانک مشروطیتی قاعده اساسیه سنه بناءً مصارف جراحیه وایام معطله کی اجوراته حکم ایدله مز . ایام معطله اجر مثلنک ایسه ارباب وقوفه تعیین ایتدیرلمسی لازم کلور .

حتی اشخاص مظنوننه دن بیله شهادتنامه ارسالله خسته لکنی بیلدیرنلرک یوم محاکمه لرینک اقامتگاهلرنده طیب بولندیغندن طولانی وقت اخره تعلیق مقتضی ایکن شوحق قانونیلرینک اخلاص ایدلمسی وقبل الاستجواب حاضر بولنمیان مظنونلرک اوصاف واشکالنک استیضاح واستفساریله دیکرلردن تمیز ایده جک صورته هویتلرینک شهوده تعیین وتصریح ایتدیرلمکله برابر حین رؤیتده تشخیص ایده جکلرینی بیان ایتدکلری اشخاص مظنونه میاننده حاضر بالحاکمه اولان مظنونلرک موجود اولوب اولمقلرینک استفساری لازم اولدیغنی حالده شو امر مهم قانونیه رعایت ایدلماشنی مستلزم نقض اولور .

مدعی عمومی ایله مدعی شخصی ومتهم صرسته سیله بالاستجواب محاکمه جریان ایتدکدن واستیضاح اولنه جق برنقطه قانونیه قلمدیغنی ا کلاشلدقدن صکره رئیس محکمه محاکمه نك ختام بولدیغنی تفهیم ایدر .

مع مافیه ختام محاکمه دن صکره بعض مامالاتک اجراسندن ذهول وقوعبولدیغنی رئیس محکمه کورمش اولور ویاخود برشاهد افاده واقعیه سنی مؤخرأ تصحیح ایتک طلبنده بولنور ایسه رئیس محکمه تکرار محاکمه نی اچه ییلور . شاید تکریر محاکمه ده مدعی عمومی ویا متهم ممانعت ایتک ایسترلسه بوندن تولد ایدن مسئله حادثه محکمه جه حل اولنق لازم کلور .

اشبو ماده قانونیه نك فقره اخیره سی حکمنجه اک صکره سوز سوبلک یعنی اتهام اولدیغنی فعل جرمدن تبریه ذمت یولنده مدافعه ایتک حتی متهمه عاڈ اولدیغنی کی متهمک ادعا اولنان فعلی مرتکب اولدیغنه دائر ۲۹۰ نجی ماده ایجابجه قرار ویرلدیکنی متعاقب مدعی عمومی طرفندن اعطا اولنه جق تعیین مجازات ادعا نامه سنده کوستریلان درجه جزای مدافعه ایتک ایچون کذلک بردیجکی اولوب اولمقلرینک متهمدن سوآلی ۲۹۷ نجی ماده احکامندن بولنمسنه نظراً طوتیلان محاکمه ضبطنامه لرنده بوکی مدافعات قانونیه جهتلیرنه اصلا رعایت ایدلماشنی ومدافعه قانوناً متهمه ویرلمش برحق اولوب کندوسنک اوحدن استفاده ایتدیرلمامسی ۳۱۴ نجی ماده ایجابجه نقض حکمی مستلزم اولان اسباب اساسیه قانونیه دندر .

اصول محاکمات جزائییه نك اشبو ۲۸۹ نجی ماده سی اقتضاسنجه شاهدلرک استماعندن واولبايده جریان ایدن سوآل وجوابدن صکره هر حالده اک صکره سوز سوبلک حتی متهمه ویاخود وکیلنه عاڈ ایکن مدعی شخصیاره سوبلادیریلوب محاکمه ده ختام ویرلمش اولدیغنه و بو ایسه حق مدافعه ده تعلق اولان معاملات اساسیه ده مغایر بولندیغنه بناءً اولبايده کی اعلامات حکمییه نك نقضی محکمه تمیزک جمله مقرراتندندر .

دعاوی جنائییه ده متهمک نه سوبلدیکنک ضبطنامه واعلامده تصریح اولنماشنی وشایان قبول اعتراضده بولندیغنی بیانیله اکتفا قلمسی ومدافعه وکیلنک سوبلادیرلمامسی ومجرمیت وتعیین مجازات قرارلردن طولانی متهم ونده وکیلنک اصلا استجواب اولنماشنی ومحاکمه نك ختامندن اول رأی احساس ایتدیرن حکامک مذاکره ده داخل اولسی کی احوال نقض اعلامی استلزام ایدرکه بوکا دائر محکمه تمیزدن ویریلن قرار اسباب آتییه مبتنی ایدی :

مجرمیت قرارندن اول اشبو ۲۸۹ نجی ماده موجبجه قانونک متهمه بخش ایلدیکی صوک حق مدافعه نك ایفا قلمدیغنی ذکر اولنش ایسه ده بوکا قارشى متهمک نه سوبلدیکی تصریح اولنیوب مبهم عباره ایله شایان قبول اعتراضده بولندیغنی بیان قلمش ومدافعه وکیلی دخی بوبابده هیچ سوبلادیرلمیه رک حکم واقعک اعطا قلمدیغنی اکلاشلمش اولدیغنی کی تعیین مجازات قرارندن طولانی متهم ونده وکیلنک اصلا استجواب اولمقلری حکم اعلامی مطالعه سندن مستفاد اولسنه وعلی الخصوص ۲۸۰ نجی ماده موجبجه مجرمیت قراری ویرلزدن یعنی محاکمه نك ختامی طرف ریاستدن تفهیم ایدلزدن اول متهمک ماده جرمیه ده مدخلی اولدیغنی اکلاشیلدی

ذمينده محاکمه به ختام ويرلديكي اعلام مذکورده محرر اولوب بويله ۲۸۹ نجی ماده ایجابجه محاکمه نك ختامندن اول رأي احساس ايتديرن حکامك اعطای قراردن سقوطی جمله احکام قانونیه دن بولنسنه واحوال مبسوطه ایسه ذاتاً اساس محاکمینی محل اسباب نقضیه دن کورنسنه بناءً ۳۱۴ نجی ماده موجبجه اعلام جنائینك نقضه قرار ويرلدى .

محكمة تميز اعضا سندن

طلعت

بداية صادر اولان احکام جزائیه علیه استیناف دعوی وقوعنده

مراعات اولنسی لازم کلان بعض معلومات

استیناف دعوی یالکیز مدعی شخصیلر طرفندن وقوع بولور ایسه استیناف استدعایه سنک مدت قانونیه سی ظرفنده مرجع قانونسنه خطاباً تحریر و تقدیمیه برابر استیناف ایتدیکی حکمی حاوی اعلام ابتدائی دخی خرج نظامیسنی اعطا ایدرك بالاخذ استیناف استدعایه سنه ربط ایتسی اصول مقررده دن اولغله استیناف استدعایه سی بدایت محکمه سی قلمنه ویرلمش ایسه باشکاتک اصول محاکمات جزائیه قانوننك ۱۸۹ نجی ماده سنده تعیین اولنان اوچ کون مدت ظرفنده اوراق مفردات پوصله سیله بدایت مدعی عمومیلکنه با ذمت تودیپی و مدعی عمومیلکدن دخی حکم ابتدائی مطالعه سنه مخالف اولسه بیله حقوق شخصیه جهتی استینافه صالح اولمديغندن بوبابده برکونا بیان ادعایه حاجت اولمقسنین اوراقی استیناف مدعی عمومیلکنه تسبیار و بوساطتله استیناف محکمه سنه سوق ایدیلوب استیناف مدعی عمومیسی تودیع نامه سنده صورت استیناف و مندرجات اعلامه نظراً بعض مطالعات ده بولنه بیلور . یالکیز بر استیناف استدعایه سی مرجعه بالتقدیم قید ایتدیره رك صاووشان مدعی شخصیلرک بواسطه الری نه اوله جقدر ؟ استیناف محکمه سی ریاستندن استیناف استدعایه سی ظهرینه « اوراق دعوانك جلی ضمنتده مدعی عمومیلکه » دیو یازیلان اشارت اوزرینه بدایت محکمه سی باش کاتبی بر اعلام بر ضبط نامه صورتی تنظیمنه مجبوریت قانونیه سی اولمديغندن بواشارت اوزرینه یالکیز اوراق متفرعه نی کوندروب استیناف محکمه سی مدعی شخصی نی عندالحاکمه تدقیقات استینافیه اجراسیچون اعلام ابتدائی ابرازینه مکلف طوملی و امتناع ایلدیکی تقدیرده خرج تعرفه سنک الی التجی ماده سی حکمنه مطاوعته مجبور ایتلیدر . چونکه ؛ استینافاً حقوق شخصیه دعوا سنده بولنان بر شخصك مخالف قانون کوردیکی براعلامی دخی تقدیم ایتسی طبیی اولوب بویله بر دعواده بولنان بر شخصك اعلامی ، ضبط نامه سی دولت مأمورلرینك ایفاسنه یتشه مدکبری بونجه وظائفي میاننده تنظیمنه نهدن مجبور

اولسون . شو صورتده محکمه رئیس و مدعی عمومیلرک وظیفه لری اوراق دعوانك نقصان اولیه رق و مدت قانونیه سی ظرفنده مرجعه سوقندن عبارت قالور .

مستأنف جزاء محکوم علیه اولانلر ایسه بولنده یا بر شخص اولور یا خود بردن زیاده بولور . و بوحکمه یا وجاهی اولور یا خود غیابی اولور . و یا قسماً غیابی قسماً وجاهی اولور . حکم وجاهی اولوبده هر بر محکوم طرفندن استیناف دعوی وقوع بولمش ایسه بوسورتده اوراق دعوانك اعلام و ضبط نامه سیله مدت قانونیه ظرفنده سوق اولمقندن باشقه جالب دقت برشی اولمديغندن بوسورتدن بحثه حاجت یوقدر .

متعدد اولان محکوم علیه لردن بر قسمی استیناف ایدوب دیگر قسمی استیناف دعوی ایتماش ایسه بوسورت محکومینك عین فعلدن ناشی وعین دلائل و اماراته مبتنی اولماسندن بعض اهمیت قانونیه موجود اولدیغندن جای بحث و مقالدر . زیرا ؛ چوق دفعه تصادف اولمش و اولمقده بولنشدركه محکوملردن برینك استیناف استدعای اوزرینه تدقیق اولنان اعلام ابتدائیلر سراپا خطیطات ایله مملو و اسباب قانونیه دن عاری کورلمسندن ناشی اصول نقطه سندن فسخ و محاکمه استینافیه ده برائت قراری ویرلمکده وعین دلائل و اسبابدن محکوم اولانلر مجرد استیناف دعوی ایتماسندن ناشی کندیلرینه عائد قسمی کسب قطعیت ایدن و بولسزلنی حکما تعیین ایدن اعلام ابتدائیلر ایله حبس خانه لره القا اولمقده در . کرچه حق استینافی استعمال ایتمه سیله حکم واقعیه راضی اولدینی استنباط اولنیورسده بوحکمك عدالته تعلق قطعیمی اولماسندن ناشی غیر جائز اولغله بوکا محل قالماق ایچون بوکی اوراقك همه حال مدت قانونیه سی ظرفنده استیناف مدعی عمومیلکیرینه سوق و استیناف مدعی عمومیلری دخی بلا تأخیر اوراق مطالعه ایله اعلامك دیگر محکوم علیه لر طرفندن استیناف اولنمین جهاتی دخی یولسر ایسه استیناف دعوی ایتلری و اندن صکره اوراقك استیناف محکمه سنه سوق ایتلری لازم کلور . چونکه استیناف مدعی عمومیلرینه کوندریلان خلاصه حکم جداولی محکوملرک عدد اسامیسیله مدت و نوع و تاریخ محکومیتلری نی حاوی برجدولدن و بدایت اقلامنی مشغول ایتکدن عبارت اولوب احکام صادره نك نه کی ادعا و محاکمه و اصول و اسباب و تحقیقاته مستند اولدیغنی اقلامق اکثریا اعلامك بیله مطالعه سی کفایت ایتیبوب اوراق دعوایه مراجعت ایله ممکن اولدیغندن و استیناف محکمه لری ایسه استیناف دعوالری نی تاریخ حکمدن اعتباراً ایکی ماه ظرفنده رؤیته ابتدار مجبور طوتیله مدیغندن بعد بعد عندالحاکمه تدقیقات استینافیه اجراسی ائناسنده استیناف دعوی ایتماش فقط اعلام ابتدائی مندرجاتنه نظراً بغیر حق محکوم بولنش اولانلر موجود ایدوکی اکلاشلمش اولسه بیله استیناف مدتی کچمش و امر تحریری قانونی ایله نقض طریق قالمش اولور که اولوقته قدر محکوم اولنلر حقنده حکم انفاذ ایدلمش اولور . اعلام ابتدائی قسماً وجاهی قسماً غیابی اولوبده مستأنف وجاهاً محکوم اولانلر ایسه بوسورتده اوراق دعوی غیاباً محکوم اولانلره تبلیغات قانونیه اجرا و اعتراض و استیناف مدتلری مرور ایتکدن و اعتراض ایدرلر ایسه اعتراض اوزرینه جریان ایده جك محاکمه اوزرینه محکومیت قراری ویریلور ایسه بونك دخی

مدت استینافی مرور ایتدکن صوکره استیناف محکمه سنه سوق اقتضا ایدر بو اقتضایه رعایت اولتیوبده هان اوراق دعوی استیناف محکمه سنه سوق اولنور ایسه مخدورات عدیده بی منتج اولور. از جمله بو صورته محکوم اولوب استیناف دعوی ایدنر استیناف محکمه سنده حکم ابتدائی یا تصدیق و یا فسخ ایله تعدیل و یا خود محکوم علیه برائتیه قرار ویریلور. دیگر رفقاسی که عینی فعل و اسبابدن دولای غیاباً محکوم اولمشلردی کندیلرینه اعلام تبلیغ اولندقدن صوکره استیناف محکمه سنه مراجعت ایدرلر بودفعه ده کرک استیناف هیئتک تبدیلی و یا اجتهاد واقعک اختلافی ایله قرار سابقه مغایر اوله رق اعلام ابتدائیک فسخ و یا تصدیق و یا برائتیه قرار ویرلمک امثال و احتمالی موجود اولدیغندن بومقرراتک تقدیرات و اجتهادات واحده یه تابع طوتلی ایچون مدعی عمومیلرک بومثللو معاملاتی جمع وتوحید ایتدکن صکره استیناف محکمه سنه سوقی محافظه حقوق عمومیه وتحدیش اذهانی موجب اوله جق مقررات متخالفه نک عین ماده ده صدورینه محل ویرمه مک نقطه سندن واجبه دن وبر ماده ده توحید اجتهادات محاکمه و تسریع معاملاته تعلقی اعتباریه حائز اهمیت احوال دندر.

بیروت مرکز جزا رئیس

مصطفی نظمی

حاجز مدیونیه شخص ثالث آره سنده کی بیعک فسادنی ادعا ایده ییلورمی ؟

بوکا جواب تصدیق ویرمک ، حاجزک شو حقنی تسلیم ایتک لازم و احکام اساسیه مزه موافقده . اول امرده مسئله بی تفصیل ایده لم : زید مدیونی عمروک بر مالی اوزرینه - او مال کرک عمرو و کرک شخص ثالث اولان بکر ینده اولسون - حجز احتیاطی وضع ایدیور ؛ تصدیق حجز دعواسی ائناسنده بکر استحقاق دعواسنه قیام ایله مال محجوزی کندوسنه عمروک تاریخ حجزدن مقدم بیع ایتدیکی ایتدیکی ادعا و بونی درجه ثبوتیه ایصال ایلور ؛ حالبوکه تدقیقندن متحصل احواله و یا داینک استطلاعاتنه نظراً عقد بیعه شرط مفسدک موجودیتی اکلاشاسه عجبا داین و حاجز « بیعک فسادی ثابتدر ؛ ایشته بنده فسادینه مبنی شو بیعک فسخیه حجز موضوعک تصدیقی طلت ایدرم » و یا « بیعک فسادنی اثباته مقتدرم ؛ ینهمی استماع و بعدالثبوت بیعک فسادینه حکم اعطا ایدیکنز » دیه ییلورمی ؟

اوت ، حاجزک بویه بر ادعاسی مسموع و مقبول اولق ایجاب ایدر . کرچه مجله ده و متونده برصراحتیه تصادف اولنه مامش ایسه ده درر محیسی عبدالحلیم بیع فاسدک احکامنی بیان صره سنده « بعدالقبض بیله ، مشترینک ملکنده قائم اولق شرطیه ، متبایعان ایچون ولایت فسخ اولدینی کبی بویه بر بیعی حاکم دخی

حق شرعدن دولای فسخه مقتدر اولور » دیورکه بزده استشهاد ایتدیکنز شو عباره بی غیناً نقل ایدیورز :
 راما عندهما فخلل منهما من الفسخ لور الفسخ لور الشرع ومن هذا اذا امر القاضی علی عدم فسخ
 القدر وعلم به القاضی له فسخه مقفا للشرع

واقعا حاجز عاقدینه کوره اجنبی اولق حسبیله بیعک فسادنی ادعا امرنده خصم اوله ماز ؛ سبق دعوی اولدقچه حاکم ده فصل خصومت ایده مز . لکن بو حقوق عبادده در ؛ حق شرع اولان یرلرده شهادت حسیه جائز و حاکم اوزرینه موجبیه قضا واجب اولور فساد ایسه عقدک اصلا مشروع ووصفاً غیر مشروع اولسندن منبعث اولسنه کوره فساد عقودده حق شرع موجود و بوحقه مراعاة فسادی اعدام واجبدر . ذاتاً شیخین حضراتنه کورر عاقدینک و یا آنلردن برینک ، فسادینه بناء بیعی فسخه مقتدر اولسی هر ایکسنک و یا یالکنز برینک حقنه دکل ، انجق حق شرعه بناء در ؛ چونکه آنلر او عقدی احداث ایتکله فساد رضا کوستر مشلدر . بویه اولنجه حاکم کرک شخص ثالث طرفدن اقامه ایدیلان استحقاق دعواسنک تدقیقی صره سنده طوغریدن طوغری به و کرک حاجزک اخبار و اسباب ثبوتیه سنی احضار ایتسی طریقله بیعک فسادینه مطلع اولدقده انی فسخ ایدر ؛ متبایعانک فساد بیعدن دولای فسخ طلبنده بولناملری و حتی عقدک بقا سنی ایستملاری حاکمی بویوله بر حکم اعطاسندن منع ایده مز . ایدی بو صورته یعنی حق شرعدن دولای فسادی متین اولان بر بیعی بالذات حاکم فسخ ایتدکدن صکره داین ایچون میبع اولان مالک حجزینه بر مانع قالماز .

کرچه بو مسئله ده بعض ارباب حقوق دیگر بر رأی در میان ایدرک « بویه بر حالده حاجزک مشتری به انجق عقد بیعک مواضعه اولدیغنه دائر برین تکلیفنه حق وارددر » دیورلرسده بو رأی احکام عمومیه مزه موافق اولدیغندن شایان التفات عد اوله ماز . چونکه مواضعه دعوالری بایع ایله مشتری و یا آنلرک مقامنه قائم اولانلر آره سنده اوله ییلور ؛ حاجز ایسه مشتری به کوره کلیاً اجنیدر ؛ شو حالده حاجزک بویه بر مواضعه دعواسی مقبول و مشتری به خصومت متوجه دکلدرکه انک تحلیفی طلب ایده ییلسون .

حاجز مدیونیه شخص ثالث آره سنده کی بیعک فسادنی ادعایه مقتدر اولنجه بیع باطل ایله صایلان مالی حجز ایده بیله چکی اولویتله متظاهر در ؛ زیرا بطلان او عقدک نظر شرعه مطلوب اولان اوصافی اصلا جامع اولماسندن یعنی هم اصلاً وهم وصفاً غیر مشروع بولنسندن عبارتدر . تعیر اخرله بیع باطلده هر نه قدر طرفین « الدق ، صادق » کبی ایجاب وقبوله دلالت ایدن الفاظی استعمال ایدیورلرسده نظر شرعه او بیع موجود دکلدر . بیع اولانجه میبع اتخاذ ایدیلان مال بایعک ملکی اوله رق قایلدره حاجز هر وقت بونی جزه مقتدر اولور .

احکام شرعیہ توفیقاً شو صورتہ تعیین ایدیلان اساس داینلرک تأمین حقوقہ خادم اولہ جعندن اشبو مقالہ زمین اتخاذ ایدلدی اجلہ ارباب حقوقز بو بابده کی مطالعات صائبہ لرنی بیلدیردکاری تقدیرده حکامک اصابت اجتہادینہ وسیلہ اولق شرف ونعمتی احراز ایش اولورلر.

درسمادت استیناف محکمہ سی اعضا ملازمی

جمال الدینہ



[۲۰] نومرولی جریده عدلیہ محتویاتی

— قسم رسمی —

صفیہ
نومرولی

۸۱۱

۸۱۵

۸۱۶

۸۱۶

۸۱۷

۸۱۷

۸۱۸

۸۲۱

۸۲۲

۸۲۴

۸۲۶

۸۲۸

۸۲۹

- توجیہات عدلیہ
وقت ماده قانونیہ
تلیفات عمومیہ
- قولرایہ قارشو اتخاذ اولنه جق تدابیرہ مخالفت ایدنلر حقندہ —
(۱) — حدیدہ سنجائی داخلدہ ابو عریش قضا سنک عسیر سنجاغنه ربط اولدیفنه دائر —
(۲) — شجاع الدین قضا مرکزینک اولو قشلیہ نقلیہ نامنک اولو قشلیہ تحویل اولدیفنه دائر —
(۳) — مهاجرینک حجاز تیمور یولی اغانہ سنہ مخصوص نومرو پوصله سندن معفو طولمسنہ دائر —
(۴) — منقول وغیر منقول حقندہ کی علامات علیہنے اعتراض واستیناف وغیر منقولانہ متعاق اولان علامات علیہنے تمیز ایدلکینہ دائر عائد اولدقلمری محکمہ لک علم وخبرلری ابراز اولندقدہ آبروجه آخر اجرا علم وخبری ابرازینہ لزوم اولیہ رقی بو علم وخبرلر اوزرینہ معاملہ مترتبہ قانونیہنک اجرا مأمورلرنجہ تعینہ دائر —
(۱) — حکم انجمننک استملاک قانوننک یکری طفوزنجی ماده سی موجبینہ قابل استیناف اولیان قرار ی برماکک بدلنک دون ویا زیادہ ا لدیفنه دائر اتخاذ اولنان قرارندن عبارت اولوب بوندن ماعدا بعض خصوصات دها طلب ودعوی ایدلکی تقدیرده بوابده اتخاذ اولنان مقررانک قابل استیناف اولدیفنه دائر —
(۲) — بر محاکمہنک مبادیسندن منتہاسہ قدر اتخاذ اولنه جق مقررانک ہیئت حاکنہنک امضاسیلہ مصدق اولسی لازم اولدیفنه دائر —
(۱) — استیناف استدعائنک محکمہ قلمنہ قیدی وحکم مستأنف بیک تفریمی تاریخلرنک اعلامہ درجی مقتضی اولدیفنه دائر —
(۲) — طلب اولمادینی حالہ ایام معطلہ اجرینک تحصیلہ قرار ویرلسی جائز اولمادیفنه دائر —
(۳) — تدقیقاتنک کافی اولدیفنه قرار ویرلکدنصکرہ مدعی عمومبلک مقامنک مطالعہ سنک استفساری لازم اولدیفنه دائر —
(۴) — اجتماع جرائم وقوعندہ بونلردن قغیسنک جزاسی آغیر ایسہ دیکرینک سبب شدت عدیلہ جزاسی آغیر اولان فعلہ مترتب جزانک تعیین وتحدیدی مقتضی اولدیفنه دائر —
(۵) — رؤی مأمورین و مستخدمیننک مأمورین ملکبہدن محدود اولیہ بختہ دائر —

الاعمال

قلب اچہ اعمال ایتکله مظنون علیه اولوب الیوم وادی فرارده بولنان درسعادته اغا حمامنده دوبله چی
چقماز زقاعده یکر می ایکی نومرولی خانه ده ساکن دلالق و ترجانقله مشغل اوزونجه بویلی قمرال بیقلی
الا کوزلی متاسب اغز و برونلی مینه له نوسک اصول محاکات جزائیہ قانونک مواد مخصوصه سی احکامنه توفیقاً
قانون جزانک یوز قرق اوچنجی ماده سی موجبجه جنایتله اتهامه قرار ویرلدیکندن متهم مرقومک هر زده
کوریلور ایسه طوتیلوب جنایت محکمه سی توقیفخانه سنه تسلیمی لازم کله جکی بالجمله ضابطه عدلیه مأمورلرینک
معلومی اولق اوزره اشبو اخذ و گرفت مذکره سی درسعات هیئت اتهامیه سندن بالتظیم اعطا قلندی .

* *

قلب اچہ اعمالیه سوریحیلک ایتدکری ادعاسیله مظنون علیهمان اولوب حال فرارده بولنان اورته بویلی
آچیق النی کولک کوزلی قمرال بیقلی اوفاق برونلی عادتا اغزلی مطروش ایجادیه محله سنده ساکن تبعه دولت
علیه دن قرق ایکی یاشنده ترزی بدستانلی انسطاش ولد خرسونک اصول محاکات جزائیہ قانونک مواد
مخصوصه سی احکامنه توفیقاً موقوف بولنان رفیق یورکی ایله برلکده جنایت محکمه سنده محاکمه سی اجرا
اولق اوزره قانون جزانک یوز قرق اوچنجی ماده سی موجبجه جنایتله اتهامه قرار ویرلدیکندن متهم مرقومک
هر زده کوریلور ایسه طوتیلوب محکمه مذکوره توقیفخانه سنه تسلیمی لازم کله جکی بالجمله ضابطه عدلیه
مأمورلرینک معلومی اولق اوزره اشبو اخذ و گرفت مذکره سی درسعات هیئت اتهامیه سندن بالتظیم اعطا قلندی .

* *

اوچوز یکر می الی سنه سی حزرانک یکر می سکرنجی بازار ایرتسی کیجه سی ساعت سکرنجی راده لرنده
نشان طاشنده اسکیمی زقاعده کائن دیران و آغوب افندیلرک سکرنجی والی نومرولو خانلرندن الت مخصوصه
استعمالیه سرقت تصدی ایتدکری ادعاسیله مظنون علیهمان اولوب غلطه ده خفا فلر ایچروسنده طوغری
بولده قیو ایچنده قهوه چی ایرانی نوری بکک قهوه سنده مقیم ایکن فرار ایدوب الیوم نره ده بولندی
مجهول و اوصاف و اشکالی غیر مضبوط اولان سلانیکلی قرق بش یاشنده خره لامبو ولد یانینک اصول محاکات
جزائیہ قانونک مواد مخصوصه سی احکامنه توفیقاً موقوف بولنان رفیق لازاری ایله برلکده جنایت محکمه سنده
محاکمه سی اجرا قلنمق اوزره قانون جزانک ایکی یوز اوتوزنجی ماده سی علاوه سی دلائله ایکی یوز یکرمنجی
ماده سی موجبجه جنایتله اتهامه قرار ویرلدیکندن متهم مرقومک هر زده کوریلور سی طوتیلوب محکمه
مذکوره توقیفخانه سنه تسلیمی لازم کله جکی بالجمله ضابطه عدلیه مأمورلرینک معلومی اولق اوزره اشبو
اخذ و گرفت مذکره سی درسعات هیئت اتهامیه سندن بالتظیم اعطا قلندی .

حقوق
نومرولی

- محکمه تمیز حقوق دائره سی مقرراتی — (۱) اثنای عقد بیعه بیان ابدیلان شرط . شرط تعایق اولدیغنه دائر ۸۳۱
(۲) هبه ده تسلیم و قبض شرط ایدوکنه دائر ۸۳۲
(۳) اراضی امیریه ده متوفانک اوغلی اولدیغی حالده زوجیه نک بر حصه ۸۳۴
قانونیه سی اولیه جفته دائر
(۴) املاکدن منبعت دعاویده اجنیلر حقنده تبعه عثمانیه مثللو معامله ۸۳۵
اولنه جفتدن ترجانک حضورینه لزوم اولادیغنه دائر
محکمه تمیز جزا دائره سی مقرراتی — (۱) محکمه ضبطنامه سنده کی چیقندیل عبارت لک و چیزیلان سطرلرک قانون ۸۳۷
دائره سنده تصدیق ایدلسی لزومنه دائر
(۲) شهودک افاداتی بننده کی مابینک تدقیق وحلی اقتضا ایتدیکنه دائر ۸۳۸
(۳) تعیین اولنان نوع جرم ایله جهت تطبیقه ده اصابت قانونیه کوریه مدیکندن ۸۳۹
نقض اولندیغنه دائر
معاملات انتباهیه — (۱) سروج قضای نائی و بدایت محکمه سی رئیس محمد توفیق افندی ایله ۸۴۰
محکمه مذکوره اعضاسندن مستنطق یوسف و معاونی عثمان و باش
کاتب احمد افندیلرک تحت محاکمه به آلدیغنه دائر
(۲) نعللی خان نائی و بدایت محکمه سی رئیس عبده افندینک محاکمه ۸۴۰
آلتنه آلدیغنه دائر
(۳) قاشوط قضای مدعی عمومی معاون وکیل پولیس عبدالمنان افندینک ۸۴۰
تحت محاکمه به آلدیغنه دائر
(۴) ابنه بولی بدایت محکمه سی اعضاسندن دانیل افندینک تحت محاکمه به ۸۴۰
آلدیغنه دائر

قسم غیر رسمی

- اصول استماع دعوی « مابعد » محکمه تمیز حقوق رئیس علی حیدر بکک ۸۴۱
هیئت عدول حقنده « جزا رئیس عثمان » ۸۴۶
اسباب تقضیه « مابعد » « جزا اعضاسندن طلعت » ۸۵۳
بدایه صادر اولان احکام جزائییه علیه استیناف دعوی بیروت مرکز جزا رئیس مصطفی نظمی ۸۵۶
وقوعنده مراعات اولنسی لازم کان بعض معاملات دائر حاجزک مدیونیه شخص ثالث آره سنده کی بیعک فسادنی ۸۵۸
ادعا ایده بیله جکبه دائر درسعات استیناف محکمه سی اعضا لازمی جمال الدین »

بولی سنجاغنه ملحق ذوقولداق قصبه سنده لیان اوتی موقعنده مستأجر بولندقلری غازیونده اقامت ایدن فرانسه دولت فخمیه سی تبعه سندن غازیونجی قارمینارک زوجه سی ایتالیا دواتی تبعه سندن آده لای اوچیوز یکریمی التی سنه سی حزرانک اونجی پنجشنبه کونی صورت جبریده کتیروب فعل شنیع اجرا ایلدکاری ادعایله متهم اولوب عقیب وقعه ده فرارله الیوم بائی فرارده بولسان ذوقولداقک اسلام محله سندن حاجی احمد علی اغا زاده مصطفی کتخدای وقصبه مذ کوره ده تجارتله اشتغال ایدن صاوا افندی نزدنده مقیم دیو الیوم دردست ایدیه مامش اولدیغندن اصول محاکات جزایه قانونک اوچیوز یتیش برنجی ماده سی موجبجه مرقوماه تاریخ اعلاندن اعتباراً اون کون مهل ویرلش اولغله مدت مذ کوره ظرفنده محکمه یه کلدیکی تقدیرده قانونه اطاعت ایتماش نظریله باقیلرق و محاکمه غایبه لری بالاجرا حقوق مدینه دن اسقاط و امواللری حیز اولنه جی و یو باده برکونا دعوا اقامه سنه حقاری اوله میه جی و بولندی محلی بیلنلر خبر ویرمکه و بالجمله ضابطه عدلیه مأمورلرینک کندولرینی طومغه مجبور بولندقلری بیانیله کیفیتک اعلانی مشعر اولان اشبو قرار نامه مدعی عمومی معاونلکی مأموریت علیه سنه تقدیم قلدی .

جهت اعشاردن حمیدیه خزینه مالیه سنه اولان بورجک تأمین تسویه سیچون مزایده یه وضع ایدیلان و اجراجیه حدودلری مضبوط بولسان حمیدیه نام دیگر دورک قصبه سندن درویش زاده خلیل افانک قصبه مذ کور چارشوسنده واقع التمش زراع بر باب قهوه خانه سی ایکیک غروشد حاجی امین اغا اوزرنده تقرر ایدرک موقت قرار داده سی کشیده قلندیغندن اوتوز برکون مرورینه دکین یوزده بش ضمیله اشتراسنه طالب اولانلرک قضاء مذ کور اجرا دائره سیله منادیسی طاهر آغایه مراجعت ایللری اعلان اولنور .

خدیجه منیره خانمک احمد شکری افندی ذمتنده محکوم به الاجنی اولان مبالغ معلومه نک تأمین استیفاسیچون تحت حیزه النان مع ادوات یکریمی بر عدد صغیر و بش عدد کبیر و ایکی عدد اورته و درت عدد نواجید بوروسر غراموفون ما کنه سیله طقسان التی عددیلاق ایلولاک طقوزنجی پنجشنبه کونی ساعت آلتیده چارشوی کیرده جواهر بدستاننده بالمزایده فروخت اولنه جی اعلانات شرعیه اجرا دائره سندن اعلان اولنور .

باندومه قصبه سنک سروی محله سندن آندون قالفه نک اعلامه مربوط معلوم المقدار آله جفکک تأمین استیفاسی ضمتنده قصبه مذ کورک حضر الیاس محله سندن وانکل رئیس اوغلی متوفی قسطنطینک حیز اولنلش اولان محله مذ کورده کائن طرفلری اندون قالفه و یوان زوجه سی قدینقو خانه لری و طرفینی طریق عام الیه محدود تخمیناً یتیش زراع اوزرینه مبنی بر باب خانه نک تاریخ اعلاندن اعتباراً اون بش کون صکره بالمزایده فروخته تشبث اولنه جی جهتله طالب اولانلرک باندومه اجرا دائره سنه مراجعت ایللری لزومی اعلان اولنور .

تزیه خانمک فرید پاشا ذمتنده بااعلام شرعی الاجنی اولان مبالغ معلومه نک تأمین استیفاسیچون

مشارالیهک عهده سنده اولوب محجوز و اعلام نظامیه فروختی محکوم اولان بشکطاشده نشان طاشده مشروطیت محله سنده احمد بک زقاغنده واقع مکرر یکریمی درت نومرولی تخمیناً یوز یکریمی سکیز آرشون عرصه اوزرینه مبنی اوچ اوطه یی حاوی بر باب خانه ایله تحتنده مکرر یکریمی درت نومرولی ایکی دکانک اون بش کون صکره فروخته تشبث اولنه جی اعلانات شرعیه اجرا دائره سندن اعلان اولنور .

حاصکویده شیشه فابریقه سی صاحب لری و باغچه قپوسنده یکی خانده مقیم رجب افندی قوردون شرکاسنک خصوصات افلاسیه نک رؤیت و تسویه سی ضمتنده دعوی وکیللرندن آورام نعوم و میخالا کی نیقولاییدی افندیلر اصالة سندیک تعیین ایدلش اولدیغندن مفلس مرقوم ذمتنده الهجی اولنلرک قانون تجارتک ۱۹۹ و ۲۰۰ نجی ماده لری موجبجه تحقیق دیون ایچون تاریخ اعلاندن اعتباراً یکریمی برکون ظرفنده سنداتی محکمه کاتبه تسلیم ایللری و مدت مذ کوره ختامندن صکره اوچ کونده یعنی ایلولاک اون التنجی پنجشنبه و اون سکیزنجی جمعه ایرته سی و یکرمنجی بازار ایرته سی کونلری ساعت یدی راده لرنده تجارت بحیره محکمه سنک افلاس اوطه سنه کله رک سندیک افندیلر مواجهه سنده الهجقلرینی اثبات وقید و تصدیق ایتدیرملری و مدت مذ کورده اثبات وجود ایده میان آله جقلیلر حقنده قانون مذ کورک ایکیوز اوتنجی ماده سنه توفیقاً معامله اولنه جی اعلان ایدیلور .

بک اوغلنده ترلا باشنده چقور فرونده ساکن ایکن تجارت بحیره محکمه سندن افلاسنه حکم اولنلش اولان مفلس فرونجی خرستو ماقیرنک خصوصات افلاسیه سنک رؤیت و تسویه سی ضمتنده دعوی وکیللرندن یوشع افندی اصالة سندیک تعیین قلنمش اولدقلرندن مفلس مرقوم ذمتنده آله جی اولنلرک قانوننامه تجارتک ۱۹۹ و ۲۰۰ نجی ماده لری موجبجه تحقیق دیون ایچون تاریخ اعلاندن اعتباراً یکریمی برکون ظرفنده سنداتی محکمه کاتبه تسلیم ایللری و مدت مذ کوره ختامندن صکره اوچ کونده یعنی اوچیوز یکریمی آلتی سنه سی ایلولاک سکیزنجی چهارشنبه طقوزنجی پنجشنبه اون برنجی جمعه ایرته سی کونلرنده تجارت بحیره محکمه سنک افلاس اوطه سنه کله رک سندیک افندیلر مواجهه سنده آله جقلرینی اثبات وقید و تصدیق ایتدیرملری و مدت مذ کورده اثبات وجود ایده میان آله جقلولر حقنده قانون مذ کورک ۲۱۰ نجی ماده سنه توفیقاً معامله اولنه جی اعلان اولنور .

بارطینک مجلس محله سندن یواکم اوغلی حرستوولد یواکمک درسعات تجارتندن اناستاش سوپیله افندی یه اولان دینک وقت تأدیسه سی حلول ایلدیکی حالده هنوز تأدییه دین ایتدیکی داین مومی الیهک وکیلی طرفیندن وقوع بولان مراجعت اوزرینه مدیون مومی الیهک علی الاصول تبلیغ تلنان اخبار نامه ده محرر مهل طرفنده ده برکونا صورت تسویه کوسترمامش اولدیغندن دینه مقابل ایکی سنه مدته و فاء بیع صورتیه مرهون محاس

مجلسه سنده واقع معلوم الحدود مستقلاً مالك اولدینی تختانی دكان و فوقانی خانه سنك ثلث حصه سی عزایده
قولدیغندن طالب اولانلرك بارطین طایبو اداره سنه مراجعت ایلملی اعلان اولنور .

موسی گانم افندیك شوكت بك ایله زوجہ سی شکره خام ذمترلنده اسکدار بدایت محکمه سی حقوق
دائرة سی اعلامیه محکوم به الاجبی اولان مبالغ معلومه نك تأمین استیفاسی ضمننده مدیون موسی الیہان شکره
خانمك اسکدارده بازار بانئ مجلسه سنده قره مانلی زوقاغنده مکرر یتش التی نومرولی معلوم الحدود ایکی قات
سکنر اوطه وبرصوفه وبرطاشلق حولی وبرمطبخ وبری صغیر وایکی کیر قیو وبر صهرنج وتخمیناً بش بیک
اوجیوز آلتش برزراع بانچہ بی حاوی بر باب اخشاب خانہ نك اوج حصه اعتباریه مدیون موسی الیہانك متصرفه
اولدینی بر حصه سی لدی المزیاده ایکی بیک غروش آلتون آچہ بدل ایله طالبی عہده سنده تقرر ایدرک موقت
قرار داده سی کشیده قلندیغندن تاریخ اعلاندن اعتباراً اوتوز برکون ظرفنده لائل یوزده بش ضمیله طالب
اولانلرك یوزده اون نسبتنده کی دیو زیتو آچہ لرینی مستصحباً اسکدار اجرا دائره سنه مراجعت ایلملی
ومدت مذکور ختامنده یعنی شهر تشرین اولک یدنجی پنجشنبه کونی ساعت یدی راده لرنده صوک مزایده
علنیہ سی اجرا وقرار داده قطعیه کشیده قلنمق اوزره ماری الذکر املاک مذکورک پیشکاهنده مأموری
مواجهه سنده حاضر بولملی اسکدار اجرا دائره سندن اعلان اولنور .

خدیجه خانمك توفیق اغا ایله مقبوله خام ذمتده با اعلام شرعی الاجبی اولان مبالغ معلومه نك تأمین
استیفاسی چون موسی الیہانك عہده لرنده اولوب محجوز وفروختی اعلام نظامیه محکوم بولنان قبان دقیقه
الوان زاده مجلسه سنده چشمه زقاغنده واقع اون ایکی نومرو ایله مرقم اخشاب اوله رق سکسان درت آرشون
عرصه اوزرینه مبنی فوقانی وتختانی درت اوطه وبر قیو والتش زراع بانچہ ومتشمات سائرہ بی حاوی بر باب
خانہ نك التمش درت سهم اعتباریه یکرمی بر سهم حصه شایعه سنك تاریخ اعلاندن اعتباراً اون بش کون صکره
بالمزایده فروخته تشبث اولنه جنی اعلام شرعیہ اجرا دائره سندن اعلان اولنور .

استانبولده سلطان حمامنده حاجوپلو خانی اتصالنده اون درت نومرولو دکانده تحافیه تجارتیه مشغول
ایکن تجارت بحریه محکمه سنجه افلاسنه قرار ویرلمش اولان ژورژ آ. حاجوپلو افندیك تحقیق دیون معاملات
ختم بولمش وتجارت بریه قانونک ایکی یوز درنجی ماده سنك فقره اخیرہ سی موجبہ تحقیق دیون دفترینه
قید ایتدیرن الاجقیلرک اوراق وسندات و وکالتنامه مصدقہ لرینی ابراز ایله مطلوباتنك تصدیق ضمننده قانون
مذکورک ۱۹۹ و ۲۷۴ نجی ماده لری احکامنه توفیقاً تاریخ اعلاندن اعتباراً اون کون مهلت تعیین قلنمش
اولدیغندن ذکر اولنان الاجقیلرک اوجیوز یکرمی التی سنه سی اغستوسنك یکرمی برنجی جمعہ ایرتہی کونی
ساعت آلتیدن طقوزہ قدر محکمه مذکورک افلاس اوطه سنه کلری اعلان اولنور .

قاناتو خاننده مقیم تجاردن غ آ، م غریغوریادی شرکتک فی ۹ ایلول سنه ۳۲۶ تاریخندن اعتباراً
اعلان افلاسنه ومصلح افلاسیه سنك رؤیت وتسویہ سی ضمننده اعضای محکمه دن لطفی بکک ژورژ قومیسر
ودعوی وکیللرندن یورغا کی افندیك موقت سنديک تعینلرینه ومغازه سیله دپولرندہ کی اموال تجاریه واشیای
زائده بیثیه سنك تمهیرینه واوراق ودفاترینك جلبنه وکفالت مصدقه اراہ ایدہ مدیکی تقدیرده حبس وتوقیفنه
وبو باده کی قرارک موقه اجراسنه تجارت بحریه محکمه سندن قرار ویرلمش اولدیغندن قانوننامه تجارتک یوز
یتشنجی ماده سی موجبہ دائمی سنديکاری انتخاب اولنمق اوزره اصحاب مطلوبک اشو بیک اوجیوز یکرمی
التی سنه سی تشرین اولنك طقوزنجی جمعہ ایرتہی کونی ساعت یدی راده لرندہ محکمه نك افلاس معاملاتنه
مخصوص اوطه سنه کلری لزومی اعلان اولنور .

بولنك قره جابر مجلسه سندن شیخزاده فائق افندیك برادری صالح افندی یه با اعلام محکوم به بورجنك
تأمین استیفاسی چون تحت حجزه النان محله مزبوره ده واقع خانه سی اتصالنده کی عرصه سیله حاندر قریه سنده
برادری مرقوم صالح افندی ایله مشترکاً متصرف اولدینی مع مشتملات بر باب خانه ایله اتصالنده بولنان
اراضیدن نصف حصه شایعه سی تاریخ اعلاندن اون بش کون صکره بالمزایده صاتیله جنی اعلان اولنور .

برانه پوسته وتلغراف داره خانه سی نامنه مدیری محرم افندی امضاسیله ویریلان عرفخالده مدیر سابق
احمد شکری افندیك زمان مأموریتندہ اداره خانه مذکورہ وارداتندن اختلاصاً ذمتہ کچریدیکی التی بیک
بشیوز سکسان التی غروشک موسی الیہانك تحصیلی طلب واستدعا قلنمسنندن ناشی موسی الیہ احمد شکری
افندی یه لاجل التبلیغ اقامتکاهی کوستریلان اسکوبه دعوتنامه کوندرلمش ایسه ده اقامتکاهی مجهول بولندی
ظهر دعوتیه ده ویریلان مشروحاتدن اکلاشلمش اولدیغندن اصول محاکات حقوقیه قانونک یکرمی التی
ماده سنه توفیقاً موسی الیہ نامنه املا ومحکمه دیوانخانه سنده تعلیق قلنان دعوتنامه دخی مصرح اولدینی اوزره
سنه حالیه شهر تشرین اولنك یکرمی سکزنجی پنجشنبه کونی ساعت یدی راده لرندہ محاکمہ لری اجرا
اولنه جقندن یوم مذکورده مدعی علیہ موسی الیہ بالذات ویا طرفندن مسجل بر وکیلی برانه بدایت محکمه سی
حقوق دائره سنده اثبات وجود اتمز ایسه محاکمه نك غیاباً اجرا قلنه جنی اعلان اولنور .

یانول ولد سیمونک متوفا صوا کورجی اوغلی ذمتده کی مطلوبنك استیفاسی چون داین موسی الیہ عہده سنده
وفاء مفروغ فروختی حکم اعلامه مستند اولان طاطاوله ده ایا دیمتری وقفندن بکزاده سوقاغنده کائن التمش
زراع عرصه ده مبنی تختانی فوقانی صغیر وکیر درت اوطه ومطبخ والتش زراع بانچہ ایله قبوی مشتمل
اخشاب بر باب خانہ نك تاریخ اعلاندن اعتباراً اون بش کون صکره بالمزایده فروخته تشبث اوله جنی دائره
مذکورده دن اعلان اولنور .

دوزجه نك شرقيه محله سندن مصطفى چاوش زاده حاجي عبدالله افندي نك دوزجه نك افندي حاجي سليمان بك قريه سندن مراد اوغلي سليمان ذمتنده بااعلام الاجني اولان مبالغ معلومه نك تأمين استيفاسي ضمتنده مديون مرقومك خاطوقاي قريه سي جوارنده جوراقلق نام موقعده واقع حدودي دائرة اجراجه مضبوط اون بش دوئم ترلاسنك اون دوني تحت حمزه آلتهرق تاريخ اعلاندن اعتباراً اون بش كون صكره بلزايدة فروخته تشبث اولنه جني دوزجه اجرا دائره سندن اعلان اولنور .

*
**

جفال اوغلنده ايوب صبري ومحمد علي افندي لرك خانه لرندن تيمور يارمقلق قيرمق صورتيه سرقت ايقاعه تصدي ايتمسندن طولاي مظنون عليه اولوب هيئت اتهاميه جه جنائته اتهام اولنهرق حقتنده اخذ وكرفت امري ويرلش اولان اقامتكاهي و اشكال و اوصافي غير مضبوط قسطه اليوم اثبات وجود ايتمه مش اولديغندن اصول محاكات جزائيه قانوننك اوچيوز يتمش برنجي ماده سي موجبجه محكمه يه گلسي ايچون اشبو تاريخدن اعتباراً جانب رياستدن مجدداً اون كون مهل ويرملكه اشبو مدت ظرفنده كمديكي حالده كندوسنه قانونه اطاعت ايتمه مش نظريه باقيه رق محاكمه سنك غيابة بالرؤيه حقوق مدنيه دن اسقاط و اموالي حيز اولنه جني وبو ائنده بركونه دعوي اقامه سنه حق اوله ميه جني و عليه نه دعوايه قيام ايديله چكي كي بولنديني محلي بيلنرك خبر ويرمكه وبالجملة ضابطه عدليه مأمورلرينك كندوسني در دست ايتمه مجبور اولدقلايني مين اشبو قرارنامه اصول محاكات جزائيه قانوننك اوچيوز يتمش ايكنجي ماده سندن استنباط اولنان احكامه توفيقاً تنظيم ومعامله حمزيه حقتنده تبليغات مقتضيه سنك اجرا وسائر معاملات ايها اولنق ايچون نسخه كافييه سي مدعي عموميله توديع قلنديني اعلان اولنور .

*
**

حسين حسني افندي نك حبللي عبدالوحيد افندي ذمتنده كي محكوم به مطلوباتنك تأمين استيفاسي ضمتنده داي ن مومي اليه عهده سنده وفاء مفروغ بولنان قاسم پاشاده يل دكرمني محله سنده يكي چشمه جاده سنده يوز التمش ايكي زراع عرصه اوزرينه مبنی سكز اوطة و درت سالون و بودروم و كمورلك ايله و تراچه و ابدستخاني مشتمل برباب اخشاب خانه لدی المزايده اون بيك غروش التون اچه بدل ايله طالبي عهده سنده موقه قرار داده سي كشيده قلنمش اولديغندن تاريخ اعلاندن اعتباراً اوتوز بركون ظرفنده يوزده بش ضميله طالب اولنرك يوزده اون نسبتده كي بي اچه لرني استصحاباً بك اوغلي بدایت محكمه سي اجرا دائره سنه مراجعت ايتلري و اوتوز برنجي كوني يعني شهر تشرين اولك اون اوچنجي چهارشنبه كوني ساعت طقوزده صوك مزايده سي اجرا و قرارداد قطعيسي كشيده اولنق اوزره املاك مذكوره پيشكاهنه عزيمت ايده چك اولان مأموري مواجهه سنده حاضر بولنلري دائره مذكوره دن اعلان اولنور .

تجارت بحريه محكمه سندن افلاسنه حكم اولنش اولان مركزي درسمادته و شعبه لري بيله جگده بولنان سستراق و ارمناق مانوقيان شركتنك خصوصات افلاسيه سنك رؤيت و تسويه سي ضمتنده دعوي و كيلرندن ميخالاكي نيقولاييدي وموسس فكري افندي لراصاله سندنك تعيين قلنمش اولدقلاندن مفلس مرقوم ذمتنده آله جني اولنرك قانوننامه تجارتنك ۱۹۹ و ۲۰۰ نجی ماده لري موجبجه تحقيق ديون ايچون تاريخ اعلاندن اعتباراً يكرمي بركون ظرفنده سنداتي محكمه كاتبه تسليم ايتلري ومدت مذكوره ختامندن صكره اوچ كونده يعني ۳۲۶ سنه سي تشرين اولنك دردنجي وبشنجي والتنجي بازار ايرتسي وصالي وچهاشنيه كونلرنده تجارت بحريه محكمه سنك افلاس اوطة سنه كلرك سندنك افنديلر مواجهه سنده آله جقلايني اثبات وقيد وتصديق ايتديملري ومدت مذكوره اثبات وجود ايده ميان آله جقولر حقتنده قانون مذكورك ۲۱۰ نجی ماده سنه توفيقاً معامله اولنه جني اعلان اولنور .

*
**

تجارندن چوق وافياديس افندي نك صدر اسبق كامل پاشانك سراجخانه باشنده كائن اقامتكاهنده ساكن ايكن اخيراً محل اقامتي مجهول مشاراليهك مخدومي سعيد افندي عليه درسمادت ايكنجي تجارت محكمه سنده اقامه ايلديكي نامنه جبرو اولنش برقطعه بوليچه موجبجه ايكيوز طقسان بر فرائق اللي ساتيم اله جق دعواسندن طولاي جريان ايدن محاكمه نتيجه سنده مبلغ مذبورك عندالاعتراض استكتابه تعليقاً مع فائض ومصارف محاكم تحصيلنه دائر محكمه مذكوره دن صادر اولان ۱۱ ايول سنه ۳۲۶ تاريخ و ۶۳۳ عددي اعلام غياييك صورت مصدقسي اصول محاكمه حقوقيه قانون موقتك ۲۶ نجی ماده سنك فقره اخيره سي حكمه توفيقاً تبليغ عد ايدلك اوزره محكمه ديوانخانه سنه تعليق اولنديني كي اوراق حوادله دخي اعلان كيفيته ابتدار اولندي .

*
**

جهانكيدر التمش سكز نومرولي خانه ده مقيم علي نصرت خان طرفندن انسطاش عليه نه اقامه ايديلان دعوايه اقسرايده طاش قصابده يشيل زقاعده ماليه كتبه سندن متقاعد امين بكك ادخالي قرار كي اولوب لاجل المحاكمه تسخير قلنان دعوتيه ظهريه مير مومي اليهك اقامتكاهي معلوم اولنديني خدمه سي طرفندن ويرلن شرحدن اكله شيلديني جهته معامله تبليغيه نك اصول محاكمه حقوقيه قانوننك يكرمي التنجي ماده سنك فقره اخيره سي منظوقجه اعلاناً اجراسي طاب واقع اوزرينه بالتسبب امر محاكمه تشرين اولك اون دردنجي پنجشنبه كوني ساعت يدي به قرارلشديربلوب اولبايده تنظيم قلنان دعوتنامه دخي محكمه ديوانخانه سنه تعليق ايدلش اولديغندن مومي اليهك يوم ووقت مزبورده بك اوغلي بدایت محكمه سي برنجي حقوق دائره سنده بالذات حاضر بولنسي وباخود مصدق بروكيل كوندرمسي لازمكلوب عكسي تقديرده دعواي مذكوره نك مدعينك طلييه غيابة رؤيت وفصل اولنه جني بيانيله اعلان كيفيته ابتدار قلندي .

*
**

عبدالرحمن عابد بكك غلطه ده قره كويده عمرعابد خاننده ۲۶ نومرولي اوطة ده مقيم ايكن اليوم اقامتكاهي مجهول بولنان عبدالله بن عياب بك ذمتنده ايكنجي محكمه تجارندن استحصال ايديلوب ۲ اغستوس سنه ۳۲۶

تاریخنده اعلاناً تبلیغاتی اجرا قلندش اولان ۲۴ تموز سنه ۳۳۶ تاریخلو ۴۷۱ نومرولو اعلام موجبجه مطلوبی بولسان اون درت لیرانک مع فائض و مصارف محاکمه و اجرائیه بی تسویه دعوتی متضمن اولان برنجی اخبارنامه نك دخی اعلاناً تبلیغی داین وکیلی طرفندن طلب ایدلش اولغله اشبو ایلول رومینک ۷ نجی صالی کونندن اعتباراً طقسان بر کونه قدر مومی الیه عبدالله بن غیاب بکک اثبات وجود ایدرک تسویه دین ایلسی و بوبابده قانوناً قبوله شایان برافاده سی اولدینی حالده مدت مذکوره ظرفنده تحریراً بیان ایلسی و مدت مذکوره مرور ایدوبده تسویه دین ایتدیکی و قانوناً قبوله شایان برافاده ده بولندینی تقدیرده داینک واقع اوله جق طلب و تشبثی اوزرینه معامله قانونیه اجرا اولانه جنی معلوم اولق اوزره تنظیم قلنان اشبو اخبارنامه مومی الیه عبده افندینک اقامتکاهی مجهول اولق ملاسه سیله اصول محاکمه حقوقیه قانونک ۲۶ نجی و اجرا قانونک ۲۹ نجی ماده لرینه توفیقاً مدیون مومی الیه تبلیغ ایدلش عد اولنق اوزره محکمه تجارت اجرا دائره سی دیوانخانه سنه تعلیق ایدلیدیکی کی غرضه لاله دخی اعلان مبادرت قلندی .

تلفراف و پوسته اداره عمومیه سنه اولان دین محکومیندن طولانی اغوب بویاجیان افندینک محجوز اولوب فروختی مقرر بولنان بیوکدرده کولمز زوقاغنده دروننده برچاشورخانه و رلموناق و صوخرینه سنی مشتمل اطراف دیوار و تیمور پرمقلاق ایله محاط ایکی بیک زراع عرصه ۵۲۵۰۰ و اسپانیا و چوبان اوغلی زقاقلرنده دروننده اشجار مثمره و غیر مثمره و ایکی حوض و طولومبلی برقیوی مشتمل اوچبیک طقوزیوز سکسان زراع عرصه یتش بر بیک بشیوز و نیقولی و شرنخانه زقاقلرنده درتیوز یکریمی الی زراع عرصه یدی بیک اکیوز . و چوبان زقاغنده درتیوز سکسان اوچ زراع عرصه یکریمی بر بیک درتیوز غرو شده طالبی عهده سنده قلنش و تشرین اولک طقوزنجی جمعه ایرتسی کونی قرار قطعینک کشیده سی مقرر بولنش اولدیغندن ضم ایله اشترایه طالب اولنلرک مدت مذبوره ظرفنده و یوم مذبوره محکمه تجارت اجرا دائره سنه کلری دائره مذکورده دن اعلان اولنور .

کوچک ایاصوفیه ده چیقماز سوقاغنده ساکن احمد افندی زوجیه سی امینه خانمک در سعادت بدایت محکمه سی ایکنجی حقوق دائره سنه اعطا ایدیدی عرصه خالده وصیه لری بولندینی اسماعیل نعمت افندی وعایشه مقبوله خانمک اموالندن و وکیل شرعی لری متوفی حمدی افندی یدندن شمس الدین افندیاه اقامتکاهی مجهول بولنان عبداللطیف مظهر افندینک کفالتلریله صلاح الدین افندینک استقراض ایدیدیکی مبالغ معلومه نك مدعی علیم مومی الیه مدین تحصیانی دعوی ایتش و کفلا دن مومی الیه عبداللطیف مظهر افندینک اقامتکاهی مجهول اولدینی جهته اولبابده تنظیم قلنان دعوتنامه ایله استدعا صورتی محکمه دیوانخانه سنه تعلیق قلنهرق محاکمه نك رؤی اوچیوز یکریمی آلی سنه سی تشرین اولک بشنجی صالی کوننه قرارلشدیرلش اولدیغندن یوم مذکورده مومی الیه عبداللطیف مظهر افندینک محکمه یه کلدیکی و یاخود طرفندن بر وکیل کوندردیکی حالده حقسنده

معامله غیایه اجرا ایدیله جکی معلوم اولق اوزره اصول محاکمه حقوقیه قانونک یکریمی آلتنجی ماده سنک فقره اخیرهنه استناداً کیفیتک اعلاننه ابتدار اولنور .

* *

نشان هانسیان افندینک علی کال بک ذمتنده تجارت بحریه محکمه سی اعلامیه غیر از استیفا متباقی مطلوبی بولنان مبالغ معلومه نك مع فائض و مصارف محاکمه و اجرائیه تأمین اخذ و استیفاسیچون مدیون مومی الیه نك تحت تصرفنده اولوب محجوز و فروختی مقرر بولنان باب عالیه نعلی مسجد محله سنده کلخان زقاغنده ایکی نومروایله مرقم و یوز قرق ارشون اوزرینه مبنی فوقانی و تحتانی یدی اوطه و ایکی صفه و برمحزن و مشتملات سارینی حاوی و اتصاننده دیگر دکانی محتوی معلوم الحدود بر باب بر بردکانی ملک و کدکنده مدیون مومی الیه متصرف اولدینی نصف حصه شایعه سی اشبو ایلول رومینک اون دردننجی صالی کونندن اعتباراً اون بش کون صکره موقع مزایده یه وضع ایدیله جکندن اشتراسنه طالب اولنلرک ودها زیاده معلومات المق ایستیانلرک محکمه تجارت اجرا دائره سنه مراجعت ایتلری دائره مذکورده دن اعلان اولنور .

روح المجله

اسبق موصل والیسی حاجی رشید پاشا حضرتلرینک اثر عالیلری اولوب ایکی سنه دنبرو طبع ایدلمکده بولنان بوشرح نفیسک حاوی اولدینی سکزجلده تماماً نشر ایدلشد . مسائل ساذجه فقهیه بی لایقوله اکلامق مبادی تصوریه و تصدیقینک بیلنمسنه متوقف اولوب اگرچه مجله احکام عدلیه نك هر کتابک مقدمه سنده مبادی تصوریه دن معدود اولان بعض تعریفات مندرج ایسه ده برقاج ماده سنندن ماعدا مبادی تصدیقیه دن بحث اولمدیغندن مشار الیه بوجهته اعتنا ایدرک هر ماده نك مستند اولدینی علل و اسباب شرعیه و منطقیه بی بیان و ایضاح و مواد مزبورده نك یکدیگری بیلنده و بولنله احکام اساسیه قوانین اره سنده اولان فرق و مناسبتلری ذکر و ایراد ایتش اولدیغندن مطالعه سی موجب استفاده در . سکزجلدی قرق غروش فیثاله بایزید و باب عالی جاده سنده کی کتابجیلرده صائقده در . مجله احکام عدلیه بی مطالعه ایدنلر علم فقهک واضعی بیامک ایجاب ایده جکندن « حضرت امام اعظمک سیاسی ترجمه حالی » دخی مشار الیه طرفندن بالتحریر طبع و نشر ایدلشد فیثاتی برغروشد .

دین مبین اسلام

هر مؤمنک بیلنمی لازمکلن مسائل اعتقادییه و طهارت ، صلات زکات ، صوم ، حج و مناسکات و منازقات و مولودات حقنده کی احکام شرعییه و علم تصوف ایله طرق علیه و مکارم اخلاق اسلامیه و اخوت دینییه دئر معلومات نافعیه بی حاوی اولوب بشجلدر . بو کتاب جلیل محرری مشارالیه رشید پاشانک اخوان دینه هدیه سی اولدیغندن یا لکیز مصارف طبعیه و نشریه مقابلی اوله رق هرجلدی یوز پاره یه در . برنجی جلدی نشر اولندی . دیگرلری طبع اولمقددر . طشره ایچون قرق پاره پوسته اجرقتی آلنور .

